

VACATIONVM
EPIDIMIALIVM
PARS SECVNDA.

Siue

CONCLVSIONES PRO MONIALIBVS
cum Illustrationibus.

AVCTORE GEORGIO POLACCO VENETO,
Monialium Vicario.

Eminentissimo, ac Reuerendissimo D.

D. FEDERICO CARDINALI CORNELIO
Venetiarum Patriarchæ, &c. D.



VENETIIS, MDCXXXIII.

Ex Typographia Pinelliana.

Superiorum Permissu.

FACTORY

THE

OF THE

THE

THE

THE

THE

THE

THE

THE

THE

THE

THE

THE

THE

THE

THE

THE

THE

THE

THE

THE

THE

THE

EMINENTISSIME,
AC REVERENDISSIME
DOMINE,

D. Summa obseruantia Colende.



Vdet hic libellus tuum sibi augustum nomen inscribere, non sui, non Auctoris, sed argumenti fiducia, pro Sacris Virginibus quippe scriptus; quarum semper magna fuit in Christiana Republica maiestas; quin & inter Ethnicos locus honoratus. Nam & Romæ Vestalium erat penè senatoria dignitas, & apud Græcos quoque in precio Virginitas fuit, rara tamen, ideoque cara Virginitas. Sed flores illi, quos vix singulos integra regna Gentilium conspexere, totos Ecclesiæ campos, præsertim de sanguine Dominico recens irrigua noualia occuparunt. Hinc Sancti Patres pronuntiare non verentur, Christum fuisse primum ducem, & doctorem Castitatis, primum scholam aperuisse continentię, primum tanti ornamenti splendorem ante omnium oculos posuisse. Dum vacarem domi ob ingruentem pestiferæ luis illuuiem, hæc pro sacrarum Virginum regimine exaravi, quasi prælagiret

animus, & te Venetæ Urbis Patriarchatum adepturum, & me sub te ipsarum Virginum curam, & gubernationem. Exitus præfagium probauit. Suscipe igitur, Cardinalis Eminentissime, opusculum tibi iustis de causis debitum, & me tibi tam multis, ac magnis nominibus deuinctum, tua auctoritate adiuuare, ac tuis prudentissimis monitis instituere, & erudire necesses. Melior est portio gregis Christi hæc cælestis in terra Ciuitas, & hoc perpetuum inter homines miraculum, vnde maior est adhibenda in hac custodienda cura, ac vigilantia. Admiror equidem, & obstupesco, dum te cum hisce Virginibus loquentem audio, nam quod loquendo præcipis, tua eloquentia, & benignitate adiuuas, vt fiat; Et si quas forte ex ipsis aut ignorantia suæ professionis, aut temporum improbitate ab officij limine transuersum actas reperis, nihil illis præter peccandi licentiam adimis. Non enim te latet, Prælatum, si ouinam induat mansuetudinem, facile lupos etiam in oues conuertere posse. Maacte ergo isto zelo, Præsul Amplissime, sic enim hæc castitatis Margaritas à plagiarijs hominibus custodies, & ipsas cælesti sponso præsentabis, quibus nil carius ei præberi potest. Sicubi namque ille viderit Castimoniam, velut amoris sui illicium, & Iungem, lubentius aduolat, quam Poeticus Iupiter ad Veneris cæctum, ad Iunonium fucum, &

rega-

regalem paraturam . Vbi Deus, ibi pudicitia, vt
grauissime dictum à Tertulliano . Et Isidorus Aegyptius doctus à Deo non dubitauit asserere, Numen diuinum aptiorem sibi nullam, ac familiariorē sedem constituisse, quam puram, & castam animam . Quis igitur contemnat (vt quod de Hebræis dictum ad nostras transferam) Sanctimonialium Cænobia, quæ mulieres Deo tam ptoximas habent, vt non pro eis merito, & pugnare, & mori etiam debeamus ? Sed ne te morer teneamq; diutius, ad ipsas Sacras Virgines mea se conuertat oratio, cum Bernardo dicendo, solere Virgines, quæ Virgines sunt, semper esse pauidas, & numquam securas, & vt timendo caueant, etiam tuta pertimescere . Legisse me memini, B Martinum sanctitatis cuiusdam Virginis fama pertractum, inuisere eam aliquando statuisse, illam vero renuisse, precatam tantum, vt ille pro se Dominum oraret; ac ne miraretur de hoc, quoniam à viro numquam fuerat antea visitata . Commendauit vir Dei Martinus prudentiam Virginis, & quod tantopere virorum conspectum formidaret, vehementer probauit . Hinc est, quod etiam Gentiles Bonam Deam ferant fuisse castissimam, quippe quæ numquam fuerit egressa domo, neque virum viderit, dum vixit, vllum . Et idcirco ab eius Sacris Romæ vsq; adeo mares arceri solitos, vt & picture masculorum

lorum regerentur, ne forte muliebris animus inter sacrificandum ex huiusmodi inspectione impudicis desiderijs sædaretur. Virginis hæc nota est, ac consignatio; viri consortia fugere, aspectum, quantum illis as, declinare. Quare S. Ioan. Damascenus de B. Virgine loquens, sic ait, Virgo Angeli ore conterrita est, ut quæ cum viris colloqui minime consueuisset, siquidem Virginitatem sedulo seruare constituerat. Non ergo constituit, quæ passim cum viris sermones ferit, & colloquia nulla necessitate, nulloque compendio producit. Sed non producam ego longius hanc præfaciunculam. Vale igitur, & viue, Antistes præclarissime, Ecclesiæ tuæ, & præcipue Sacræ huic familiæ, quam, ut inquit Hieronymus, statim ac filius Dei ingressus est super terram, sibi nouam instituit, ut qui ab Angelis adorabatur in cælo, haberet Angelos in terris.

Venetijs Ipso Die Festo Panis Electorum, & vini Virgines germinantis.

Reuerendissima Eminentie Tue.

Additissimus, & Obsequentijs.

Georgius Polaccus.

Approbatio.

Iussu Reuerendissimi Patris Magistri Hieronymi Quintiani, in toto Sereniss. Reip. Venetæ Dominio Generalis Inquisitoris, librum, cui titulus est, Vacationum Epidemialium secunda Pars, Auctore Georgio Polacco Veneto, non absque ingenti animi mei voluptate, perlegi. Nihil in eo offendi, quod aures piorū offendat. Multum, quod Christianam pietatem redoleat, quod Regularem disciplinam ædificet, utpote Sacrorum Canonum, Sanctissimorum Pontificū decretis, Eminentissimorum Sacros. Concil. Trid. Interpretum, Oraculis, ac Sacræ Theologiæ, Sacrique Iuris professorum sana doctrina perfusum. Ne ergo tanta lux diutius sub modio lateat, sed supra candelabrum affulgeat, in Virginum Deo Sacrarum, eorumve curam gerentium, immo & totius Christianæ Reip. commodum, atque decus, ut typis mandetur, alacriter censeo.

Ex nostris Aedibus Sancti Nicolai Tolentinatis almæ Urbis Venetiarum. Non. Februarij. Anno Curisti M. D C. XXXIII.

Benedictus Bassus Congr. Cleric. Regul. S. T. D.

EAdem mihi de hoc eodem libro mens, censio eadem, iudicium idem; Ab eodem Reuerendiss. P. Inquisitore iussus illud euoluere, lubens euolui; nihil contra fidem in eo deprehendi, nihil contra bonos mores; quin cuncta hic bona, cuncta hic bene, ac dignissimus mihi visus, qui editus videatur ab omnibus, omnium manibus tereretur; Multum referre in lucem librum prodire, qui eruditione tam multa, tam variâ, tam proficua refertus est. Ita censeo, & hac mea subscriptione firmo.

Ex Aedibus nostris Sancti Nicolai Tolentinatis V. Id. Februarij 1633.

Ego Aloysius Nonarinus Clericus Regularis. S. T. P.



IESVS, MARIA, HIERONYMVS.
CONCLVSIONES
PRO MONIALIBVS,
Cum Illustrationibus.

De Nouitijs. Cap. I.

- 1 *Monialium Institutum antiquissimum, ac perpetuum in Ecclesia fuit.*

ILLVSTRATIONES.



HASSANAEVS In suo Catalogo Gloria Mundi 4.p. confid. 72. Qui ait, harum institutum esse vetustius, quam quæuis alia Monachorum religio: Matthæus namque Iphigeniam, Paulus Teclam, & Petrus Petronillam Virgines consecrarunt. De Marta etiam legimus Masiliæ Collegium Virginum congregasse, cum quibus vsque ad mortem sanctissime

vixit. Theophila propè annum trecentesium Nicomediæ multa Virginum regebat monasteria; eodemq; ferè tempore in Hispania floruisse sanctimonialium Virginum statum ex Elibertino Conc. cap. 13. & 27. colligimus. Exstant & antiquorum Patrum testimonia de his Virginibus Sacris, ac velatis, qui omnes

de harum statu loquuntur, vt de re antiqua, etiam si ipsi antiquissimi sint, & propè Apostolorum tempora.

- 2 *Possunt puella recipi à superioribus Monialium intra clausurā, vt suo tempore profiteantur, etiam si sint minores duodecim annis.*

ILLVSTRATIONES.

S *Anchez in Decalog. lib. 4. c. 18. num. 34.* Vbi probat, id *Concil. Trid. sess. 25. de Regular. c. 17.* non contradicere, quippe ibi nil de puellæ ad religionem admittendæ ætate decernitur, sed de examine voluntatis præmittendo, quando ingrediens fuerit maior duodecim annis, & ita sub conditione loquitur, ibi, *si maior duodecim annis fuerit*, quæ nihil ponit in esse. Immo id decretum clare supponit, minorem ea ætate suscipi posse. Alias non loqueretur sub conditione, si maior duodecim annis fuerit.

Michael Metina de Sacrorum hominum continentia lib. 4. contron. 9. c. 4. Latissime idem probat, & dicit nil alienius à Sacræ Synodi mente excogitari posse, quam cōtrarium velle tueri. Et ait, se interfuisse illi Decreto, atque attentissimis auribus suffragia omnium Episcoporum accepisse, & nil tractatum fuisse de sola puellarum maiorum duodecim annis ad religionem admissione.

Quare optime concludit, duo in eo Decreto statui. Alterum est, vt si puella ingrediens sit maior duodecim annis, quantæcunque ætatis sit, duplex Episcopi examen subeat; alterum ante habitus susceptionem, & alterum postea ante professionem. Et vtrumque petijt, quia sæpè puellæ inuitæ habitum suscipiunt, & quamuis voluntarie illum assumant, non rarò inuite profitentur timore parentum, vel cognatorum, vel verecundia habitus dimittēdi. Alterum verò, quod in eo Decreto statuitur, est, vt puella minor duodecim annis ingrediens, vnicum examen subeat, nempe professionis tempore quoniam ante etatem duodenariam varium existimauit Tridentinum id examen præmitti, ob tene-

Miranda quoque *Traff. de Monialibus quæst. 8. art. 2.* sic intelligit hoc decretum, & corroborat, dicens, si expectandum esset, ut huiusmodi puellæ essent duodecim annis maiores, ut religionis habitum suscipere possent, multæ eorum, & forsitan maior pars religiosæ, & moniales numquam fierent, breuique temporis spacio Monialium omnium status periret. Experimento præterea etiam compertum est, illas puellas, quæ in ætate tenera, atque infantili Religionem ingrediuntur vberiores postea fructos in Dei seruitio facere, minusque affici ad ea, quæ sunt mundi.

Sed hodie, sequitur ipsi *Miranda*, circa supradictam conclusionem, iam nulla est dubitatio, cum, ut dicitur, habeatur Declaratio Cardinalium, asserentiû Concil. Trid. non prohibere, quin parentes mittant in Monasteria filias maiores septennio, iuxta antiqua iura, ut habetur in *cap. cum simus; cap. cum virum, de regul. cap. Monachum 20. quæst.* & tradit *D. Thom. 2. 2. quæst. 187. artic. 5. & 6.*

Gauantus tamen in suo *Manuali Episcop.* vult, quod puellæ, quæ habitum regularem suscipere volunt, debere esse duodecim annis maiorem; alias recurrendum esse ad Sacram Congregationem; & ita declarasse Congr. Episc. 1592.

Abbatissæ etiam de consensu suarum Monialium, sine suorum Prælatorum licentia, nullo modo possunt Nouitias recepere. *Miranda loc. cit. artic. 1.* putat id esse certissimum de iure communi, & in omnium Monialium Monasterijs quorumcunque Religionum, Nouitiarum receptionem ad suos proprios Prælatos, atque Superiores pertinere, cum super eisdem iurisdictionem habeant; atque ita Nouitiæ ipsis consentientibus, non vero renuentibus eorum obedientiæ, & iurisdictioni debent subijci. Pro Monialibus Minoribus subiectis extat hac de re *Statutum Nicolai V.* quod Abbatissæ; nec simul omnes Moniales possint aliquam ad religionem, vel professionem recipere, nisi de Provincialis, aut Visitatoris licentia.

Notandum est, viduas non conuenire admitti ad habitum Monachalem Virginum. *Congr. Ep. 29. Jan. 1585.* nec posse Ter-

tiam sororem Monialem admitti sine licentia Sedis Apostolicæ.
Ead. 25. Maij 1595.

- 3 *Parentes habent ius patriam offerendi Monasterijs, pro vita futura Monastica, istas puellas.*

ILLUSTRATIONES.

Sic è *Sanchez Portuel in Dub. Regular. V. Clausura, In Addit. nn.*
 8. Nec puellæ ab illis sic oblatae Monasterijs, possunt exire à dictis Monasterijs, nisi post annum completum pubertatis. Vnde puella posita à parentibus in Monasterio ante annum duodecimum, non poterit inde exire libertatis gratia, nisi post completum annum duodecimum, quando puellæ aduenit pubertas. Ratio est, quia filia ante pubertatem est sub omnimoda potestate parentum; at post annum duodecimum poterit ipsa exire à conuentu inuitis parentibus.

An verò pater, vel mater, qui cogit filiam inuitam, vt intret Monasterium pro vita futura eligēda; si ista puella habeat vsum rationis, sed tamen non habeat annos pubertatis, videlicet annū duodecimum, incurrat excommunicationem Concilij Trid. positam contra cogentes feminam ingredi Monasterium. Idem *Portuel loc. cit.* negat. Ratio, quia parentes etiam ex iure canonico, quod non fuit reuocatum à *Concilio Trid. sess. 25. c. 18. de regular.* habent potestatem, & ius naturale offerendi filios religioni; & talis filius sic oblati tenetur obedire Patri ordinanti suam educationem. Incurreret vero, si cogeret ingredi post annum pubertatis.

Portuel fatetur, se apud nullum Doctorem hanc quæstionem reperire. Eam tamen *Suarez*, quem nulla difficultas fugit; *Tom. 3. de Relig. lib. 5. cap. 9. num. 4.* Tractat, & negat absolute etiam ipse, vllam censuram parentes, vel tutores incurrere, immo nec peccare, cogentes feminam Monasterium ingredi. Qui etiam addit, nec incurrere parentes aliquam censuram, licet mortaliter peccent, qui filiam post annos pubertatis ad ingrediendū Monasterium

sterium ad educationem, vel custodiam tantum. Existimat namque Concilium non fuisse loquutum de hoc ingressu, sed de illo, qui per se ordinatur ad susceptionem habitos, & sub hac conditione, seu pactione fit.

Diana insuper in suis *Resolut. mor. Tract. 1. Miscell. Resolut. 56.* assert multos Doct. contrariam tuentes sententiam. Et licet etiam aliam probabilem satis, & in praxi tutam existimet, nihilominus libenter amplectitur eam, quæ affirmat, incurri excommunicationem à cogentibus, etiam si ipsi non dicant, ut intret ad habitum suscipiendum, vel ad professionem emittendam, sed solum, ut ibi maneat cum habitu sæculari, usque ad occasionem nubendi. Quod intelligendum est, quando huiusmodi feminæ cogatur intrare Monasteriū puberes, id est post annos duodecim.

Desideratur non solum patris, sed etiam matris consensus, in offerenda puella impubere religioni; Quod iure communi potior sit prohibentis conditio. *Regula in re communi, de reg. iuris, in 6. l. Sabinus ff de cōi diuidundo.* Sic *Sanchez loc. cit. num. 16.* Qui etiam *num. seq.* ait, idem dicendum esse, si puellā habeat plures tutores, contradicentis enim pars præfertur.

- 4 Puella admissa ad religionem ante pubertatis annos, licet non sit proprie Nouitia, attamen large talis censetur.

ILLUSTRATIONES.

Sic *Sanchez lib. 5. cap. 4. num. 24.* Gaudet enim priuilegio canonis concessio Nouitijs *C. religioso, de stat. excommun. in 6.* ut ipsas percutiens sit excommunicatus, ut docet *Paludanus*, & *Angelus* ab ipso *Sanchez* citati. limitat *Sanchez*, quādo ante vsum rationis admissa esset, etiam à parentibus oblata, quia nec improprie tunc est Nouitia, donec adepto rationis vsu consentiat; nec oblatio parentum antea facta aliquid operatur.

- 5 *Excommunicatur, qui per vim, seu metum cogit feminam ingredi Monasterium, vel suscipere habitum, vel profiteri, dummodo sequatur aliquis eorum effectus.*

ILLUSTRATIONES.

Concil. Trid. sess. 25. c. 18. de Regular. Dubitari hic posset, an qui cogit feminam, vt Monasterium ingrediatur, & in coactione perseverat, donec habitum suscipiat, ac tandem vt profiteatur, tres excommunicationes incurrat. *Suarez Tom. 3. de Relig. lib. 5. cap. 9. num. 3.* tenet probabiliter, vnam tantum excommunicationem incurrere, quando sc. cogit ingredi, & in eo animo perseverat, quousque suscipiat habitum, & profiteatur. Fatentur tamen securius esse in petenda absolutione à censura integrā causam illos aperire; quia, vt minimum, est notabiliter aggravans, & multum varians moralem causam, atque adeo morale iudicium eius.

Excommunicatio hæc ligat quascumq; personas, & contrahitur per solum coactionem indirectam, qualis est illa, quam patrens infert feminæ in victu, vestitu, verbis, & alijs actibus, contumeliose illam tractando, & affligendo, ac tali intentione, vt illa tædio affecta tandem ingrediatur. Non incurrit tamen hanc censuram Pater, qui relinquit heredem filiam ea conditione, vt ingrediatur Monasterium, sic *Cardinalium Congregationem* censuisset testatur *Suarez loc. cit. num. 5.*

Concilium extendit hanc censuram ad dantes auxilium, consilium, fauorem ad supradicta. Et notandum est, quod talis extensio valde singularis est, & potest comprehendere multos; vt consanguineos puellæ, Superiorem Vicarium, & Episcopum, qui scientes eam non sponte ingredi, tamen suam auctoritatem interponunt, vel præsentia colonestant. Declararunt Cardinales, feminam sic inclusam per vim in Monasterio, educendam esse, & si aliquod nocumentum ob eam causam passa est, eorum expensis compensandum esse, qui talem vim intulerunt.

Notan-

Notandum est, quòd si femina constituatur per metum in Monasterio, vt ibi educetur, donec sit apta nuptui, non incurri in hoc casu excommunicationem, quemadmodum etiam non incurritur, cogendo ad faciendum votum ingrediendi Religionem; quia hæc non est proprie coactio ad Religionem.

Denique animaduertendū est, conantes ingredi Religionem, vel habitum suscipere, vel profiteri, non esse excommunicatos, femina non ingrediente Religionem; nam prædicta excommunicato supponit effectum secutum, videlicet, vt femina ingressa sit Religionem propter illam coactionem; hæc enim est differentia inter cogere, & conari, quod cogere importat effectū, conari vero dicit actionem per ordinem ad coactionem. Vide *Bonacinam de Censuris disput. 2. quest. 6. puncto 3.*

6 *Nouitiatur non est legitimus 1. quando non est habitus in legitima ætate.*

ILLUSTRATIONES.

Legitima ætas ad Nouitiatum est pubertas completa; videlicet in viris quattuordecim anni completi, in feminis vero duodecim. Et quamuis ante ætatem hanc admitti femina ad religionem possit, vt dictum est; at vere, & proprie nouitius non incipit esse, donec illam expleat. Et ratio huius est, quia annus illi datur ad austeritates religionis experiendas; inter quas supremum locum obtinet castitatis obseruatiã, cuius difficultates impuberes experiri plene nequeunt. Sic *Sanchez lib. 5. cap. 4. nu. 22. Citans text. & DD.*

Nec malitia supplet ætatem, sicut nec supplet in ætate ad professionem petita. Sicut etiam complenda hæc est ætas de momento ad momentum; & in anno bissextili duplex dies tanquam vna reputari debet. Huic sententiæ etiam subscribit *Barbosa in Appendice ad Allegat. 101.* Vbi assert Declarationem. *Sacra Congreg. Conc. Trid. in vna Patauina de mense Iunij 1627.* quæ censuit, non valere professionem respectu anni bissextilis cuiusdam, qui ingressus

gressus est Religionem 27. Martij & die 26. eiusdem mensis sequentis anni currenti anno bissextili emisit professionem.

Non interdicat Concilium Nouitiarum incipi, aut compleri ante sexdecim annorum ætatem, vt ex multis concludit *Sanchez loc. cit. & num. 25.* probat, minus bene Sorbo dixisse, hoc correctum esse per *Motum proprium Sixti V. contra illegitimos*, vbi statuit, nullum sexdecim annis minorem ad religionem admittendum esse; nam deceptus est, quia id non statuit, sed tantum maiorem sexdecim annis admittendum non esse, nisi præmissa morum ipsius informatione.

Suarez loc. cit. cap. 15. num. 9. existimat, eadem iura, quæ statuunt, vt annus probationis præcedat, consequenter velle, vt finito anno statim de persona iudicium feratur, & ad professionem admittatur, si admittenda sit; vel saltem in eodem statu probationis vsque ad professionem perseueret; nam si illum mutet, moraliter mutat fundamentum iudicii, quoniam multum potest mutare mores, propter quod moraliter etiam loquendo, noua probatione indiget.

Idem Sanchez loc. cit. cap. 13. nu. 8. & ipse fatetur, posse annum probationis inchoari ante decimum quinctum expletum, dummodo incipiat post annos pubertatis; quia iure antiquo id poterat fieri; Concilium autem nihil circa hoc innouauit; nec item est opus, vt statim expleto anno decimo sexto Nouitius ad professionem admittatur.

7 *Nouitiatus non est legitimus 2. quando extra Monasterium habitus est.*

ILLUSTRATIONES.

S *Thuesler V. Religio q. 5. Angelus V. Nouitius num. 16. Nanarr. conf. 9. de Regular. num. 2.* Et sæpè in alijs consilijs; immo inter *Declarat. Card. ad d. cap. 15. Conc. Trid.* Expresse additur, quod probatio debet esse intra claustrum per annum continuum. Verumtamen hæc conditio, vt ait *Suarez loc. cit. cap. 4. num. 13.* materia-

terialiter sumpta necessaria non est; formaliter autem intellecta est vera, & admittenda, quod iidem auctores sentiunt. Et explicatur in hunc modum à *Panorm. in cap. cum illorum, de sent. excom.* dicente, vbi cumque fuerit monachus, si sit sub obedientia Abbatibus, semper fingi eum esse in claustro. Sic ergo si esse in claustro intelligatur vere, & sine fictione, quod *Suarez* appellat esse materialiter, non est de substantia nouitiatus, nullo enim iure hoc postulatur.

Hinc etiam *Nanar. consil. 32. de Regular.* recte respondit, si Nouitius de mandato Prælati per magnam partem anni extra monasterium versatur, & etiam in curia Principis tractans negotium religionis, semper esse in probatione sine interruptione, & posse suo tempore professionem emittere, quia non est de ratione anni probationis manere semper intra septa monasterij; sed ad probationem sufficit manere sub obedientia sui superioris, vbi cumque nouitius fuerit.

Id locum habere in solis masculis nouitijs, non autem in feminis docet *Rodericus quæst. Regular. Tom. 3. quæst. 15. artic. 16.* Quia cum præcipua monialium asperitas sit clausura, ea vti que ad professionis valorem est necessario experienda. Extat tamen *Declaratio Card.* Qua responsum est, si nouitia curandæ valetudinis causa de licentia superiorum monasterio exeat, & in domo parentum curetur, nõ propterea interrumpi nouitiatum, sed eodem tempore posse professionem emittere, ac si è claustro non exisset. *Suarez loc. cit.*

- 8 *Nouitatus nõ est legitimus 3. quando nouitia non detulit peculiarem habitum suæ religionis; sed in saculari nouitiatum peregit.*

ILLUSTRATIONES.

ITa *Sanchez loc. cit. nn. 29.* Qui tenet, de nouitiatus essentia esse, illum peragi habitu religionis suscepto. Nam in vestitu illius religionis deferendo est quædam vitæ austeritas, difficultas, ac labor, quæ inter probationis experimenta numerantur. Ergo est

B. neces-

necessarium id nouitiam experiri. Item quia religionum vsus id testatur. Et *Trid. dist. 25. & cap.* videtur hoc expresse decidere; dum decernit, annum nouitiatus ad professionis valorem, numerandum à die susceptionis habitus. *Suarez* tamen *loc. cit. nu. 11.* contrarium sententiam tueretur. Vide, si placet, eius rationes, quæ multum vrgent.

9 *Nouitiatus non est legitimus 4. quando, & si toto anno peractus fuerit, is non fuit continuus, sed interpolatus.*

ILLUSTRATIONES.

Sic *Sanchez* contra nonnullos, qui censent, nullo iure Nouitiatus anni continuitatem peti. At dicendum est, exigi eum annum continuum esse, vt legitimus sit nouitiatus, & valeat professio. Nam quories in decreto aliquo tempus aliquod petitur, id necessario debet esse continuum; vt tradunt *glos. in fin. rub. ff. de diuers. & temp. præscrips. & c. 2. v. per annum, de temp. ordin. in 6.* vbi *Francus num. 5. Imola Clem. 1. num. 18. de integr. restit. & alias alleg. & ex var. sex. probantes. Anton. Gomez Tom. 3. var. c. 1. num. 3. Gut. q. can. lib. 1. c. 12. num. 24.* Ergo cum *Trid. loc. cit.* absolute petat integrum nouitiatus annum ad professionis valorem, is debet necessario esse continuus.

Adde, quia is annus præscribitur, vt nouitius integre, & perfecte religionis asperitates experiatur. At inter alia non infimum locum tenet, eas sine intermissione perferre. Sicut multo difficilius est, continua quadraginta ieiunia perferre, quam interpolata. Sic *Sanchez*, qui etiam tenet, quantumvis modi cum continuationis defectum professionem irritam reddere.

Si tamen nouitia, expleto nouitiatus anno deferuisset religionem, non egeret postea, ad illam rediens, nouo nouitiatu ad profectendum, nisi conditio personæ, aut religionis sit ita mutata, vt non censcantur eius difficultates moraliter exploratæ. *Sanchez num. 34.* Qui etiam *num. seq. ait, privilegium Iulij 2. Minoribus concessum*, vt integrum sit continuare annum nouitiatus semel interruptu

rupti per nouitij egressum, si iterum ad religionem veniat, esse reuocatum. Ratio, quia id olim concessum est, dum annus nouitiatus non ita exacte petebatur, sed ex communi cōsensu integrum erat illud cedere. Ac hodie rigidissime petit *Trid.* peragi cum nouitiatus annum, & decernit ex professione aliter facta nulla prorsus obligationem induci.

Barbosa in Append. ad Allegat. 101. vult, quod supradicta continuatio non solum esse debeat per annum expletum, sed etiam vsque ad professionem, ita vt completo anno, si nouitius egrediretur Monasterium, & postea iterū rediret, professionem emitte-re non posset virtute præfatæ vnius anni probationis, sed iterum iſchoare deberet nouitiatum, & citat Doct.

10 *Nouitiatus non est legitimus 5. quando nonis in furorem, seu amentiam incidit, & per maiorem, seu magnam partem anni nouitiatus durauit amentia, seu furor.*

ILLUSTRATIONES.

Sic *Hieronymus Rodericus loc. cit. num. 41.* qui contra *Sanchez* tenet, furorem per mensem etiam durante, non impedire cursum nouitiatus. Nam post eum mensem ad mentem rediens, iudicatur tamquam si in phrenesim incidisset, ad effectum admittendi eum ad professionem, statim à die peracti anni probationis, absque eo quod suppleat tempus, quo fuit in amentia, vt ipse *Sanchez* concedit in phrenetico.

Si vero per maiorem, seu magnam partē anni durauit furor, seu amentia, supplenda est ea dumtaxat pars temporis, quo durauit furor, seu amentia; idque sufficere *arg. c. sicut tenor, de Regular.* vbi ideo professio furiosi non tenuit, quia tempore, quo fuit indutus habitu monachali extra mentē positus erat; ergo à contrario sensu valeret, si suæ mentis compos tunc repetiretur; & constat ex illis verbis, ibi, *Nisi postquam mentis sua factus est compos, Spontanea voluntate professionem fecerit monachalem.* Quæ ratio etiam militare videtur in anno nouitiatus quoad eius

validitatem; nam si tempore, quo induta est habitu monachali mentis suæ compos erat nouitia, spontanea voluntate creditur id fecisse, ac ideo nouitiatus non interrumpitur per superuenientem amentiam, & consequenter sufficit supplere id tempus, vt valide profiteatur.

- 11 *Nouitiatus est legitimus, licet nouitia statim ac monasterium ingreditur, in lectum incidat agrotata, & ita duret per totum annum integrum probationis.*

ILLUSTRATIONES.

S *Varez loc. cit. cap. 14. num. 15.* Et potest profiteri, quia ille fuit verus annus probationis, quod ex mente omnium Doctorum asseruit *Nauar. loc. cit. conf. 32. num. 5.* Et ratio est, quia quantum ex se est, verè manet in statu probationis in tali religione, & sub obedientia illius. Quod autem actu probari non possit, est per accidens, nec refert, quod annus probationis datus est ad summendam experientiam, tum quia finis legis non est de substantia legis: tum etiam, quia in eo casu nouitia satis probatur per infirmitatem, in qua sufficienter poterit religio cognoscere naturam eius, & aptitudinem ad religionem; ipsa vero, & charitatem, & mores religionis poterit cognoscere, & quamuis non valeat vitæ austeritatem in se formaliter, vt sic dicam, experiri, aliunde tamen poterit sufficienter notitiam comparare.

- 12 *Non potest aliqua religionem ingredi, nisi ab ea recipiatur.*

ILLUSTRATIONES.

S *Varez loco citato, capitul. 10. numer. 1.* Ratio, quia hæc correlatiua sunt, veluti partes humani contractus, qui non potest nisi mutuo consensu perfici. Requiritur in recipiente potestas, quæ iure communi pertinet ad Abbatissam, seu Priorissam cum Capitulo simul. Sed recurrendum est hac in re ad regulas ipsa-

ipsarum Monialium, & constitutiones, ac ad priuilegia per Sedem Apostolicam concessa. Quod si nec in regula, nec in priuilegijs specialis, ac propria declaratio huius rei contineatur, præcipue attendenda est consuetudo; & apud illum erit hæc potestas, qui consuetudine præscripta illius vsum habuerit.

13 *Abbatissa, etiam de cōsensu suarum Monialium, sine suorum Prælatorum licentia nullas possunt recipere nouitias.*

ILLVSTRATIONES.

Miranda de Monialibus, quæst. 8. artic. 1. Qui hanc conclusionem putat esse certissimam de iure communi, & in omniū Monialium Monasterijs quarumcumque Religionum, Nouitiarum receptionem ad suos proprios Prælatos, atque Superiores pertinere, cum super eisdem iurisdictionem habeant; atque ita Nouitiæ ipsis consentiētibus, non vero renuentibus, eorum obedientiæ, & iurisdictioni debent subijci. Recenset ipse Miranda speciale de hoc præceptum, & Statutum Nicolai V. pro Monialibus Fratribus Minoribus subiectis.

Legantur Acta Ecclesiæ Mediolanensis, ibi enim reperietur formula facultatis habēdi capitulum pro puella ad Religionem admittenda. Vbi etiam iubetur Præfectæ Monialium, vt statim de suffragiorum exitu superiorem admoneat. Debet ferre duas partes ex tribus suffragiorum puella ad Religionem admittenda. *Gauentius loc. cit.*

Formula qua utitur Eminentissimus, & Reuerendissimus Cardinalis Patriarca, in admittenda puella ad habitum Monachalem.

FEDERICO CARDINALE ETC.

Concediamo licenza alla Madre che alla presenza del suo Padre Confessore, stando egli nella Chiesa esteriore al fenestrino, dove si fa la Santissima Comunione, e seruandosi tutti gli ordini sopra ciò dati, possa vestire dell' habito di Monaca accettata di nostra Commissione alla Religione nel detto Monasterio. Auuertendo essa Madre Superiora, ch' e tenuta ad auuiscarci vn mese prima che finisca l'anno del Nouitiato, facendoci fede della modestia della Nouitta sì nell' habito, come nel resto, à fine che la possiamo ammettere alla Professione regolare sopra di che incarichiamo la coscienza sua.

Notandum hic est, quod puella, licet ingredi velit Monasterium Regularibus subiectum, ab Episcopo tamen examinare debet. *Congr. Episc. apud Barbof. Allegat. 100. num. 4.*

Hic apponere libet nonnulla circa Monialium Nouitiarum alimenta sumpta ex *Gauanio loc. cit.*

Excepto victu, & vestitu Nouitiæ illius temporis, quod est in probatione, nihil tribuatur Monasterio de bonis eiusdem, sub poena anathematis dantibus, & accipientibus. *Trident. sess. 25. cap. 16.*

Tempore Nouitiatus præbeantur alimenta à consanguineis, præter dotem depositum. *Congreg. Episc. 13. Septemb. 1583.*

Anno probationis durante deponatur pecunia, quæ datur nomine dotis, seu alimentorum pro tota vita, & post professionem in bonis stabilibus, seu censibus implicetur. *Ead. 1581. soluat in ære, non in bonis stabilibus. Ead. 28. Martij 1588.* Deponatur penes idoneam personam, non affines, neque consanguineos Monialium. *Ead. 6. Iunij 1625.*

Pro tertia sorore duplicata portio debet solui, intra numerū præfixum; pro quarta autem sorore triplicata portio danda erit. *Ead. 26. Aug. 1616.*

Expendi potest dos in vsus cōmunes Monasterij necessarios; si vero sit super numerariam, omnino in emptionem bonorum stabi-

stabilium conuertatur. *Ead. 6. Junij 1615.*

Nulla renunciatio, aut obligatio valeat, nisi fiat cum licentia Episcopi, seu Vicarii intra duos menses proximos ante professionem. Nec intelligatur sortiri effectum, nisi secuta professione, si discedat Nouitia, restituantur omnia, quæ secum attulit, & cogatur etiam per censuram. *Trid. sess. 25. cap. 16.*

Idem fiat, si moriatur ante professionem; quod decretum refert. *Barbos. Allegat. 101. nu. 40.* Deductis alimentis Nouitiatu. *Azor. par. I. leg. 13. cap. 9. quest. 2.* Habitus religiosus non est restituendus, sed pretium decretum. *Barbos. sup. num. 39.*

*De puellis recipiendis in Monasteria Monialium,
educationis gratia. Cap. II.*

- 1 Puella, educationis gratia, in Monasterijs Monialium retineri possunt.

ILLUSTRATIONES.

Ratio est, quia educatio puellarum in magnam cedit Monasterij vtilitatem, cum multæ ex ipsis religiosum habitum in eodem Monasterio, in quo educationis gratia perstiterunt, suscipere soleant. Tum quia sic à *Sacra Cardinalium Congregatione* declaratum est.

Declaratio autem Sacra Congregationis in hac verba refertur. Episcopo Hieracensi Reuerendiss. Domino. Ex Sacra Congregatione Cardinalium Tridentini Concilij interpretum Amplitudinis sue nomine questum est. An puella in Monasterijs Monialium educationis causa manere possint; & vero sic censuerunt ad se scribendum. Iam dudum ab eadem Congregatione statutum esse, nullo Concilij decreto prohiberi, quominus puella in Monasterijs Monialium educantur; si tamen eadem Monasteria ante Concilium consueverunt huiusmodi puellas recipere, sicque à superioribus Monasteriorum scriptam licentiam impetranis, atque Abbatissa, & reliquarum Monialium consensu.

ſus acceſſerit; Tum vero ha ipſa puella, eo veſtitu in Monafterium intro mittantur, qui virginali pudori, & modeſtia conueniat, nullamque ſecum famulam adducant, nec manere in eis poſſint, niſi uſque ad ætatis ſua annum vigefimum quintum, atque in eis dumerunt, eandem ſeruens clauſura legem, quam moniales ipſæ; & ſi ſemel exierint, nullam habeant, ad ea reuertendi facultatem.

Ex qua Declaratione, & ex alijs, quas Doctores citati à Bonacina de *Claufura queſt. 4. puncto 3. nn. 16.* addunt, colliguntur conditiones neceſſariæ ad puellas in Monafterio Monialium educationis gratia collocandas, quæ ſunt.

- 2 *Prima conditio eſt, quod Monafterium, ubi recipiuntur, conſue neris huiusmodi puellas recipere.*

ILLUSTRATIONES.

NAm ſeruanda ſunt in hoc cuiuslibet Monafterijs inſtituta. Si enim in illo Monafterio non ſit conſuetudo, non poterunt recipi. Vnde in Cōuentibus Capuccinarum primæ Regulæ Sanctæ claræ non poterunt recipi, quia apud illas non eſt conſuetudo tales recipere. Addit *Miranda loc. cit. queſt. 2. art. 6. 2. conſuſ.* Id fieri non poſſe etiam in alijs Monafterijs, quæ à principio, & à ſua fundatione clauſuram promiſerunt, ſeu ad eandem ſeruandam voto, aut aliquo regulæ ſuæ præcepto ſe obligarunt, ſine ſpeciali licentia Sedis Apoſtolicæ, aut potentis illam dare, quod multoties explicauerunt, atque dixerunt prædicti Eminentiſſimi Cardinales.

- 3 *Secunda conditio eſt, ut ad ſit conſenſus Abbatiffæ, & aliarum Monialium, & licentia in ſcriptis ſuperioris eorundem.*

ILLUSTRATIONES.

Bonacina *loc. cit. numer. 19.* ait, hoc tempore non ſufficere Epiſcopi facultatem, ſed requiri cum licentiam Sacræ Congregationis.

Tertia,

- 4 *Tertia, ut ancillas secum non adducant, & si semel egrediantur, iterum non admittantur.*

ILLVSTRATIONES.

Admittendæ tamen sunt, & recipiendæ, quæ valetudinis gratia, & alicuius infirmitatis grauis curandæ, de licentia superioris in scriptis obtenta exierunt, & Abbatissæ, ac reliquarum Monialium accesserit consensus. Possunt tamen semper admitti, si Moniales fieri velint.

- 5 *Quarta, ut teneantur ad clausuram, & ad cetera, sicut Moniales.*

ILLVSTRATIONES.

Quare in excommunicationem incidunt, si clausuram violant, ac si id faciant non amplius reuerfuræ. Peccant etiã mortaliter, si cum Regularibus sine licentia colloquuntur.

- 6 *Quinta, ut utantur eo vestimento, quod virginali modestiæ, & pudori conueniat.*

ILLVSTRATIONES.

AD Episcopum, seu Superiorem Monasterij spectat modificare vestimenta puellarum, in Monasterio educationis gratia commorantium.

Ideo ab Eminentissimo, & Reuerendissimo Cardinali nostro conceditur hoc pacto licentia pro ingressu in Monasteria educationis gratia.

FEDERICO CARDINALE ETC.

Concediamo licenza à ^{che} possa entrare nel Monastero ^{per cau-}
 sa di stare in educatione in esso; pur che vi sia il consenso della Madre
 Superiora, e dell'altre Monache, & s'osservino tutti gli altri ordini fat-
 ti in tal proposito. Anuertendo la sodetta, che mentre starà in Mona-
 stero, vogliamo, che vestì positivamente, senza feda, ornamenti d'oro,
 ò di gioie, & altre vanità da mondane; il che non facendo, dichiare-
 remo nulla la presente licenza, & procederemo ancora contra le Supe-
 riore, e contra quelle Monache, che sono assegnate al gouerno delle
 figliuole à spese, se non procureranno che questo Nostro Ordine sia
 esequito, & non ci daranno parte di quelle, che trasgredissero.

- 7 *Sexta, ut in prædictis Monasterijs Monialium educationis gratia
 receptæ, restituantur patribus, seu parentibus, quandocumque
 eas petierint.*

ILLVSTRATIONES.

Si vellent hæc in religione permanere, & habitum suscipere,
 non tenentur Moniales eas parentibus restituere, dummodo
 pubertatem ipsæ excesserint Parentesque. ex *Concil. Trid. Decre-*
to d. sess. 25. cap. 18. de Regular. anathematizantur, si ipsas sine iu-
 sta causa impediunt. Expedit tamen in hoc casu eas parentibus
 restituere, ut cognoscant ipsi, ipsas non esse seductas.

- 8 *Septima, quod non sit super numerum præfixum.*

ILLVSTRATIONES.

Præfigere huiusmodi numerum superiorum Monasteriorum
 est; qui eum augere, aut minuere possunt, quando aliqua
 causa necessaria adest.

- 9 *Octava, quod quolibet semestri eis anticipata solvatur portio pro alimentis.*

ILLUSTRATIONES.

Quanta debet esse talis portio, nihil certi circa id assignari potest. Nam pro qualitate temporum, vel minuenda, vel augenda est. Non potest Prædicta Monialium sola portiones non solutas puellarum parentibus dimittere, absque totius Capituli consensu, & superioris beneplacito.

- 10 *Nona, quod sit locus separatus à loco, ubi degunt alie Moniales, professa, & Novicia pro dormitione, & lauroerio.*

ILLUSTRATIONES.

Damnanda igitur est omnino, & nullo pacto toleranda pessima consuetudo, quæ in quibusdam Monasterijs iam inualuit, ut Moniali priuatim, & in particulari aliqua ex his puellis assignetur, cum maiori parte portionis, ut ipsam apud se in proprio cubiculo retineat, & ei alimenta præbeat.

- 11 *Decima, quod puella huiusmodi in Monasterijs recipi non possunt minores septennio, & maiores vigesimo quinto.*

ILLUSTRATIONES.

Sic decretum esse à Sacra Congreg. à Galeto, Zerola, & Riccio testatur Barbosa, de offic. & potest. Episc. Allegat. 102. num. 64. Septennium debet esse expletum.

An vero femina, quæ completo vigesimo quinto anno statim non egreditur, afficiatur excommunicatione, respondet Bonacina, & communiter alij negatiue; sicut etiam nec eadem affici videtur Prælata Monialium illam retinendo, quia non est illicite

ingreffu; nec *Sacra Congregatio Cardinalium*, excommunicacionem impofuit. Epifcopus tamen in tali euentu poterit huiufmodi feminæ terminum conftituere ad eligendum egreffum, vel fufceptionem ftatus religiofi.

12 *Mulieres nuptæ in Monafterijs Monialium recipi non debent.*

ILLUSTRATIONES.

B *Arbofa* loc. cit. num. 66. qui etiam teftatur à *Sacra Congregatione* reiectam fuiſſe petitionem cuiuſdam comitiſſæ, quæ propter quamdam infirmitatem à ſuo marito volebat ſeparari, & cum tribus filiabus ingredi quoddam Monialiũ Monafterium.

Illæ tamen, quæ ſunt in diſcordia cum maritis, & eorum ſæuitiam timent, ſi extra culpam ſunt, quamdiu iuſtam cauſam timendi habuerint, debent, ſi ſunt in Monafterijs tolerari, in poſterum vero huiufmodi mulieres non poſſunt recipi, ita decifum è *Zerola*, & *Campanil. referi Barbofa. Campanil Rubr. 12. cap. 16. num. 30.* aduertit antiquitus ſic à *Sacra Congregatione* fuiſſe declaratũ, addens, ipſam deinde permiſiſſe illas introduci ſub his verbis, *Mulier, quæ venit in ſuſpicionem marito, & times ob id ne ab eo vis aliqua inferatur, debet permiſſi, ut poſſis ingredi Monafterium Monialium, ſi modo conſtitutiones Monafterij non repugnant, & accedat conſenſus ſuperiorum, Abbaſſiſſæ, & Monialium; & cauſa ceſſante ingreſſus debent inde exire, & ſi ſemel exierit, numquam poſtea in idem Monafterium ingredi poterit & tenetur ad clauſuram, ſicut alia Moniales, & ſtare ſine ancillis, & ſeruare conditiones alias ſuprapoſitas.*

Quoad viduas vero ſpectat, idem *Campanil* ibidem ſcribit, quod reſpectu harũ *Sacra Congregatio* ſic ſpeciatiim declarauit, Viduæ, inquit, quæ viris mortuis, honeſtatis cauſa ſe contulerunt in Monafterium, morbo ſint bonæ exiſtimationis, & famæ, legibusque Monialium pareant, tolerari debent; de cetero tamen nullæ huiufmodi viduæ recipi debent, niſi Moniales fieri velint.

Aduertit hic *Barbofa* loc. cit. num. 67. Epifcopum non poſſe dare

dare licentiam viduæ ingredi volenti, atq; in habitu laicali permanere; etiam si toto tempore vitæ suæ illic degere, nec amplius inde exire vellet, quia in istis nulla adest causa necessaria.

De Monialibus Conuersis. Cap. III.

1 *Vt in Monasterijs Monialium quædam Moniales recipiuntur, vbi choro deputentur, sic & alia, conuersa nempe, vbi in ministerijs inferioribus inserviant.*

ILLUSTRATIONES.

Pius V. in suo Motu proprio, qui incipit, Circa pastoralis, interdixit receptionem in posterum Monialium, vt conuersæ, etiam professionem emissuræ. Quem Motum proprium explicauit Greg. XIII. in alio suo, qui incipit, Deo Sâcris Virginibus. Nauar. vt ait Sanchez lib 6. cap. 15. num. 58. testatur, se eundem Greg. XIII. consuluisse circa id, & cum respondisse, mētem Pij V. fuisse eam, quam verba indicant, nempe, ne vllæ conuersæ post hac reciperentur; suamque fuisse non discedere à mente eius, sed solas excepisse conuersas necessarias, quæ in domibus Monasterio contiguas ad petendas eleemosynas manere deberent.

Quare ex mente Nauar. solæ feminæ possunt recepi deinceps ad habitum, & professionem, quæ necessariae essent ad petendas Monasterio eleemosynas, & in domibus ei contiguas habitaturæ. Sed hoc nimis rigidum eidem Sanchez videtur; dicens, cum cōsuetudine receptum sit, vt admittantur hæ, dummodo professio nem emittant, tuto posse consuetudinem hanc seruari.

1 *Miranda loc. cit. quæst. 1. art. 6. conclus. 1. & 2. ait, non esse contra mentem, & intentionem prædictam summorum Pontificū, quod in Monasterijs Monialium recipiantur laicæ, seu conuersæ, quæ sint veræ religiosæ, clausuram seruantes cum alijs, & tria essentialia, & substantialia Religionis vota profitentes. Quod autem Pontifices ipsi in dictis suis constitutionibus statuerunt, & condiderunt, ac omnino seruari voluerunt, fuit, vt illæ sorores, atque mulieres,*

mulieres, quæ sermone hispano dicuntur donadas, siue beatus, ad habitũ, nec ad professionem admitterentur, nisi illæ tantum, quæ necessariæ forent ad colligendas eleemosynas, quas non voluerunt ad clausuram obligare, cum non sint veræ religiosæ, cum non emittant nisi duò tantum obedientiæ, & castitatis vota; nec intra aliarum Monialium clausuram introire, sed extra degere, in domibus prædictis Monasterijs contriguís. Et sic dicta summorum Pontificum conciliantur.

Seruandæ sunt ab his beatis conditiones præscriptæ in *d. Motu Pij V. & Motu Greg XIII.* ac denique in quadam *Sacra Congreg. Declaratione* apud *Zechium citatum à Bonacina de clausura quæst. 1. puncto 9. num. 15.* vbi decernitur, & declaratur, ad colligendas eleemosynas non plures conuersas mittendas esse, quam octo, quæ binæ incedant, nec disiungantur, & sint probatæ vitæ, excedentesque annos triginta nouem; nec per noctem extra oppida, vbi habent Monasteria, nisi de Episcopi licentia, & tunc simul dormiant.

Idem *Bonacina num. 17.* ait, hoc tempore raro fieri posse, vt Moniales conuersæ iustam habeant causam exeundi ad colligendas eleemosynas, quia *Greg XIII. in præcitato Motu proprio*, ne Moniales conuersæ à Monasterijs exeant, decreuit, vt dimidia pars omnium eleemosynarum in quacumque mundi parte, quacumque lege, dispositione, vel obligatione pauperibus erogandarum, conferatur Monasterijs Monialium in necessitate constitutis, & in eo loco existentibus, in quo prædictæ eleemosynæ certis pauperibus non debeantur, aut non sint ad alios vsus, quam ad alendos pauperes destinatæ; nam si certis pauperibus debentur, aut ad alios certos vsus, distinctos ab alimentis destinatæ sint, non possunt Monialibus tradi, vt constat ex præcitato Motu. Idem obseruat *Nauar. cons. 8. num. 2. de statu Monach. & alibi.*

2. *Licetum est pro totius Monasterij obsequio famulas seculares recipere, dummodo Monasterium conuersis professis carcat.*

ILLUSTRATIONES.

Sic Sanchez *loc. cit. lib. 6. cap. 16. num. 66.* ex Rodriguez concludit. Ratio, quia choro deputatas oportet domesticis officijs non

non impediri, vt altioribus chori ministerijs vacent; & tempore nouitiatuſ ultra chorum vacant cantui, & instituto Monasterij addiſcendo. Insuper, quia ſepe ſunt delicatæ, nec his officijs aſſuetæ, & ita duriffimum eſſet, eas onere horum officiorum grauari.

Adde, quod *Seraphicus Pater Franciſcus*, Inſtitutor primæ Regulæ B. Claræ, & *Innoc. IV. Pont. Max. eiſdem Regula Confirmator*, & *Vrbaniſ IV. Auſtor*, & *Inſtitutor ſecundæ Regula*, expedientiſſimum, atque conuenientiſſimum idipſum diiudicarunt, quin vero & ordinarunt, vt Moniales choro, diuinisq; officijs deſtinatæ, à ſupradictis villioribus coquinæ officijs, atque miniſterijs eximerentur. Sic *Miranda loc. cit. quæſt. 2. art. 5. concluſ. 2.* Qui etiam probat, id non eſſe contra *Concil. Trid.* cum iſ vnus eſſe videatur ex caſibus neceſſarijs, in quibus iuxta ipſum Episcopos, & Superiores Prælati, ad ingrediendum Monialium quarumcumque Monasteria, licentiam poſſunt præſtare.

Notandum eſt, *Greg. XIII.* Conceſſiſſe Generali Minorum, vt in quolibet Monasterio pro decem Monialibus poſſint deputare vnā ancillam, dummodo clauſuram ſeruent deputatæ, & egreſſe ſemel amplius non admittantur. *Sixtus V.* extendit id ad omnes Moniales, vt notat *Portel V. Clauſura Monialium num. 5.*

Quare ſatis mirari nequeo, dum video huiuſmodi ancillas nullo pacto clauſuram ſeruare, ſed egredi, & ingredi, prout Abbatiffis magis placuerit. Appellantur hæc improprie Moniales conuerſæ, quia Monachali habitu ſunt indutæ; ſed cum nullum votum emittant, ſunt puræ laicæ, nec gaudent vſo religionis priuilegio, cum Monachum non faciat habitus, ſed profeſſio regularis. Nulla inter Monasterium, & ipſas contrahitur perpetua obligatio; cum ipſæ poſſint ad libitum relinquere Monasterium, & pariter à Monasterio dimitti. An vero iſtæ gaudeant priuilegio fori, ac canonis, iudicium ſit penes doctiores.

An vero pro alicuius priuatæ Monialis miniſterio poſſit recipi inter clauſuram ancilla, dicendum cum *Sanchez loc. cit. nu. 66.* id in nullo conuentu tam facile admittendum eſſe, niſi quando ſpecialis ratio magnæ nobilitans perſonæ, aut egre valetudinis,

aut nimie senectutis causam preberet, nec satis ei necessitati per monasterij famulas, aut conuersas consuli potest. Nec distinguit Sanchez, an ex aliarum malitia, aut absque illa id oriatur. Quamuis enim ex malitia proueniat, si superior non potest eas commode cogere, aut si coacte male ministrabunt, iusta est habende famule causa.

Gauantius in suo Mannali Episc. ex Congr. ep. 22. Aug. 1605. asserit, Ancillas introduci non posse in seruitium infirmarum, seu decrepitarum, sine licentia Sedis Apostolice.

De Professione Religiosa. Cap. IV.

- 1 *Professio ita est de substantia religiosi status, ut ante illam non sit aliquis vere, ac proprie religiosus, per illam autem fiat.*

ILLUSTRATIONES.

Hæc est conclusio certissima. Probatur primo ex c. Religiosi, de sent. excom. in 6. S. quamuis autem is, qui religionem ingreditur, religiosus censeri cum effectu non possit, donec sit tacite, vel expresse professus, & c. Idem habetur in cap. porrectum, de Regular. & Conc. Trid. sess. 14. cap. 6. de Reformat. & Sixtus V. in declaratione sua Constitutionis de illegitimis, eodem sensu dixit, quia tunc vere, & proprie religiosi effici dicuntur, cum professionem emittant, & c. Hæc conclusio tradita intelligitur de quacumque professione valida, siue tacita, siue expressa.

- 2 *Professio duplex est, una tacita, altera expressa.*

ILLUSTRATIONES.

Professio expressa est illa, in qua post expletum annum probationis Nouitia clare, & expresse emittit tria vota essentialia vocaliter in manibus Abbatissæ, sed de licentia Prælati, cū solum apud ipsum sit propria iurisdictio, ex cap. statuimus 20. q. 2.

Hæc

Hæc solet varijs formulis emitti, iuxta varia religionum instituta. Facienda est in scriptis, vt probat *Sanchez loc.cis.lib. 5. cap. 3. num. 5.* Qui etiam probat *num. sequentibus* eandem professionem posse fieri per procuratorem, dummodo adsint quinque conditiones; & vbique, non enim necessario faciēda est in Monasterio.

Professio tacita est illa, quæ fit tacendo, absque votis emissis voce, vel scripto, sed solum aliquid faciendo, vel tacite consentiendo se esse professam. Attamen sic tacite professæ compelli potest, vt expresse in scriptis profiteatur, vt in posterum valeat eius professio probari, iuxta *cap. finali 20 q. 1.*

Ad hanc tria requiruntur. Primum, quod Nouitia deferat indistinctum habitum ab habitu professarum intra Monasterium, vel extra illud de licentia superioris, & per annum continuum. Secundum, quod sciat per talem gestationem habitus fieri professionem tacitam ab his, qui putant non esse professas. Tertium, quod deferat habitum scientibus, & consentientibus illis, qui possunt recipere, & incorporare religioni. *Hieronymus Rodericus in suo Compend. Resolut. 101. num. 53.*

Addit *Sanchez loc.cis. num. 17.* Quartam conditionem ad cuiuscumque professionis tacitæ valorē, vt scilicet ijs actibus vtens verum profitendi animum habeat. Cum enim professio expressa contrario consensu existente sit irrita, à fortiori erit tacita. Nec satis erit se habere negativæ, nempe, nec habendo animum profitendi, nec non profitendi, sed positivius profitendi per eos actus animus desideratur.

Et *num. seq.* addit quintam, vt ijs professorum actibus vtens, sit cōstituta in legitima ætate iure petita ad professionis expressæ valorem, quæ est pubertas completa. *Constat ex c. constitutione de regular. in 6.* Sed id de iure antiquo. Nam attento *Decreto Trid. sess. 25. de regular. c. 15. & 16.* Licet per illud non tollantur professiones tacitæ, sed in suo pristino valore maneant, attamen induci solum possunt transacto nouitiatus anno, & expletis sexdecim ætatis professionis annis. *Sanchez loc.cis. num. 36.*

Sublata est igitur, per *Trid.* tacita professio inducta per *capit. vidua, & c. ad nostram de regular.* nempe, quæ inducitur statim de-

lato habitu professorum distincto patenter à nouitiarum habitu, cum exercitio actuum professorum, vel altero horum concurrenti cum tridui perseverantia. Possent tamen habere locum ij textus, vt ait *Sanchez num. 37.* Quando transacto integro nouitiatus anno, expletisq; sexdecim annis, aliqua nouitia indueretur habitus professorum distincto patenter à nouitiarum habitu; vel vna cū alijs professis exerceret actum, iure, vel consuetudine solis professis competentibus. Tunc enim concurrentibus quinque conditionibus relatis, esset tacite professa.

An vero ad huiusmodi tacitam professionem requiratur tridui perseverantia in eo actus exercitio; Ait quidā, alij negant. At sic vtramque sententiam *Sanchez num. 21.* conciliat. Si concurrant hæc duo, nempe assumptio habitus peculiaris professis, & exercitium actus illis solis, siue iure, siue consuetudine competentis, non exigitur tridui perseverantia. Et sic procedit *d. c. viduas*: Quod ad eam professionem præsumendam, ponderauit assumptionem habitus, & oblationem cum alijs Monialibus, quæ solis professis competeant; ac nulla tridui mentio fit. Quod si alterutrum solum ex his concurrat, opus est ea tridui perseverantia.

Extat alia differentia inter professionem expressam, & tacitam, vt ait *Suarez loc. cit. lib. 6. cap. 11. num. 15.* Quod expresse professus potest eligi in prælatum, seu Abbatem; tacite autem professus eligi non potest. Ita decernitur in *cap. nullus de elect. in 6.* vbi non solum hæc conditio requiritur, vt aliquis possit in Prælatum sua religionis, sed etiam cuiuscumque alterius eligi, & electio aliter facta declaratur irrita ipso facto. Idem ius de Monialibus statuitur in *cap. idemnitatibus eod. tit. & lib.* vbi ratio huius iuris redditur, ad vitanda sc. damna, & dispendia, quæ ex electionibus dubijs, & cum discordia factus oriri solent. Ex parte elegantium cessat hæc ratio, ideo in illis talis conditio non postulatur.

- 3 *Ad professionis valorem non sufficit sola proficentis traditio, sed oportet quoque adesse personam habentem potestatem acceptandi nomine ipsius religionis, illamque obligandi ipsi proficenti.*

ILLVSTRATIONES.

Ratio, quia professio est contractus onerosus, vltro citroque obligatorius, quo professus fidem suam astringit Deo, obligaturque religioni, & religio ipsa obligatur religioso, ad retinendum eum, & alendum, & tractandum iuxta religionis institutum. Sicut primo aliæ reciprocae obligationes nequeunt in vnius consensu consistere, sed indigent duplici persona potestatem obligandi habente.

- 4 *Admittere Monialem ad professionem pertinet ad Abbatissam, cum maiori Conuentus parte.*

ILLVSTRATIONES.

S*Anchez loc. cit. num. 65.* Qui etiam addit, Episcopo iubente recipi Monialem ad Monasterium sibi subiectum, non posse recipi contradicente maiori Conuentus parte. Et si ipse Episcopus compellere velit, posse appellari ad Superiorem.

Querit Portel loc. cit. V. Nouitia in Addis. An existentibus in vno Conuentu Monialium suffragijs æqualibus pro vtraque parte, v. g. triginta negatiuis, & alijs triginta approbatiuis pro vna Nouitia, possit Prouincialis illius Cōuentus absens per scriptum dare suum suffragium approbatium, & cum suo suffragio faciente excessum vltra partem dimidiam, maneret approbata ad professionem faciendam Nouitia proposita in Capitulo. Qui post multa hinc inde allata concludit tandem posse.

Suarez tamen *nu. 68. loc. cit.* videtur asserere contrarium, dum dicit, Nec totum conuentum repugnante Prælato, nec Prælatum repugnante maiori conuentus parte, posse aliquem ad professionem admittere. Citat *Nanar. & Rodriq. & Abb. Qui in quodam cum simili c. cum Ecclesia num. 11. de elect.* ait, quando electio Canonici pertinet ad Episcopum cum Capitulo, consentiente Episcopo in vnum, & Capitulo in alterum, neutrius electionem valde-

re, quod oporteat, Episcopum cum maiori Capituli parte in eundem consentire. Nec sufficit consensus Prælati, & dimidia pars conuentus vltra Abbatem, sed debet maior pars conuentus vltra Abbatem consentire.

Seruatur tamen in praxi, notat *Portel. loc. cit. V. electio in Addis.* in casu, quo constat, aliquos ex suffragantibus odio, passione, vel alio respectu humano suffragia Nouitio denegari, tunc non esse standum maiori numero suffragiorum, sed pari saniori, & nienti maiori ratione, in fauorem Nouitij.

- 1 *Episcopus potest suspendere potestatem competentem admittendi Nouitiam ad professionem Abbatissa, & Conuentui, absque sua ipsius licentia, ita vt aliter facta admissio sit irrita defectu potestatis in admittente.*

ILLVSTRATIONES.

Sic suis Monialibus Eminentissimus, & Reuerendissimus Cardinalis Patriarca, licentiam professionem emittendi concedit.

FEDERICO CARDINALE ETC.

Essendo noi certificati per fede della Veneranda Madre
che Suor Nonitia
nel suo Monastero, hà passato l'anno del suo Nouitiato con modestia religiosa, vi nell' habito, come nel resto, & essendo essa d'età di sedeci anni forniti, concediamo però licenza alla sodetta Madre, che alla presenza del suo Padre Confessore, stando egli nella Chiesa esteriore al fenestrino, dove si fa la Santissima Communione, e seruandosi tutti gli ordini sopra di ciò dati, possa riscuer la sua professione espressa, e solenne; essendo di già itata esaminata, & appronata, facendoci annisati con scrittura del giorno, & alla cui presenza habbi fatta detta professione.

Conclusio est, *Sanch. lo. cit. nu. 71.* Qui etiam dicit, quod licet Episcopus solus nequeat creare Moniales in conuentu sibi subdito,

dito, tametsi penuriam Monialium pateretur, & Conuentus monitus assignato sibi termino nollet admittere, posset ipse supplere Conuentus consensum. Quod probant Dominicus *cap. finali, num. 5. & ibi Francus in fin. de regular. in 6.*

Probat supradictam conclusionem hoc pacto ipse Sanchez, quod, & si solus Pontifex possit impedimenta reddentia directe irritam professionem statuere, possunt nihilominus Prælati inferiores in casu speciali, & ex iusta causa, non directe irritando, sed indirecte, nempe, suspendendo facultatem admittendi.

Sicut quamuis nequeat Episcopus, sequitur Sanchez, impedimenta matrimonium dirementia statuere, potest tamen in casu speciali, & ex iusta causa, suspendere facultatem parochi ad assistendum cuidam matrimonio, absque ipsius Episcopi licentia. Et tunc aliter initum matrimonium erit nullum, defectu auctoritatis in paracho, vt nos supra in Collectaneis probauimus.

Hæc tamen opinio non recipitur, immo impugnatur à multis, sed nullum afferunt pro contraria sententia Doctorem; nam omnes, quos ipsi allegant, loquuntur tantum de prohibitione simplici, non autem de illa, quæ decretum irritans habet adnexum, vt legentibus, ac mature considerantibus, satis patet. Sed iudicium de hoc particulari, & de ceteris omnibus penes superiores, quibus mea omnia, & me ipsum lubens subijcio, paratus ad eandem palinodiam semper, cum eis libuerit.

Reprehendor etiam, dum in Collectaneis supradictis *nn. 73.* assero, valere etiam consuetudinem contra ius diuinum, cū maiorum occasio adest, quia sicut Papa diuinum ius interpretatur, ita & consuetudo; cum omnium Theologorum sit constans opinio, consuetudinem nullam contra ius diuinum valere; quoniam ius diuinum est à Deo constitutum, quod ipse præcipit, vt seruetur; igitur sicut non potest humana lege tolli, sic nec consuetudine, quæ vim tantum ex moribus vtentium fortitur, & obtinet. Sed animaduertendum est, canonis, & ciuilis iuris Interpretes docere, ius diuinum posse iustis de causis augeri, restringi, contrahi, minui, & ex parte mutari, distingui consuetudine, &

consti-

constitutione humana. Sic Innoc. Host. 10. And. Abb. & Felyn. in cap. ult. de consuet. Sic quoque Cynus; & id commune esse inter iuris ciuilibus Doctores in leg. manumiss. ff. de iust. & iur. & l. 2. c. de seru. testatur Azorius p. 1. Inst. Mor. lib. 5. cap. 17. q. 2. Et ideo citati Doctores hoc docent, quia latius, quam Theologi ius diuinum accipiunt isti, cum quibus ego quoque loc. cit. ius ipsum diuinum accepi, vt etiam ex supposita materia, & ex contextu disputationis colligi licet.

Resolutio igitur Theologorum intelligenda est de iure Diuino stricte, seu extra casum, in quo iusta causa adsit agendi contra ipsum, vt scribit Reginaldus lib. 13. sua Praxis num. 252. Quia tali data, vt Summi Pontificis dispensatione, seu interpretatione, ita & consuetudine ab eodem Pontifice scienter tolerata, potest obtineri, vt taliter agendo non peccetur.

Concludamus igitur cum Suarez de legibus lib. 7. cap. 4. nu. 13. consuetudinem nullum effectum habere contra legem diuinam; & ratio est, quia licet materia talis legis non sit intrinsece mala, sed solum quia prohibita, & ea ex parte non repugnaret per consuetudinem introduci, tamen quia illa prohibitio diuina est, non possunt homines contra illam præualere, quia non possunt mutare diuinam legem, aut voluntatem. Nec Deus ipse censetur cōnuere, & auferre legem, quia nullum est principium, vel fundamentum ad hoc præsumendum de diuina voluntate, neq; etiam erat expediens, aut diuinam decens auctoritatem; oportet enim legem eius immutabilem esse. Dicunt autem aliqui ex Iuristis, posse consuetudinem limitare, & quasi dispensare in Diuino iure, si iusta causa subsit. Sed non est intelligendum de propria limitatione, vel dispensatione, quæ obligationem legis præexistentis ex parte tollat; in hoc enim sensu falsum id est; nam ratio facta de tota lege procedit cum proportionem de parte. Debet igitur intelligi per modum interpretationis; sic enim consuetudo potest interpretari legem, etiam diuinam, & quod in tali casu, & tali causa interueniente, nõ obligat, quia non pro illo casu posita est. Sic Suarez, sic ergo quoque in Collectaneis in ferre volui, & non aliud.

Sanchez tamen lib. 8. de matr. disput. 6. nu. 5. & seq. citatis multis Theologis, & Iuris interpretibus, proprie dispensationem cadere in aliqua præcepta naturalia, & diuina docet, dicendo, Pontificem aliquando dispensare in iure naturali, & diuino, non in vniuersum id ius, in quo dispensat, abrogando, sed eius obligationem vere tollendo per veram dispensationem in casu aliquo speciali, ex causa vrgenti. Non enim ipse *Sanchez* solum tribuit Pontifici, posse interpretari legem diuinam in aliquo casu speciali minime obligare, quia id non est actus iurisdictionis, sed prudentiæ, ac doctrinæ, ac proinde viris doctis id liceret; sed etiã vere, & proprie in aliquibus præceptis naturalibus, & diuinis dispensare posse. Patet id in dispensatione voti, iuramenti, ac residentiæ Episcoporum, quæ vt videtur docere *Trid. sess. 23. cap. 1.* est de iure naturali diuino; vbi semper Pontifex vtitur verbo dispensationis, nõ interpretationis. Sed quid quid sit, sufficit, quod vota, & iuramenta, licet iure naturali obligent, tamen eorum obligatio humana auctoritate tolli potest. Adde, quod in *l. ius civile ff. de iust. & iur.* dicitur, ius civile effici, cum aliquod additur, vel detrahatur iuri communi, idest naturali, & gentium; vt explicat *glosibi*; Igitur humana auctoritate potest derogari iuri naturæ. Sed lex humana, & consuetudo eandem vim habet, vt supponitur; igitur quod lege tollitur, etiam cõsuetudine tolli potest.

6 *Finis anno probationis, debet statim Nouitia ad professionem admitti, vel ejci.*

ILLVSTRATIONES.

Conc. *Trid. sess. 25. cap. 16. de Regulari.* Sed hoc non obstante dicunt Doct. quod si iusta causa interuenerit, poterunt Superiores illam differre; vt si v.g. Nouitia non bene recitet diuinũ officium, vel quid simile ad arbitrium pij, ac prudentes Prælati. Et sic declarasse. *Congreg. Card. refert Rodriguez Tom. 3. quæst. 17. art. 10.* Sæpe etiam Monialium professio differtur, donec dotem competentem habeant.

Idem

Idem *Conc. loc. cit. cap. 17.* decernit, quod ne professionis tempus ignoret Episcopus, teneatur Præfecta Monasterij cum antemensem certiore facere; quod si Præfecta certiore Episcopum non fecerit, quamdiu Episcopo videbitur, ab officio suspensa sit.

7 *Novitia absque causa, ex odio, & affectu humano negare suffragium ad professionem, est peccatum mortale.*

ILLVSTRATIONES.

Portel *V. Nouitius num. 55.* Probat, quia est contra charitatem proximi arcere dignos, & contra quasi contractum iam factum inter ordinem, & Nouitiam, ut si dignus inueniatur, admittendus sit, & iam Nouitius videtur habere ius ad rem. Adde, quod expulsio huiusmodi, maxime in Monialibus ut plurimum cedit in eius infamiam.

8 *Novitia ante professionem sunt examinanda ab Episcopo, vel eius Vicario, an libere profiteri velint.*

ILLVSTRATIONES.

ET hoc fieri debet extra septa in Ecclesia, aut circa præsentibus Notario, & duabus grauib. matronis non consanguineis, vel puellæ coniunctis. *Zypæus in de Iure Pontificio nouo lib. 3. de regular. numer. 30. qui cum Zerola testatur sic, Sacram Congreg. declarasse. Qui etiam ex Choppin. ait, contradicente etiam patre hæretico, examinationem à Senatu Parisien. indictam esse, & filiam arbitrio suo permissam. Id præstare debet & Episcopus, non obstante quod Monasterium sit Regularibus subiectum, vel alias ab eius iurisdictione exemptum, ut aduertit Barbosa loc. cit. Allegat. 100. num. 4. & nos supra diximus.*

An vero ex defectu huius examinis reddatur irrita professio, *Sanch. loc. cit. lib. 5. c. 4. nu. 84. negat. quia & si Trid. sess. 23. de regul. cap. 17.*

cap. 17. id examen professioni præmitti iubeat, at eā aliter emissam non reddit irritam, vt solet explicare, quando id vult, & fecit in alio casu, *Ead. sess. c. 15.* & ita docet *Menochius consil. 396. num. ultimo, volum. 4.* Erit tamen peccatum Nouitiam non præmissa illo examine profiteri. Nec ipsa sola peccat, sed etiam Abbatissa, vel Prælatus admitteris professionem.

Barbosa loc. cit. num. 9. ex *Sacra Congregatione* asserit, quod à Sacris Virginibus, à quibus non solum habitus est susceptus, sed iam professio facta, sine prædicto examine, nihil ordinarius debet sciscitari, sed permittere eas in suo statu permanere. In Abbatissas tamen animaduerte posse ait.

Animaduertit tamen *Sanchez*, quod quamuis *Trid.* duplex examen petat, maiori duodecim annis ingrediente religionem, vti vidimus, vsu tamen iam receptum est, vt vnicum puellæ quacumque ætate ingredientis præmittatur, nimirum, quando professura est, vt docet etiam *Rodrig. quest. Regular. Tom. 3. quest. 12. artic. 2.*

Diximus in conclusionem, huiusmodi examen posse fieri etiam à Vicario, sed notandum est, ad hoc requiri peculiarem commisionem, & speciale mandatum, vt ex *Sbroz.* concludit. *Barbosa de offic. Episc. Allegat. 54. num. 88.* Qui etiam ex *Trid. Allegat. 100. num. 8.* concludit, Vicarium non posse examinare, nisi Episcopo impedito. Quæ certior factus de professione emittenda intra 25. dies examen perficere tenetur, quibus ex actis amplius se non intromittat. Decisum referunt DD. apud *Barbos. supra num. 3.*

9 Professio est nulla 1. ex defectu ætatis, & anni integri.

ILLUSTRATIONES.

Conc. *Trid. d. sess. 25 cap. 15. de Regular.* hæc duo impedimenta annullatiua professionis ponit. Primum si fiat ante annum ætatis 16. expletum. Secundum, si fiat ante annum integrum nouitatus.

Quando ibi *Orid.* requirit annum expletum, non sufficit, vt an-

E

nus.

nus sit inchoatus, sicut fufficit ad ordines. Sed ita debet esse expletus, vt neq; dies illi defit, immo neque hora. Sic *Sanchez lib. 2. de matrim. disput. 24. num. 22.* Qui etiam ait, si compleatur hic annus in anno bissextili, 6. Kal. Mart. censendum esse compleri in die secundo, qui 6. Kal. Mart. similiter dicitur; nempe vigesimo quinto die mensis Februarij, in puncto horæ respondentis puncto diei natiuitatis. Et ratio est, quia vtraque dies, vt supra diximus, vna censetur; & quia dies secunda est complementum quadriennij præcedentis, cui id deerat ad complementum circuli integre solis per Zodiacum, ideo ad complementum illius ætatis, ea dies accipienda est.

Bonacina etiam de sacram. *Disput. 8. quest. unica, punc. 5. nu. 15.* amplectitur hanc sententiam, dicens, annos computandos esse iuxta ritus, & vsum Ecclesiæ, vt in simili tradunt DD. de interstitijs. Vsu autem Ecclesiæ receptum est, vt dies Bissexti computetur; alioquin non solum non esset computandus dies præsentis anni bissextilis, verum neque annorum præcedentium bissextilium; quod dicit *Bonacina* esse contra vsum, & praxim in sua Ecclesia Mediolanensi receptum, vbi ad sacerdotium non admittitur, qui eadem hora, in qua habetur Sacra ordinatio, complet 24. annum, non habita ratione annorum bissextilium.

Contrarium tamen asserit *Barbosa loc. cit. Allegat. 101. num. 20. l. 21.* ex multis Doct. Nam probationis annus esse debet annus à Republica taxatus, atque vt alijs declaratus, id quod communiter seruatur in alijs negotijs, atque commercijs humanis. Affert pro hac sua assertionem factum *Greg. XIII.* cuius auctoritate ipse Pontifex ab anno 1582. dempti sunt decem dies, hoc est à 5. die Octobris vsque ad 16. & tamen ille annus debet integer reputari, nec in sequentibus expectandi sunt illi decem dies; quamuis enim non fuerit integer materialiter, & secundum cursum solarem, fuit tamen integer ciuilitè, atque politice.

Quæ opinio non displicet etiam ipsi *Sanchez*, dum *lib. 5. op. mor. cap. 4. num. 5.* Sic ait, placet quod tradit *Henriquez*, nempe annum 1582. ex quo dies decem abstulit *Greg. XIII.* reputari annum integrum ad ætatem professioni petitem, nec supplendas esse

esse dies illas decem ex alio anno. Idem sentit Henriquez de ætate ad sacros ordines petita. Et ipse Sanchez asserit, idem esse sentiendum de ætate ad quæcumque officia, & beneficia iure petita, & de anno nouitiatus. Quia omnium horum vna est ratio, quod *Greg. XIII.* ea, ad quæ non reputari integrum voluit, expresse exceptit; nimirum ea, quæ sunt in tertij præiudicium, vt solutiones censuum, & locationum, quare quo ad cetera manet integer.

Stephanus Gratianus Discept. Forens. Tom. 3. cap. 413. nu. 16. & seq. probat, professionem factam eadem die, in qua habitus probationis susceptus est, esse validam, quamuis adfuerit defectus sex horarum incirca; sumus enim in actu professionis, quæ est fauorabilis, cum per eam quis uniatur Deo, cui seruire regnare est; maxime respectu religionis, cui in dubio fauendum est, & pro validitate professionis iudicandum. In fauorabilibus autem dies termini computatur in termino, si fauor id suadet, quidquid alias non deberet computari. Et facit quod quando tempus designatur per annum, tunc semper vltima dies anni statim, atque fuerit inchoata habetur pro completa in fauorabilibus, quidquid aliud sit, quando tempus non designaretur per annos, sed per dies.

Portel loc. cit. Verbo Nouitia num. 5. dicit, quod Nouitia in Monasterio Monialium S. Dominici, si sit in articulo mortis, potest emittere professionem, etiam non completo anno Nouitiatus; & si moriatur, consequitur Indulgentiam plenariam in forma Iubilæi. Concessit Pius V. Monialibus S. Dominici pro Nouitijs illarum. Refert *Capuccinus V. Abbatissa*, dicens, priuilegium hoc communicari ceteris Nouitijs aliarum Monialium.

Et quamuis illa Indulgentia concessa pro professione, vt concessa à Pio V. cessauerit per reuocationem *Pauli V.* tamen idem Paulus denuo concessit Indulgentiam plenariam in die professionis; cumque non reuocet priuilegia, sed solum Indulgentiam, manet adhuc firmum priuilegium illud *Pij V.* de anticipada professione ante annum, & proinde lucrabitur Indulgentia, vt optime aduertit idem *Portel loc. cit.*

Qui etiam respondet querenti, an si prædicta Nouitia sic professsa anticipato anno conualescat, professio illa teneat, an vero debeat finito nouitiatu iterum profiteri, professionem dictā non valere, sed teneri continuare nouitiatum, & aliam emittere suo tempore. Quod si prædicta Nouitia postea sic professsa moriatur, nō potest Conuentus ratione illius adire hereditatem, vel dotem accipere. Sed nos de dote, sicut etiam de donatione, de testamento, & de alijs similibus à Nouitijs ante professionem faciendis in Maximis egimus, & nonnulla etiam supra attigimus. Addū tamē hic, quod fugitiua Moniali inter Conuertitas reposita, dari debent Monasterio Cōuertitarum bona illius, sed post eius obitu priori Monasterio restituenda sunt. *Gauantus loc. cit. Sanchez tamen lib. 5. cap. 4. num. 16.* existimat Monasterium succedere eodem prorsus modo, quo succedit in bona profitentium legitimo anno nouitiatus peracto. Ratio, quia & si concessionis huius sit consolatio nouitiæ, specialisque ipsius fructus, & nulla successio- nis Monasterij in bona mentio ibi fiat; at vbi semel virtute illius priuilegij professsa est, redditur vere in posterum professsa, nec ad pristinam sanitatē restituta indiget alia professione, sed fruetur omnibus professarum priuilegijs. At eo ipso, quod aliqua persona proficetur, succedit Monasterium ipsi. Quare Pontifex nulli iuri alterius in hoc derogat. Ius enim venientium ab intestato est, vt ex Moniali decedente nouitia, & intestata, ipsi succedant; quando autem virtute priuilegij proficetur, non decedit nouitia.

Barbosa Allegat. 101. nu. 3. tenet, quod Nouitij in articulo mortis, etiam si annum probationis non expleuerint, possunt proficēri, dummodo habeāt legitimam aetatem ad profitendum; & cum *Beia* vult professionem huiusmodi esse validam; teneri tamen Nouitium, si ex ea infirmitate non decesserit, complere postea integrum probationis annum.

10 *Professio est nulla 2. si ex parte Nouitia deficiat consensus.*

ILLVSTRATIONES.

Ratio, quia de ratione contractus naturalis, & ciuilis est, vt ex vtraque parte contrahentium sit consensus. Probatio vero

vero istius defectus ex parte Nouitiæ erit difficilis, neque illi credetur, nisi probauerit valde vehemētem præsumptionem in foro externo. Si vero sibi constet in foro interno tantum, se non consensisse, re vera non est professa. At si hæc taliter professa nulliter ex defectu consensus, secum sola in animo consentiat in Monachatu, & professione, manet professa absque alia diligentia. *Nauar. lib. 3. Consil. tit. de Regular. cons. 24.*

II *Professio est nulla 3. si fiat per grauem metum incussum.*

ILLVSTRATIONES.

Metus enim cadens in constantem virum, immo & metus minor, grauis videlicet, annullat contractum naturaliter, quia tollit consensum liberum. Et est communis Doctorum. Et de hoc prudentis arbitrio standum erit; minor enim metus annullabit professionem femine, quam viri, & sic de cetero intra terminos metus grauis. *Portel V. Professio num. 12.*

An vero metus reuerentialis parentum excuset à valore professionis, alij aiunt, alij negant. Vtraque opinio est probabilis. Pro opinione affirmante habetur *Declaratio Card. in qua Romæ ann. 1585. lata est sententia, in qua declaratum fuit, fuisse nullam vnam professionem feminae factum ob solum metum reuerentialem, sic ex Farinatio Portel.*

Qui etiam hæc duo prudenter addit; Primum, qualitatem metus, quando sit cadens in constantem virum, relinqui iudicandam prudentis arbitrio, uti diximus. Secundum, quod si porta aperiatur hodie, maxime in Monialibus, circa professionis nullitatem ob metum reuerentialem, lites in numeræ suborirentur.

Idem V. Moniales in Addit. num. 11. credit, metum reuerentialem absque minis, & coactione non inducere excommunicacionem, quia parētes, vel consanguinei in illo timore incutiendo, nō se habet actiue, etiam si manifestent puellæ talem statum Monachalem illi conuenire, & quod non habent dotem pro matrimonio, vel eo quod non illi securum erit manere in sæculo absque matri-

matrimonio, & absque Monachatu, & hæc est praxis in tota fere Ecclesia, iuxta quam facientes parētes, nemo iudicat excommunicatos. Immo etiam si parentes, vel alij importunis precibus suaderent puellæ, vt ingrederetur, non incurrerent, quia suasio etiam importuna non è coactio.

- 12 *Femina, quæ fingens se esse hominem professæ est in Conuentu virorum, intendens se obligare ad religionem, manet vere professæ.*

ILLUSTRATIONES.

Comitulus lib. 2. Resp. Moral. q. 8. & citat alios Doct. ac affirmat, sic à se responsum fuisse in facti contingentia in Italia, licet pauci negent. Subscribit *Comitolo Portel loc. cit. num. 23.* & rationem affert, quia talis femina emisit vota essentialia, in quibus consistit essentia religionis, ad quam essentiam per accidens est distinctio sexus. Notat etiam, quod prædicta femina hodie id faciens excommunicationem incurrit, ob ingressum in Conuentum virorum; & casu deprehenso, reponi debet à Prælato in Conuentu Monialium sub clausura; & talis excommunicatio, cum qua professæ est, non annullat professionem.

Sanchez tamen d. lib. 5. cap. 4. tenet, professionem supradictam esse irritam, ratio, quia professio ad sui valorem petit consensum profitentis, & admittentis professionem, vt dictum est. At uterque, aut saltem alter defuit. Citat Doct. pro hac sententia.

Narrat *Portel in Add. ad Addit. num. 10.* de quadam femina adoleseente, quæ paucis ad hinc annis, mutato habitu sub nomine Donati seruiuit in quodam Conuentu fratrum Minorum in Hispania per quattuor annos, cum nimia simplicitate, deuotione, vigilijs, & oratione, ac penitentia; idque semper intra clausuram virorum; quam cum Prouincialis reperisset, & intelligens illam reliquisse domum patris, quia illam volebat matrimonio tradere, contra suam voluntatem, eo quod virginitatem Deo consecrasset, ac attenta rei nouitate, ac pietate, fecit illam admitti in

Con-

Conuentu Monialium in oppido Pontis Vedræ, vbi professa solemniter, vocata est Maria de Santo Antonio, & viuebat cum magna opinione Sanctitatis Anno 1611.

Quid autem tenendum sit de hermaphrodito circa professionem, legatur *Sanchez loc cit. cap. 4. nu. 41. Portel item loc cit nu. 1.* scribit de quadam Moniali, quæ transacto anno, vel duobus annis post professionem effecta est hermaphrodita, immo cum solo sexu masculino mansit. Vbi *num. seq.* disputat, quomodo circa huiusmodi casum se gerere debeat Superior.

- 13 *Monialis prætendens se non esse professam, & habitum dimittere volens, non auditur, nisi id fecerit intra quinquennium à die professionis.*

ILLUSTRATIONES.

Conc. *Trid. sess. 25. de Regular. cap. 11.* Circa quod notandum est, quod licet *Trid.* dicat, non esse audiendam, nisi reclamauerit intra quinquennium, tamen si allegauerit causas, ob quas non reclamauit intra quinquennium, quia sc. vel ignorauit, vel non potuit ob metum parentum viuientium, vel quid simile, est audienda, si causæ allegatæ sint iustæ, & probentur. *Rodrig. Tom. 3. quest. 17. artic. 16.* Sed aduertendum est tamen cum *Portel cit. num. 45.* hodie esse in praxi, quod vt possit audiri, debet impetrari rescriptum à Papa; & quod sine hoc Prælatus, nec Episcopus possunt audire. Et hoc est petere restitutionem quinquennij à Papa; nam absque tali rescripto videbuntur Prælatus, & Episcopus contraire expresso decreto Tridentini.

Notandum est, quod, quando professio inualida probari potest coram Ecclesia, non debetis, qui publice professus est, & existimatur religiosus, relinquere habitum, & statum propria auctoritate, sed petendo libertatem suam ab Ecclesiastico Prælato. Hoc colligitur ex *Trid sess. 23. cap. 19. de Regular. ibi, & tunc non aliter nisi causas, quas prætenderis, deduxeris coram superiore suo, & ordinario.* Quod si antea habitum demiseris, nullatenus ad allegandam

dam quamcumque causam admittatur, sed ad Monasterium redire cogatur, & tamquam apostata puniatur; interim vero nullo privilegio sue religionis priuetur. Si tamen is velit habitum dimissum reassumere ad hunc effectum, ut audiatur, putat *Suarez Tom. 3. de Relig. cap. 4. num. 14. cum Navar.* non esse illi audientiam denegandam existimat enim Concilium esse ex quadam æquitate intelligendum, scilicet, quod non audiatur, quando fugitiuus, & sine habitu permanfit.

- 14 Monialis, quæ fecit professionem irritam ex defectu ætatis, si vult postea ratificare professionem, non indiget nouo anno nouitiatus.

ILLUSTRATIONES.

Ratio, quia iam experta est Religionem. Et præterea *Conc. Trid. sess. 25. de Regular. cap. 15.* annullat professionem, sed non annullat receptionem, & gestationem habitus. Neque item opus est, ut fiat denuo Nouitiatus, si Papa dispensat in impedimento annullatiuo professionis. Quod intellige, nisi tale impedimentum annullaret professionem, & receptionem habitus, ut fecit Sixtus V. in prima Bulla contra illegitimos. Ex *Rodriguez Portel num. 53.*

Sanchez insuper *lib. 7. de matrim. Disput. 37. num. 48.* credit, non esse iterandum nouitiatum, quamuis publica esset nullitas professionis, & nouitiatus, ob professi inhabilitatem. Ratio, quia finis *Trid.* petentis præmitti professioni annum nouitiatus, nimirum experiri austeritates religionis, ac ipsius religionis mores, æque seruatur, siue prior professio, & nouitiatus irrita fuerit ob impedimentum occultum, siue ob publicum.

Idem *Sanchez num. 50.* tenet, non esse iterandum nouitiatum, quod non fuerit præmissus anno integro professioni; sed sufficere professionem illam ratificare cōpleto tempore, quod deerat illi anno. Quia nullum vitium in nouitiatu interfuit, nec quidquam refert, illum expletum esse professorum habitu assumpto. Idem asserit, quando professio existit nulla ratione metus.

Si quis

Si quis autem vellet contrariâ opinionem amplecti, & iterare nouitiatum, vt vel sic tutior esset ratificatio professionis, esset facile remedium, vt ait *Sanchez num. 57.* ne cum infamiae nota repeteretur; detecto scilicet sub sigillo confessionis vitio Superiori, petere vt ipsum denuo admittat ad nouitiatum peragendum inter ceteros professos, habitu eorum gestato. Quod si non sufficiat consensus Prælati ad nouitij admissionem, sed desideretur simul conuentus consensus, potest petere Prælati conuentus suffragia, tacito professi nomine, & explicata prioris professionis nullitate. Vel potest, vt id necessarium non sit, ac conscientia pacetur, impetrari secreto Pontificia dispensatio nouitiatum supplens.

15 *Monialis potest ad aliam religionem perfectiorem transire.*

ILLUSTRATIONES.

Bonacina de clausura, *quest. 1. punct. 9. num. 11.* Ratio est, tum quia commoueri Monialium bono conducit posse perfectiorem religionem capescere; nec præsumendum est, summum Pontificem velle Spiritui Sancto ad perfectiorem statum excitati resistere, & aditum perfectioni ocludere. Tum quia *in cap. licet de regular. viris religiosi* conceditur transitus ad arctiorem religionem; Ergo idem etiam concessus censetur Monialibus, cum eadem in vtrisque ratio militet, & ob id clausura detrimentum non patiatur.

Azorius tamen *Tom. 1. Inst. Moral. lib. 13. cap. 8. q. 1.* ait, hodie non licere Monialibus hunc transitum, quamuis olim licuerit. Sed *Sanchez loc. cit. lib. 6. cap. 7. num. 6.* tenet, hodie adhuc licere. Nam olim licebat, vt probat ipse ex text. & Doct. nec constat, vbi id ius commune sublatum sit; quia in hoc casu non loquitur Tridentinum, nec *Motus proprius Pij V.* tantum enim transitum ex alijs causis interdicit, ne sit materia vagandi Monialibus, nec institui Spiritus Sancti ad arctiorem vitam ducendam Moniales instigantis ocludere viam volunt. Vide *Bonac. loc. cit. quest. 2. punct. 9. §. 2. num. 4.* vbi citat pro hac sententia *DD. & Sacram Congreg.*

Concludens, Monialem posse ad arctiorem religionem transire, petita prius à Superiore ordinario licentiam, etiam si forte non obtineatur.

16 *Monialis volens ad strictiorem Religionem transire, non satisfacit petendo ab Abbatisſa licentiam.*

ILLUSTRATIONES.

Ratio, tum quia Abbatisſa non est proprie Prælarata; tum quia in concedenda licentia tranſeundi ferendum est iudicium, an volens transire Spiritu ſancto ducatur; huiusmodi autem iudicium non videtur mulieribus concessum. Tum quia cum agatur de egressu à Monasterio, strictissimæ clausuræ subiecto, & Abbatisſa ingrediendi facultatem concedere nequeat, sequitur Abbatisſam non posse Moniali concedere facultatem tranſeundi ad aliam Religionem; sed huiusmodi licentiam petendam esse à Præſſato, cui subsunt Moniales, siue is sit Episcopus, siue Præſſatus regularis. Ita è *Rodrig. & Sanchez Bonac. loc. cit. §. 3. Diff. 1. num. 11.*

Sacra tamen Congregatio, vt ait *Ricciol. Tract. de iure personarum lib. 8. cap. 5. num. 10.* non semel censuit, ad eam in similibus casibus esse recurrendum. Et quo securius in hac materia procedatur, eadem Sacra Congregatio similes licentias concedere non consuevit, nisi quibusdam conditionibus adiectis, quarum prima est, vt antequam à primo Monasterio Monialis egrediatur, aliud sit paratū, in quo beneuolas habeat receptrices, quodque in eo capitulariter per secreta suſſragia recipiatur. Secunda; vt dotem à ceteris Monialibus præſſari solitam persoluat. Tertia, vt spes illi auferatur ad primum Monasterium redeundi. Quarta, vt translatio fiat comitantibus Matronis consanguineis grauib; ab vno ad aliud Monasterium, recta via, absque diuerticulo, ac nullibi pernoctetur nisi causa hospitij, idq; non nisi apud honestas personas, vt pluries se obseruari vidisse, & signanter in *una Nannetens. 16. Ian. 1615. & in Redonen. 31. Ian. 1613.* testatur ipse *Ricciolus.*

Monia-

- 17 *Monialis auctoritate Papæ translata ad suam instantiam, vel ad instantiam secundi Monasterij, de uno Monasterio ad aliud, non potest deferre dotem, vel alia bona priori Monasterio acquisita.*

ILLUSTRATIONES.

Ratio, tum quia dos, & alia bona non fuerunt tradita sub conditione, si in eo Monasterio manserit, sed solū sub conditione si professionem emisit; cum autem professionem in dicto Monasterio emisit, sequitur prius Monasterium esse absolutum dominum prædictorum bonorum. Tum quia posterius Monasterium hoc sibi incommodum imputare debet, cum volēs admittat Monialem, quæ nihil proprii habet, cū ipsius dos priori Monasterio acquisita fuerit. Sic *Bonac. loc. cit. num. 6. & citat DD.*

Dictum est ad suam instantiam, vel ad instantiam secundi Monasterij; quia si secundum Monasterium coactum fuit illam admittere, dos soluenda est. Sed vidimus è Sacra Congreg. in omni casu transitus ad aliam Religionem dotem requiri. Quid autem iudicandum sit de peculio, hereditate, usufructu, ac alijs bonis Monialis ad aliam Religionem transcentes, legatur idem *Bonac. loc. cit per totam diff. 2.*

- 18 *Monialis transiens de una religione ad aliam, tenetur novum peragere novitiatum in secunda Religione, ad quam transit.*

ILLUSTRATIONES.

Ratio, quia qui professionem in aliqua religione facturus est, debet illius asperitates, & onera experiri, tam ut ipse cognoscat, an religio sibi placeat, quam ut ipsamet Religio probeat, an præfatus religiosus suæ religioni aptus sit, & idoneus; fieri enim potest, ut unus uni religioni idoneus sit, & non alteri; sed religiosus prædictas asperitates, & onera experitur, prævio novitiatu.

nitiatu. Sic Bonacina loco citat. *quæst. 2. puncto 9. §. 2. numero 10.*
 Et, vt notat Barboſa *in cap. licet de regular. num. 25.* taliter transf-
 latus in probatione exiſtere dēt per ſpatium vnus anni continui,
 comodo, quo ceteri ſæculares, & de nouo in eadem profiteri. Et
 ideo Rota apud Facinac. *decif. 115. nu. 7. par. 2.* recentiorum, cen-
 ſuit, quod Monialis vnus Monasterij, vbi ad aliud transfertur, ſi
 non emittit profeſſionem in ſecundo Monasterio, non fit Monia-
 lis illius. Et *num. 8.* tenet, ſufficere profeſſionem emiſſam in primo
 Monasterio ad aliud eiſdem Regulæ, vel vbi translatio fiat de
 auctoritate Papæ, & citat Rebuff. *de translat. Monachi in princip.*
 ſed vidimus ſemper huiusmodi translationem Sacræ Congreg.
 auctoritate eſſe faciendam.

Barboſa item *num. ſeq. è Feder. Senenſ.* ait, quod quando Moni-
 chus vnus Monasterij in aliud transfertur, ſolet de ſtylo poni hæc
 clauſula, Te de Monasterio Furcenſ. cuius Monachus exiſtis, ad
 Monasterium Sanctæ Mariæ auctoritate Apoſtolica transferen-
 tes, ac volentes, ac decernētes ex nunc eiſdem Monasterij San-
 ctæ Mariæ Monachus. cenſearis, & in eo recipiaris in Mona-
 chum, &c.

19 *Transiens ad aliam Religionem non tenetur ad vota primæ reli-
 gionis.*

ILLUSTRATIONES.

Ratio eſt, vt ait Bonac. *loc. cit. diſſicul. 1. num. 1.* Tum, quia hu-
 iusmodi vota ſunt annexa priori ſtatui, non vero ſecun-
 do; ceſſante autem principali ceſſat acceſſorium. Tum, quia vota
 primæ religionis commutantur in vota ſecundæ; is autem, cuius
 vota in alia commutata fuerunt, non tenetur illa ſeruare.

10 *Debet ſic translatus in ſecunda religione ſedere, iuxta tempus,
 quo profeſſionem in ſecunda emiſit.*

ILLUSTRATIONES.

Hoc vero non ſequitur, ſi translatus fuiſſet de vna in aliam
 religionē vt Superior; nam tunc finito officio, ſedebit poſt
 Præ-

Prælatum, in memoriam gradus, & honoris, quem gessit; & manebit Monachus secundæ religionis, quia emittere debet professionem in secunda religione. *Bonac. num. 3. ex multis Doct.* qui tamen fatetur, sibi magis placere opinionem *Petri de Perusio*; & aliorum apud *Rodriguez*, asserentium, præfatum religiosum, regulariter loquendo manere subditum, siue Monachum primæ religionis; quia qui ad aliam religionem proficiscitur, ut ibi sit Prælatum, non solet ibi professionem emittere, cum professio integrum nouitiatum annum prærequirat, nisi in hac parte à Sede Apostolica dispensetur; subiectio autem religioni acquiritur per professionem.

Campanil. In diuers. tur. Canon. rubr. 12. per totum capitul. 12. Antiquiorem in religione probat esse eum, qui professionem antea emisit, asserens insuper, Religiosum non posse consentire, ut in loco sedeat inferiori, quam sibi competit attenta professione. In Religione Minorum obseruantie S. Francisci locum sedendi, & præcedentiæ considerari à susceptione habitus. In reliquis verò dumtaxat attendendum esse tempus professionis. Dummodo aliud non admiserit consuetudo, aut Regula. *Lauorius de elect. canonica Tit. 4. cap. 15. num. 84.* testatur & ipse, eum, qui prior professionem emisit, non autem qui maioris est ætatis, seu prioris ingressus ad religionem, esse in religione antiquiorem; subiungens ita *Sacram Congreg. Conc.* Circa Moniales declarasse.

Scrofa in suo cruditissimo opusculo de inualiditate professionis, &c. dub. 12. num. 2. pro certo, & indubitato tenendum esse affirmat, tempus professionis prædictæ, quoad obtinendam prioritatem; & prærogatiuam super alios, à die professionis realiter emissæ tantum currere, & non antea, licet iniuste illa fuisset retardata.

Al Vicario di Padoua. Reuerendo Signor, è stato più volte risoluto nella Sacra Congregazione, che la precedenza tra le Monache s'habbia da regolare dalla professione, e non dall'habito; & quando due professoressino insieme nel medesimo punto, debba preceder quella, che prima è stata vestita; & se ancora fossero vestite in un medesimo tempo, data similmente la parità della professione, preceda quella, che prima è stata accettata, senza hauere consideratione ad altri rispetti; per che può succedere.

*Succedere, che si vesta una citella di dodeci anni, che habbia da aspetta-
re 4. anni à professare, e dopo lei una di 15. laquale faccia la profes-
sione dopò l'anno, & hauendo questa professato prima, conuiene ancora
che preceda l'altra, che fa la professione dopò, se bene sia stata prima
vestita. Con questa adunque regola voi potrete terminare la differenza
mata nel Monasterio di Santa Agata, e fare che questo medesimo ordi-
ne s'osservi in tutti i Monasterij, done succedesse occasione di simile con-
tesa, e state sano. Roma li 30. Luglio 1608.*

Al piacer vostro Il Cardinal Gallo.

21 *Licitum est transferre Monialem ad aliud Monasterium corre-
ctionis gratia.*

ILLUSTRATIONES.

Sic *Miranda de Monialibus quest. 3. art. 2.* Vt e. g. si acciderit, quod aliqua Monialis non possit corrigi in Monasterio, ubi habitat, ob timorem suorum parentum, quia tunc posset duci ad aliud Monasterium, ut puniatur, & debite corrigatur.

Non tamen Monialis eijci potest propter in corrigibilitatem, sed includenda est in Monasterij carcere, ne alijs offendiculo sit. Sic *Sanchez lib. 6 cap. 9. num. 6.* Licet attento rigore id fieri posse asserat, sed innuit nullo pacto id esse peragendum, quia praxis huicque non recepit Monialem expelli, tamquam incorrigibilem; nec Doctorem inuenisse id dicentem; neque ex aliqua historia constare aliquam eiectam esse. Idem affirmat *Bonac. loc. cit. num. 14.* & citat *Cocinum Rota Romana Decanum in una Vlixbonen. Monast. 19. Nouemb. 1625.*

Barbosa etiam in Collect. Doct. in cap. ne religiosi de regular. nu. 16. ait, certius esse, Moniales propter incorrigibilitatem non esse eijciendas simpliciter à Monasterio; sed nisi ibi puniatur, posse ad aliud transferri, *ut est constit. Urbani IV.* quæ constitutio in hac parte, neque per *Constitutionem Pij V.* neque per *Concilium Trid.* licet strictiora sint, censetur reuocata.

32 *Conuertita per ingressam Monasterij emittunt professionem.*

ILLVSTRATIONES.

Proest Nouitia intra annum probationis siue apostasiæ notæ, ad sæculum resilire; non tamen id procedit in Monasterijs illarum mulierum, quæ lupanaris impudicitiam pertese, ad bonæ vitæ frugem conuertuntur, quos nos vulgari vocabulo conuertitas nuncupamus; in illis enim ex laudabili more, & ex Constitutionibus iam olim in eorum Monasterijs præscriptis fieri solet professio per ingressum; & ideo si post ingressum à Monasterio recedant, possunt iure merito velut professæ reuocari, quas Constitutiones Sacrum *Trid. Concil.* sua auctoritate firmavit, *cap. 18. in fine sess. 25. de regular.* Sic *Ricinellus loc. cit. lib. 8. cap. 2. num. 6.*

De Consecratione Monialium. Cap. V.

1. *Solent sanctimoniales solemniter consecrari nonnullis benedictionibus, & carimonijs, accepto velo, quod dicitur Consecrationis.*

ILLVSTRATIONES.

Multiplex est velum, quoddam dici potest velum receptionis, quod Nouitijs à principio datur, & solet esse album. Aliud dicitur velum professionis, quod nigrum est, quâvis olim aliqua varietas in hoc fuisse videatur, ut ex D. Hieronymo multis in locis constat. Est & aliud velum, quod dicitur consecrationis, de quo in conclusione intelligimus. Benedictiones, & carimonix, quæ adhibentur in hac Consecratione, explicantur à D. Thom. in 4. distinction. 38. quest. 1. artic. 5. Paludanus ibi, *question. 5. artic. 3. & late ab Antonino 3. parte tit. 2. capit. 2.*

2 Hoc velum Consecrationis solis Virginibus dari potest.

ILLUSTRATIONES.

Sic dicti auctores docent, & habetur expresse in capitulo *denotatis* 20. q. 1. ubi *Gelasius Papa* inquit, viduas velare Pontificum nullus attentet; quod etiam habet *Concil. Triburiense cap. 25. & Conc. Rothomagensē Canone 9. apud Iuonem p. 7. decreti cap. 52.*

Quid autem velit *Gelasius* in præsentī, dū admonet, ne viduas ullus Pontificum attentet velare; *Barbosa* in 4. tom. *Collect. in Decretum Gratiani causa 20. quæst. 1. cap. Denotis.* dicit, quod velamen quandoque ipsæ sibi propriæ sponte imponebant etiam in priuatis domibus, vt apparet ex *Conc. Parisien. sub Greg. IV. lib. 1. cap. 44. & d. Triburiens. & Tolesano 10. cap. 5.* quandoque autem sibi imponebant in Ecclesia, non tamen imponebatur ab Episcopo, sicut Sacris Virginibus, sed ipsæ viduæ illud publice accipientes ab Altari sibi imponebant, vt constat in primis ex *Ordine Romano*; nam in ordinatione faciēdi Diaconissam hæc habentur. Tunc ponat Episcopus coram omnibus in collo eius dicens, stola iucunditatis induat te Dominus, ipsa autem imponat velamen capite suo palam omnibus de Altari acceptum cum Antiphona, &c. & postea in Consecratione viduæ habetur etiā, Tunc imponat ipsa velamen capiti suo; cum tamen in Consecratione Virginis hæc habentur. Benedictione expleta, & ad interrogationem Episcopi de obseruatione Sacri velaminis illa coram professa Episcopus mittat velamen super caput ipsius Virginis ita dicens. Accipe velum sacrum puella, &c.

Quibus præhabitis, sequitur *Barbosa*, iam patet in velandis viduis, & Virginibus differentiam magnam constitui; illæ enim velamen sibi ipsi imponebant, ab Episcopis non consecraturis; imo id expresse Episcopis interdictum erat, vti vidimus; hæc vero non ita, sed ab Episcopo accipiebant, non alia, vt credi potest, ratione, nisi vt maior Virginibus Sacris honor deferretur, quo excellentior Virginalis præviduali statu ostenderetur.

Hoc

Hoc adeo verum est, quod sc. huius veli Consecrationis prærogatiua Virginibus solum competat, vt etiam si per violentiam, & sine propria culpa corrupta sit virgo, hoc Consecrationis velo ornari non possit, vt probat *Suarez Tom. 4. de Relig. Tract. 9. lib. 1. cap. 11. num. 7.*

Ratio est, quod vt *cit. loc. dicit D. Thom.* quamuis illæ, quæ per violentiam corrumpuntur, si nullo modo consentiant, virginittatis gloriam non perdant; quia tamen valde difficile est, quod in tali delectatione aliquis complacentiæ motus non insurgat, ideo Ecclesia, quæ de interioribus non iudicat, huiusmodi sic corruptas inter virgines non velat. Est etiam illa quasi quædam irregularitas, quæ licet sine peccato cōtrahatur, impedit talem Consecrationem.

Quærent DD. an si femina sit in publica fama, & possessione virginittatis; occulte autem sit corrupta, possit Consecrationis velum accipere. Negat *D. Thom. loc. cit.* absolute; quia propter vitandum scandalum non debent Ecclesiæ Sacramenta, vel Sacramentalia variari. Dicit tamen quærendum esse remedium ad vitandum scandalum, vt retentis sc. quæ sunt de substantia Consecrationis, mutetur nomen virginittatis in nomen castittatis.

Sed hoc remedium à quibusdam impugnatur, tamquam mendacium continens, sed esse licitum asserit *Suarez num. 9.* qui potius dubitat, an sit sufficiens remedium, vel necessarium; sufficiens, nam eo ipso, quod virginittatis nomen in nomen castittatis mutetur, generabit suspensionem, & scandalum apud audientes; præsertim mediocriter intelligētes, qui licet regulariter pauciores sint, infamiæ tamen apud ipsos est maioris momenti. Necessarium autem non videtur esse, quia licet nominetur virginittas, non videtur esse mendacium; quia verba possunt legitimum sensum habere.

Vnusquisque enim censetur loqui in eo foro, in quo operatur; sic enim reus sine mendacio negat delictum occultum, quod vere commisit; & iudex per sententiam vere declarat innocentem eū, quem occulte scit nocentem, si in iudicio non probatur. Immo Scriptura diuina *Luc. 2.* & alibi ita loquitur, vt Patrem vocet eū,

Qui

qui communiter talis reputatur, licet non sit; ergo similiter sine mendacio potest appellari virgo, quæ talis est in communi estimatione, non obstante contraria scientia occulta, quia omnes intelligunt humanum sermonem esse ex humana scientia, & estimatione, & non semper ex re ipsa.

3 *Potest huiusmodi femina ad Consecrationis velum admitti.*

ILLUSTRATIONES.

Sic *Suarez num. 10.* quod ita declarat; nam duplex obligatio ex hoc defectu occulto oriri potest, vel in Episcopo ad non consecrandam feminam, vel in ipsa femina, ut non se ingerat Consecrationi. Quoad priorem, si Episcopus solum habeat notitiam casus per confessionem Sacramentalem, verum est, nec debere, nec posse negare Consecrationem femine petenti, quia violaret sigillum. Si autem sciat extra Sacramentum perfectam reuelationem ipsius feminae, non censet ipse *Suarez*, teneri ad expellendam illam, seu negandum.

Nec est necessaria in hoc casu dispensatio Episcopi, cum ius ipsum commune non obliget Episcopum ad iudicandum de re occulta, vel ad operandum ex scientia adeo priuata, & occulta, præsertim cum periculo scandali. Item, quia in illo actu nullum est mendacium, ut declaratum est; & alioquin non fit aliqua irreuerentia tali Consecrationi, seu benedictioni, quia talis persona non obstante præcedenti lapsu potest esse capax illius in ordinem ad perpetuam continentiam futuram, quam seruare difficilius est, quam virginitatem, teste *Tersulliano ad uxorem*; nam facilius est non optare, quod numquam habuimus, quam quod aliquando fuimus potui.

Azorius tamen 3. p. *Instit. Moral. lib. 3. cap. 12. quest. 3. & seq.* vult in hoc casu teneri puellam occulte corruptam ante quam post Consecrationem petere dispensationem ab Episcopo, ut possit licite exercere officia, quæ secundum morem, & instituta religionis, dedicata sunt virginibus Consecratis. Sed non obligat eas, quando

quando periculum est scandali, aut infamiae, quod semper ad est, ut per se patet.

Non tenetur tamen Episcopus admittere secluso scandalo, seu infamia. Quando autem ipse alia via haberet similem notitiam moraliter certam, iam non esset res adeo occulta, & ideo merito posset non admittere talem personam ad velum virginum; semper tamen debet id facere, consulendo famam illius quantum potuerit, & non auertendo ipsam ab statu perfectionis.

At vero loquendo ex parte ipsius feminae, licet multi censeant teneri ad non petendum talem statum; attamen dicendum cum Suarez, non teneri ad id, Ratio potissima est, quia iura non imponunt hoc impedimentum, tamquam poenam, vel irregularitatem ipso iure incurrendam; sed præcipiunt Prælati, ne consecrent feminam corruptam; igitur quando res est occulta, non tenetur ipsa femina se abstinere, sed potest in exteriori foro ita se gerere, sicut in communis opinionem habetur.

4 *Virginitas irrecuperabiliter amittitur, si violatio integritatis vel puritatis carnis fuit voluntaria.*

ILLUSTRATIONES.

Communis. Iuxta illud D. Hieronymi in C. si Paulus. 22. q. 5. *Audacter loquar, cum omnia possis Deus, suscitare Virginem non potest post ruinam; Cui concamit Onidius Epist. ad Pavidem,*

Nulla reparabilis arte,

Lesæ pudicitia deperit illa semel.

Hinc ille, Possum, inquit, affirmare me nullos habere annos, quia quos habui abierunt; quænam quæ repocari non possunt sunt, Tempus, iuuetus, prolatum verbum, & Virginitas. Sic Homobonus 3. par. Examinis Tract. 15. quest. 18. 2. 9. Resoluit. Vbi etiam ostendit, quomodo puellæ violatæ in Sacratas Virgines adscribi possint.

Quod huiusmodi amissio sit irrecuperabilis, probat etiam *D. Basilus lib. de vera Virginitate*, inquit, ceterum si hoc amittas patrimonium integerrimæ castitatis, quamvis illa omnia facias, quæ dixi, cælumque, ac terras maria, & abyssos, immensumque aerem peruagata fueris, nulla omnino ratione hoc recuperare iam poteris. Quo enim pacto quod corruptum semel, incorruptum fiet? Qua ratione quæ cognouit virum, quasi non agnouerit existimabitur.

Rationem huius conclusionis affert *Lessius de iust. & iure lib. 4. cap. 2. dubit. i 6. num. i 6.* Quia sicut innocentia de notat animam numquam peccato mortifero fuisse contaminatam; ita virginitas includit, vel connotat carnem numquam voluntarie esse violatam, & libidine pollutam. Vnde sicut vno peccato mortifero irrecuperabiliter perit innocentia, ita virginitas vno actu libidinis.

Quibus autem modis amittatur virginitas, ut non possit absolute recuperari, respondet idem *Lessius*, per voluntariā claustri virginis violationem, siue in matrimonio, siue extra, idque siue per copulam, siue per aliam turpitudinem.

Confessarij curent omni studio turpia perpetrandi occasiones amouere. Hinc emanarunt tot Constitutiones S. Caroli, & aliorum Præfulum, quibus non solum Monialibus, sed etiam puellis in educatione positis prohibetur, ne in vno lecto simul decumbant; ut sic libero suo lectulo, quo nil iucundius esse potest, fruenter, sponso suo dicere queant, lectulus noster floridus, id est, suauolentibus floribus conspersus, tam odoratam de se emittit exempli boni famam, ut dicere possint ipsæ cum Apostolo, Christi bonus odor sumus. Et cum Sapientia, Fructificauit suauitatem odoris. Confessarius igitur sit totus in hoc particulari, nullo pacto permittendo, ut Moniales se se osculentur, amplectantur, aut manus sibi inuicem tangerent. Quæ omnia licet absque peccato fieri queant, nihilominus experientia docuit, omnia obscæna ut plurimum hinc originem trahere.

Lessius loco citat. vult supradicto modo corruptam non posse

vmquam velari velo Consecrationis. Ratio, quia illa Consecratio est propria virginum, igitur nullo modo potest non virginibus applicari; sicut Consecratio aquæ non potest applicari vino. Concedit tamen etiam ipse, quando periculum grauisissimi incommodi ita postulat, vt Episcopus possit eas Consecrare, preces, & cetera, quæ in Consecratione Virginum adhibentur, etiam illis accommodando, quæ publice Virgines habentur; nam & hæ quoque suo modo possunt esse sponsæ Christi, & sunt omnium gratiarum, quæ ibi postulantur, capaces.

Secundus modus amittendi virginitatem est per voluntariam pollutionem; etiam si fiat absque copula. Sed aduertendum est, si puella sic polluta carnis integritatem retinet, eam posse velari. Ratio est, vt ait *Lessius num. 110.* Quia & si coram Deo non sit virgo, nec habitura sit aureolam, tamen apud homines censetur virgo; omnes enim vocant Virginem, quæ claustrum virginale retinet illæsum, etiam si sæpius intra spermatis effusione sit contaminata; quamuis enim non sit virgo virtute, est tamen virgo statu, vt inquit *Caietanus, In Sum. V. Virginum consecratio.* Et Ecclesia idem per nomen virgo, & virginitas intelligit, quod vulgo intelligi solet; cuius signum est, quod in Pontificali Romano, vbi de hac Consecratione agitur, non dicatur roganda de aliqua contaminatione, sed de vita, conscientia, & carnis integritate, vt notat *Caietanus*. Itaque non requirit Ecclesianisi carnis integritatem.

Piascius in Praxi Episcop. parte 1. capit. 2. numer. 3. sic de ista Consecratione Virginum scribit, Virginem quoque Deo dicatas benedicere obseruatum fuit in Ecclesia, & hæc benedictio ab Episcopo dabatur, de qua *Hosliensis summ. de tempor. ordin. numero 4.* Consuetudo tamen hæc non amplius est in vsu, & eam leuandam esse, si alicubi adhuc vigeret respondit. *Congregatio Regularium Patriarcha Venet. 5. Decemb. 1595.* Idem affirmat *Ganantius in suo Manuali Episcoporum*. Qui insuper addit

ex Congreg. Consecrationem huiusmodi Monialibus ordinari
Mendicantium nullo pacto concedi.

Al Patriarcha di Venetia.

Molto Illustrè & Reuerendissimo Monsignor come fratello.
La Sacra Congregatione in gratia di Monsignor Signor
mio Illustrissimo Cardinal Dolfin, si è contentata, che Suor Bene-
ta Pisani Monaca di questo Monasterio della Celestia possa essere am-
messa alla Sagra, con tutto che nel tempo, che quella si farà, sarà
nell'età di 21. anno; intendendo però che per questa gratia non si
faccia pregiudicio alcuno à quelle Monache, che sono anziane. Potrà
adunque V. S. eseguire la presente nella forma prescritta; e Dio la
prosperi.

Roma 31. Maggio 1614.

D. V. S. S. S.

Come Fratello Affettionatiss.

Il Cardinal Gallo.

AN vero Moniales consecrari possint, si non attingant 25.
annum, Respondendum, quod licet secundum Sacros
Canones non possint Consecrari Virgines Moniales, nisi atti-
gerint 25. annum, *ut in capitul. placuit, & capitul. Virgines, 29.*
questione 1. nihilominus de vniuersali consuetudine possunt
Consecrari ante vigesimumquintum annum, prout ex Sylue-
stro, & Antonino colligit *Marius Antoninus variar. Resolut. lib. 1.*
resolut. vltim. cas. 14. quam consuetudinem etiam in toto statu
Mediolani notoriam esse affirmat; vnde satis est eam allega-
re. Nec verba Pontificalis Romani nouiter impressi terrere de-
bent,

bent, dum in eo cauetur, Moniales Consecrandas interrogari debere, an attingant 25. annum. Et in *Bulla Clem. Papa VIII.* super eodem dicitur, Episcopos teneri seruare in eo disposita, alias muneri suo non satisfacere. Quia, vt ait *idem Marinus*, ex dictis verbis non censetur derogatum dictæ consuetudini. *Barbosa* tamen scribit, *Sacram Congregationem* sensisse Moniales Virgines ante vigesimum quintum annum completum, non esse consecrandas. Quod quomodo verum esse possit non video, cum è diametro repugnet verbis Pontificalis Romani; qui tamè liber probat secundum *Mohed. de fide instr. decis. 5.* Sed postea legi ipsius Pontificalis Romani nouissimè impressi verba, & vidi, ibi caueri, Moniales consecrandas interrogandas esse, an expleuerint, non vero an attigerint 25. annum.

Non debet ideo Episcopus ingredi Monasterium. *Congr. 13. Septemb. 1583.* Huiusmodi enim Consecratio fieri debet ad festellam Communionis Moniales è clausura non egrediantur. *Ead. 30. Septemb. 1616.*

5. Velum huiusmodi Consecrationis à solis Episcopis dari potest.

ILLUSTRATIONES.

Supra cit. cap. Deuotis 20. q. 1. Quod communiter ad hoc allegatur, vt patet ex *Paludano, Syluestro, & alijs.* Potest tamen hæc Consecratio committi presbytero per Summum Pontificem, non tamen censetur commissæ per solam iurisdictionem Episcopalem; quia est actus ordinis, & non tantum, iurisdictionis, vnde neque Episcopus electus, & confirmatus, & nondum Consecratus potest illum exercere. *Suarez. loc. cit. num. 12.*

Sunt tamen qui asserant huiusmodi Consecrationem competere ex officio Episcopo, non autem ex vi ordinis Episcopalis; ac ideo non solum Abbates, sed etiam Priores, Archipresbyteros, & Præpositos posse Moniales, in quas iurisdictionem Episcopalem habent, benedicere, & Consecrare; quia munus, hoc ad iurisdictionis, non ordinis potestatem spectat. Lege *Tambur. de iure Abbatum disput. 22. q. 6. num. 2.*

6. *Non potest hoc velum dari, nifi definitis temporibus, & à iure flatutis.*

ILLVSTRATIONES.

IN Conc. Lateran. sub Alex. III. prout habetur in cap. 1. de temporib. ordin. concessum est, vt omnibus Dominicis diebus liceat Virgines Consecrare, & cōsuetudo hoc extendit ad alias solemnes festiuitates, vt aduertit *Turrecremata in d. cap. de notis quest. 4.* & ita in hoc consulenda est, & seruanda consuetudo.

An vero conferat gratiam, vel remissionem venialium hæc Consecratio, legatur *Suarez num. 14.* Vbi etiam aduertit, huiusmodi velum dari posse, vel in ipsa professione, vel post illam; nam sine illa clarum est dari non posse, cum nō intercedat, nec supponatur spiritalis dispositio cum Christo.

De Clausura Monialium. Cap. VI.

II *Clausura Monialium iure humano positiuo, non autem iure naturali, vel diuino indicta est.*

ILLVSTRATIONES.

SIC Bonacina de Clausura quest. 1. punct. 3. ex multis Doctoribus: *Suarez Tom. 4. de Relig. lib. 1. cap. 8. num. 1.* ait, quod primus, qui hoc præceptum clausuræ posuit, videtur fuisse *Bonifacius 8.* in cap. vnic. de Statu Regular. in 6. Nam licet in antiquis Canonibus multa sint huius clausuræ præcepta, nullibi tamen erat absolute iniuncta, sed dependenter fere à legitima facultate Abbatis, vnde paulo maior feminis, quam viris imponebatur. Addit etiā ipse *Suarez num. 12.* *Bonifacij Decretum* circa huiusmodi clausuram, vel receptum non fuisse, vel dissiuetudine cessare; vt indicat *Concil. Trid. sess. 25. cap. 5. de Regular.* dicens, *Bonifacij VIII. Constitutionem renouans. sancta Synodus & infra, Præcipiens vbi Clausura violata fuerit, diligenter restituui.*

Et postea *Pius V.* eadem de re *Bullam* quamdam, *sive Motum proprium* edidit, Anno 1566. *Kal. Ian.* & incipit, *Circa pastoralis officij.* Hanc *Pij V. Constit.* Etiam confirmavit, & innouauit postmodum *Greg. XIII.* in alia sua *Bulla* Anno 1572. 3. *Kal. Ian. quæ incipit, Deo sacris.* Votum clausuræ venit sub voto obedientiæ. *Congr. Ep. 19. Apr. 1619.*

2. Hoc præceptum clausuræ imponitur omnibus prorsus Monialibus cuiuscumque regule, ordinis, ac nominis fuerint.

ILLUSTRATIONES.

QUod verum est, licet ipsæ clausuram non vouerint, vel habeant priuilegia in fundatione obtenta ad eam non seruandam; aut habeant immemoriam consuetudinem in oppositum, vt habetur in eodem Concilio Trid. & in eisdem *Constitutionibus Pij V. & Greg. XIII.*

Et iure quidem optimo id statutum est; quippe hoc non inducit nouam austeritatem prorsus à priori regula alienam, sed indirecte ad eam pertinentem; quia experientia compertum est, non leni cum iactura castitatis promissæ Moniales vagari; & ideo iudicatum est, clausuram earum valde necessariam esse ad votorū obseruantiam. Sic *Sanchez lib. 6. cap. 2. num. 42.* vbi etiam ait, non posse hoc in dubium vocari, quia est de fide potuisse id fieri.

Mens Tridentini est, vt Episcopi auctoritate ordinaria Moniales sibi subditas ad clausuram cogant; auctoritate autem Apostolica Moniales, quæ immediate Sedi Apostolicæ subiectæ sunt, non tamen exemptas ab eis, & subditas alijs Prælati exemptis aliorum ordinum. *Sanchez loc. cit. cap. 15. num. 21.* qui etiam *num. seq. ex Trid.* probat, quod si opus sit ad cogendas Moniales ad hanc clausuram auxilio brachij sæcularis, id inuocandum esse, atque à brachio sæculari esse præstandum.

Barbosa tamen de offic. & potest. Episc. Allegat. 102. num. 8. probat falli *Sanchez*, dum asserit, non posse Episcopum ad clausuram cogere Monialem exemptas ab eis, & subditas alijs Prælati exemptis

pris aliorum ordinum. Citat *Decis. ex Armendar. Zerola. etiam V. Moniales ad 4. quæst. & ad 8. vers. 4.* vult, facultatem indicendi clausuram competere Episcopo, respectu etiam Monialium exemptarum.

Idem *Barbosa loc. cit. num. 5. 6. 7.* scribit, huiusmodi Moniales exemptas posse toties visitari ab Episcopo quoad observantiam clausuræ, quoties ei videbitur expedire. Et Moniales in Ciuitate situatas, sed alieno Episcopo subiectas, visitari ab Episcopo Diocesis, sicut visitantur aliæ Moniales subiectæ Regularibus; ac deniq; clausuram, si non seruetur in Monasterijs Monialium, quæ Regularibus subduntur, debere Episcopum videre; nec ab ipsis Regularibus cum impediri posse, quominus ea visitet, quoties id expedire iudicauerit. Sic *Galet.* citatus ab ipso *Barbosa* refert in his omnibus decusum.

- 3 *Ad Episcopum pertinet facultatem concedere Monialibus volentibus exire à Monasterio.*

ILLUSTRATIONES.

Sic decernitur in *Trid. sess. 25. cap. 5* & in *Motu proprio Pij V.* qui incipit, *Decori & honestati.* An vero id sequatur etiam in Monialibus exemptis, & Regularibus suppositis, alij negant, alij aiunt, cum quibus ego sentio. *Barbosa* probat hanc assertionem ex verbis Constitutionibus Pij V. sic disponentis. Quæ tamen infirmitas, præter alios ordinum Superiores, quibus cura Monasteriorum incumberet, etiam per Episcopum, seu alium loci ordinarium, & si prædicta Monasteria ab Episcoporum, & Ordinariorum iurisdictione exempta esse reperiantur, cognita, & expresse in scriptis approbata sit.

Supradictam facultatem, quam Episcopum habere diximus, habet etiam Vicarius Generalis ipsius Episcopi. Ratio, quia facultas, quæ Episcopo conceditur in *Trid.* censetur etiam cōcessa ipsius Vicario Generali, nisi Vicarius excipiat, aut nisi res aliena sit à Vicario. *Bonac. loc. cit. num. 2.* Id colligitur etiam ex præ-

præcitato *Motu Pij V.* vbi dicitur, vti vidimus, causam ex Monasterio exeundi approbandam esse ab Episcopo, seu alio loci Ordinario. Vicarius autem Generalis vocatur loci ordinarius, vt pluribus ostendit *Sanchez de matrim lib. 3. disput. 29 num. 3.*

Idem potest Vicarius in Monasterijs Sedi Apostolicæ subiectis, vt scribit *Bonac. ibidem*, licet *Sanchez* ab ipso citatus contrarium sustineat, eo quod in huiusmodi Monasterijs conceditur facultas Episcopo, tamquam Delegato. Sed respondit *Bonacina*, Concilium dare facultatem Episcopo, tamquam Sedis Apostolicæ Delegato ad inducendam clausuram in Monasterijs Sedi Apostolicæ subiectis. Dum vero præscribit, vt Moniales clausura exire nequeant, loquitur simpliciter de Episcopis; iurisdictio autem Episcoporum competit etiam Vicario Generali, nisi excipiat, seu nisi res aliena sit ab eius officio.

4. *Moniales possunt egredi è Monasterijs, in casu magni incendij, aut infirmitatis lepræ, aut epidemia.*

ILLUSTRATIONES.

Pius V. in sua *const. Decoris*, qui causam exeundi legitimam ad hos tres casus restringit. Nomine epidemie intelligitur morbus cōtagiosus, qui alios inficere solet, vt est pestis, morbus gallicus, morbus D. Iazari, ignis S. Antonij, & similes. Sed aduertendum cum *Bonacina loc. cit. punct. 9. quæst. unica num. 2.* vt istæ causæ ad exeundum iustæ censeantur, opus esse, vt Monialibus in Monasterio existentibus alia ratione consuli nequeat, quā exeundo. Quamobrem si Moniales curari possint in Monasterio, absque aliarum infectione, aut si in eodiam in Monasterio grauetur, & Moniales, ad aliam Monasterij partem absq; vitæ periculo se recipere, & incendium vitare valeant, non possunt ex Monasterio exire, quia cessat iusta exeundi causa.

An vero prædictæ tres exceptiones extendantur ad quemlibet morbum non contagiosum, de quo tamen Medici in arte periti iudicant aliquam Monialem morituram, si non exeat Monaste-

rium in aliquem locum illo tali morbo infectæ salubriorem, & si exeat minime? Nonnullis videtur esse extendendas, alijs vero non, cum quibus sentiendum est; vrgent enim maximoperè verba Summi Pontificis tam perspicua, & clara. Quis enim audebit, vt ait *Gutierrez Canon. quest. lib. 1. cap. 14. num. 7.* contra ista exponere se periculo excommunicationis latæ sententiæ Papæ reservatæ? nemo profecto sanæ mentis.

Concludamus igitur ex causis communibus omnibus Monialibus licitam esse egressiorem, ex particularibus minime. Nec patrocinator contrarium sentientibus, quod *Greg. XIII.* similitent licentiam exeundi à suo Monasterio concesserit, vt ait *Nauar. citatus à Gutierrez. num. 9.* quibusdam Monialibus; Nam potius hoc, inquit *Gutierrez*, suæ opinioni contradicit. Id siquidem fuit concessum ex gratia, & priuilegio aduersus præfatam sui Prædecessoris Constitutionem, vt cōstat ex vltimis verbis prædicti Breuiis, quod ibidem refert *Nauar. ibi, Non obstantibus litteris Pij V. Prædecessoris, ac alijs prædictis, &c.* Ex priuilegia non egrediuntur personas priuilegiatas.

Snarez tamen *Tom. 4. de Relig. lib. 1. cap. 9. num. 9. & seq.* non discedit ab opinione *Nauarri*, & citat pro hac quamdam respon- sionem Cardinalium, quæ sic habet, Curandæ valetudinis causa, ad balnea Monialem exire posse Sedes Apostolica concessit, dum tamen eat cum honesto comitatu personarum, quem ordinarius dandum censuerit; atque tunc eundo, quam redeundo nullum ad locum extra viam rectam diuertat, neq; diutius maneat apud ipsa balnea, quam ad curandam infirmitatem necesse fuerit. Ex tenore verborum colligitur, hanc generalis iuris declarationem fuisse.

Diana tamen *Traçt. 1. Miscellan.* assert *ex Rodriguez* aliam *Respon- sionem Cardinalium*, quæ consultæ, an morbum gallicum in- cluderetur sub nomine epidemiæ, & strumæ, & caneros sub no- mine lepræ, dum alij Medici affirmarent Ludouicus dela Valle Medicus Regis negaret, ita respondit; *Sacra Congregatio Cardina- lium Concilij Tridentini interpretum*; supradicta opinionum va- rietate, sing ularumq; rationibus diligenter perpensis, declinauit

in sententiā Doctoris Ludouici della Valle Medici Camerę Hispaniarum Regis. Cuius in responso à se edito, zelum, & prudentiam in assequenda Sanctę memorię Pj V. mente plurimum in Domino commēdauit, eiusdem Pj V. *Constitutionem* de clausura Monialium loquentem nomine epidemię, tam tantum epidemiā intelligere, quę est cura, & realis pestis; ita vt ob alias infirmitates huic aliquo pacto consimiles, sed tamen benigniores, etiam si epidemię nuncupentur, nullo pacto Monialibus professis ex Monasterio exire liceat, atque hoc Decretum ab omnibus, ad quos pertinet inuiolabiliter obseruari mandauit.

Possunt exire etiam Moniales ob alias causas similes, vel urgentiores. 1. ob belli imminētis timorem, gesti ab hęreticis, aut infidelibus. 2. dum totus ipsarum Conuentus in alium locum de consensu Episcopi trāsfertur. 3. vt Monialis sit Abbatisa alterius Monasterij eiusdem ordinis. Denique ad fundandum Monasterium, vel ad aliud ministerium ibi peragendum, licet nō sit Pręlatio, *Suarez loc. cit. num. 6.* qui tamen testatur, se à Congregatione Cardinalium hoc responsum datum inuenisse, Monialis non potest transire de vno ad aliud Monasterium, etiam de consensu Episcopi, sine licentia Sedis Apostolicę, etiam si translatio fiat ad aliud eiusdem Ordinis. Et infra dicitur, edem Apostolicam aliquando hoc concedere ex causa de consensu Superiorum, etiā ad Monasterium alterius obedientię.

Testatur item idem *Suarez*, se nuper in Lusitanıę Regno vidisse, ad transferendam Monialem ab vno Monasterio ad aliud eiusdem ordinis, & sub eodem Generali, & interueniente satis grāni causa salutis, expectatam fuisse licentiam Sedis Apostolicę. Ita igitur seruandum iudicat, quotiescumque causa mutationis talis non fuerit, quę vel in iure sit specialiter expressa; vt dum Conuentus, qui extra oppidum existit, expositus est malorum hominum prędę, & alijs facinoribus; tunc enim intra urbem, vel iuxta oppidum frequens redduci potest, si Episcopus, alijque Superiores expedire iudicauerint. Sic enim clare decernitur in *Tridentino sess. 25. cap. 5.*

Gauantus in suo Manuali Episcoporum ex Cong. epis. asserit, nō posse
se

se transferri Moniales pro instructione noui Monasterij, incon-
sulta Sede Apostolica. Et ita decretum esse referre *DD. apud*
Barbosam. Quod etiam nos supra diximus.

Abbatissa etiam, vel Prioressa, quæ per feudum tenetur præ-
stare iuramentum fidelitatis alicui domino sæculari, si illud per
Procuratorem præstare nequit, potest cum honesta societate exi-
re, modo statim, præstito iuramento, reuertatur. Hoc enim
conceditur expresse à *Bonifacio VIII. in cap. periculoso §. verum de*
statu regular. in 6. neque hoc alicubi reuocatum esse reperitur,
modo iuramentum præstandum sit Domino sæculari. Ex quo fit,
vt ait *Bonac. num. 9.* vt Superior in tali euentu licentiam exeundi
concedere teneatur. Quod si hanc licentiam Abbatissæ iniuste
denegetur, poterit nihilominus Abbatissa vt priuilegio sibi in
prædicto cap. concessio, modo sciat licentiam iniuste sibi denega-
ri; nam si tantummodo dubitet, an sibi iuste, vel iniuste denegetur,
acquiescere debet iudicio Superioris.

Excommunicatione, & alijs pœnis afficiuntur Moniales clau-
suram violantes, dantes licentiam, ac receptatores. Idem dicen-
dum est de comitantibus, vel receptantibus Monialem iniuste
egressas, modo sint causa egressus, vel perseverantiæ egressus; se-
cus si causa vrbanitatis, vel consanguinitatis comitentur, vel re-
cipiant. Sic enim decernitur in *Motu Pij V. qui incipit, Decorum &*
honestati.

Exigitur tamen ad incurrendas has pœnas egressum non esse
ita leuem, vt solam venialem culpam constituat. *Sanchez lib. 6.*
cap. 15. num. 69. Quod ex se manifestum est, cum nec excommu-
nicatio pro sola veniali culpa ferri possit, & aliæ tam graues pœ-
næ iniustæ essent, vtpote quæ grauitati delicti valde dispares, si
pro sola veniali culpa incurrerentur.

5. *Monialis clausuram modico egressu transgrediens excusatur à*
culpa leuiali, & à censuris latis.

ILLUSTRATIONES.

NOtandum hic est, si exorcizanda est à confessorio Monialis,
exorcizari debere in Ecclesia exteriori, sed cum à licen-
tia habitata Sede Apostolica; clausis ianuis, præsentibus se minis.
honest-

honestis consanguineis, vel alijs prouectæ ætatis, neq; alio diuerti posse. *Cong. episc. 1. Iulij 1606.*

Graff. 1. p. Decis. lib. 4. c. 22. num. 13. ait, non incurrere excommunicationem transgredientes clausuram per duos pedes, vel quasi, & postea retrogredientes; quia modicum semper excusat. Idem diceret de modico Monialis egressu ex clausura. Sed id non admittit *Sanchez loc. cit. cap. 16. num. 70.* quia cum hic sit verus extra clausuram egressus, sufficiens est ad culpam lethalem, & censuras incurrendas. Nec modicum reputatur, quando perfecta transgressionis ratio in illo reperitur. Vnde optime dixit *Zecchius de cas. referu. casu 10 nu. 1.* Consistentem in folio, sito intra claustra, dicamus & nos, consistentem Monialem in solo Ostio sito extra claustra, subijci his censuris. *Gauantus in suo Manuali Episcoporum* sententiæ *Graf.* subscribit.

Existimat *Suarez* modicum in hoc ingressu, & egressu, quando hæc non sunt perfecta, & consummata, sed semiplena; quia nimirum pars corporis est intra, pars autem extra; nec aliquid refert, an maior corporis pars sit intra, aut extra; dum enim totum corpus non est intra, aut extra, non sunt perfecta ingressus, & egressus, ut culpæ lethali, & censuris subdantur. Quamobrem non censeret ipse *Suarez*, comprehendi eum, qui est in ostio, quia ostium est partim intra, partim extra clausuram.

Quinam autem sint limites, intra quos clausura Monialium contineatur, quosque prætergrediendo clausuram violent, *Sanchez lib. 6. cap. 13. num. 6. ex Motu proprio Gregorij XIII.* colligit, clausuræ locum esse eum, qui ianua clausa continetur, ad quem in sæcularibus non patet accessus. Atque ita si locus eiusmodi sit, in quem sæculares admittuntur, est extra Monialium clausuram, illucque exeundo eam violent Moniales.

Qui hinc deducit, Moniales ascendentes supra tecti tegulas, si intra eam partem, quæ Monasterium respicit, atque ad ipsum pertinet, contineantur, minime violare clausuram; secus si eam prætergressæ ad alienam tecti partem transeant; quia cum prior pars ad Monasterium pertineat, est intra clausuram, secus de posteriori, quæ alterius domus pars est.

- 6 *Excommunicatio lata est in Moniales claufuram violantes, aut eis fauentes.*

I L L V S T R A T I O N E S.

Plus V. in Motu proprio, qui incipit *Decori*. Et sibi referuat absolutionem. Addit aliàs pœnas contra licentiam egrediendi sine legitima causa concedentes, comitantes, ac acceptantes. *Rodriquez quæst. Regul. Tom. 1. quæst. 49. art. 5.* docet insuper, Moniales sic egressas incurrere excommunicationem latam in *Trident. sess. 28. cap. 5. de Regular.* sed reuera nec in eo Decreto, nec in alio eiusdem *Trid.* reperitur talis excommunicatio, sed in solos ingredientes in Monialium claustra absque legitima licentia.

- 7 *Excommunicatione afficiuntur ingrediẽtes intra septa Monasterij, cuiuscumque generis, aut conditionis, sexus, vel ætatis fuerint.*

I L L V S T R A T I O N E S.

Conc. *Trid. sess. 25. de Regular. c. 5.* sed oritur dubium, Num in tali prohibitione comprehendantur pueri ante vsum rationis; ad quod negatiue respondet *Suarez Tom. 4. de Relig. lib. 1. cap. 10. num. 2.* nam pueris in illa ætate nihil potest esse illicitum; ex parte vero introducentium, vel admittẽtium ipsos potest magis dubitari. Sed de hoc genere cooperationis ad hunc ingressum etiam pro his personis, quibus est illicitus, nihil Concilium *Trid.* loquutum est; neque in *Moribus Pij V. & Greg. XIII.* aliquid circa has personas specialiter expresse inuenitur; præterquam in *Gregorij ibi, Neque Moniales sub eisdem pœnis illos aliter admittere præsumant.* Sed quid relatiuum illos referat inferius dicemus.

Barbosa de offic. & potestat. Episcop. Allegat. 102. numero 3. & Bonacina loco citat. quæstion. 4. punct. 1. numero 45. Excusat introducentes. Ratio, tum quia non videntur reæ maioris culpæ, quam

quam ipsi ingredientes Tum quia finem legis nō violant. Limitandam tamen censet hanc sententiam, nisi speciale præceptum in oppositum extet. Quando vero dubitatur, an infantes rationis vsum adepti sunt, præsumendi sint rationis vsum adepti, si ad septennium peruenerint; communiter enim rationis vsum in septennio contingit.

Comitolus tamen *lib. 6. Resp. Mor. quæst. 22.* vult, Monialem peccare mortaliter, & incurrere censurā, quæ intra rotam, & clausuram admittit infantulum lac fugentem duorum, vel trium annorum, & de hoc testatur vidisse litteras vnius Cardinalis missas cuidam Episcopo, consulto *Papa Clem. VII.* in quibus idem assererebatur. At hoc in Hispania non esse receptum affirmat *Porsel. loc. cit. V. Clausura Monialium nu. 25.* Dicit tamen hoc valde Monialibus prohibendum.

Subscribit huic sententiæ *Comitoli Scoreia in select. Sum. Pont. Theor. 356.* confirmans supradictam sententiam ex *Concil. Trid. loc. cit. ibi, cuius ætatis, & sexus;* addens id docere etiam rationem ipsam, tum quia occasione illius ætaturæ, vtriusque sexus religiosi multis obscenitatibus, & impudicijs peccare possent, & impurius, quam cum alijs grandioribus, cum nondum ætas illa vim repellere sciat, aut valeat; tum quia alias incertum remanebit, quo præcise tempore lex incipiat obligare; si enim concedis introductione infantis trimuli, aut quadrimi Moniales non peccare, ita alijs asseret neque intromissione pueri 10. aut 11. annorum incurrere peccatum, & censuras. Tum quia si huiusmodi quadrimus intromissus ibidem perseveret, vsque ad 10. aut 12. annum v. g. si supponimus introducentes Moniales initio non peccasse, neque contraxisse censuras, neque sequentibus annis contrahent, cum etiam ibi esse, aut retineri non sit ingredi, nec intromittere.

Monialis autem introducens amentem iam puberem grauius peccat sine vlla dubitatione, & licet par ratio videatur, & in introducendo puerum, & amentem, tamen dispar est; Ratio vero huius disparitatis hinc sumitur, quia introductione amentis puberis fit contra finem legis, & intentionem Ecclesiæ prohibentis,

cum sequi possit perturbatio Monialiū, verba iocosa, & turpia, aliaque signa impudica, quæ honestati, & decentiæ religionis maxime aduersantur.

Monialis extra suum Monasteriū existens potest ingredi Monasterium sui ordinis, & habitas. Hæc enim non censetur extranea, & consequenter liberum videtur Abbatisæ illam absq; alia Superioris licentia admittere. *Bonacina loc. cit.* qui aliter sensit de Moniali alterius ordinis, & habitus; licet *Llamas loc. cit. S. 1.* dicat, quod v.g. Abbatisa, quæ finito officio redit ad suum Monasterium, ubi quascumque beneuolas reperit sanctimoniales receptatrices, debet intra sui, vel alterius ordinis Monasterium hospitari. Subscribit huic sententiæ *Sanchez loc. cit.* dicens, quod cum hoc sit valde decens honestati Monialis egressæ, credendum est, mentem Pontificum ingressum interdicentium hanc fuisse.

Vtrum vero Reges, Regina, Imperatores, Imperatrices, & filij, & filia eorum in prohibitione ingressus in Monasteria Monialium comprehendantur, alij aiunt, alij negant. *Sanchez loc. cit.* negat. Ratio est, quia *Gregorius XIII. In Motu suo proprio, qui incipit, Vbi gratia*, postquam dixit, personas cuiuscumque conditionis ea prohibitione comprehendi, addit *id verum esse, licet illa persone Comitisse sint*. Quo loquendi modo satis clare significatur, ea prohibitionem non teneri personas status multo altioris.

Sed aduertendum est, personas cuiuscumque status, & conditionis sint, etiam si sint Comites, Marchiones, aut Duces, quæ ingredi audent Monialium Monasteria virtute quarumcumque facultatum à Romano Pontifice, vel Legato, aut alijs concessas, incurrere ipso facto excommunicationem Pontifici reservatam. Constat ex verbis *de Motu proprio Greg. XIII.*

In eodem *Motu proprio* omnibus Abbatissis, Abbatibus, Conuentibus, ac alijs Monasteriorum vtriusque sexus Superioribus, & personis, quocumque nomine vocentur, imponitur eadem excommunicationis pœna, & priuationis dignitatum, beneficiorū, & officiorum suorum, & inhabilitatis ad illa, & alia in posterum obtinenda, si in Monasteria sua ingredi faciant, vel permittant quemquam prætexu huiusmodi licentiarum, & facultatum.

Magna

Magna vero difficultas est ; Num omnes eiusdem Motus proprii *Greg. XIII.* poenas incurrant, qui non ingrediuntur Monasteria Monialium virtute facultatis alicuius, sed absque vlla prorsus licentia *Sanchez loc. cit. num. 77.* ait, nulli dubium esse, tales incurrere excommunicationem decretam in Tridentino, verum illa non est reseruata. An vero excommunicationem, & alias poenas in hoc Motu proprio solos ingredientes prætextu facultatum incurrant, & similiter, qui hos solos admittant; an potius, omnes eos, qui absque debita licentia ingrediuntur, duplicem esse circa hoc sententiam scribit *Sanchez*. Prior asserit, omnes illicite ingrediētes, & admittentes incurrere. Posterior ait, solos ingredientes, & admittentes prætextu dictarum facultatum.

Prior ait, *Pium V. qui in Motu, qui incipit, Regularium personarum*, quo excommunicarat feminas ingredientes Monasteria virorum, prætextu facultatum vsque tunc concessarum, dixisse, suam mentem fuisse excommunicare quoscumque illicite, & absque vlla facultate ingredientes; & ideo credendum esse, eandem fuisse mentem *Greg. XIII.* eo magis, cum ita seruetur in Poenitentiaria, & ita receptum sit in praxi per totam Italiam. Sunt etiam qui asserant, ita responsum esse à *Gregorio XIII. Consulto à Cardinali Borromeo Scotta* item idem probat, ex *Bulla Pauli V. que incipit, Facultatam*, in qua cum §. 1. declarasset, Licentias concessas mulieribus ingrediendi pluribus vicibus Monialium Monasteria, intelligendas respectu vniuersorum, & non Monasteriorum singulorum; ita vt cui v. g. conceditur, vt bis in anno ingredi ea possit, liceat tantum bis vniuersa, non autem eorum singula, aut aliqua intrare. §. 2. inobedientes plectit ipso facto poenis, & censuris inflictis à *Conc. Trid.* & *Constitutionibus Apostolicis* contra ingredientes septa Monialium absque licentia. *Idem Paulus V. alia Bulla, quæ incipit, Monialium status*, reuocat omnes facultates feminis concessas ingrediendi Monasteria Monialium, cum eis conuersandi, & refectiōem sumendi. Denique *S. D. N. Urbanus VIII. 27. Octobr. 1624. In suo Motu proprio incipit, Sacrosanctum Apostolatus ministerium*, similes edidit reuocationes.

Posterior sententia ait, solos ingredientes, & admittentes præ-

textu facultatum, comprehendi in his Motibus proprijs. Et hæc posterior sententia magis placet Sanchez, loquendo de *Motu proprio Greg. XIII.* quo penis afficit quascumque personas ingredientibus Monasteria Monialium, aut feminas in virorum Monasteria, & personas regulares, quæ sic ingredientibus admittunt; loquitur enim de solis ingredientibus virtute facultatum illis usque tunc concessarum, & de admittentibus sic ingredientibus. At loquendo de Motu proprio Pij V. quo solas feminas penis afficit, quæ ingrediuntur Monasteria virorum, aut ingredientibus admittunt, dicendum est, cum intelligi de feminis etiam non ingredientibus virtute illarum facultatum, & de admittentibus illas. Ratio diuersitatis est, quia Pius V. hanc esse suam mentem declarauit in quodam Motu proprio, qui incipit, *Romanum Pontificem*, quæ edidit anno 1570. die 16. Iulij. Sic Sanchez, qui respondet omnibus obiectionibus Doctorum prioris sententia.

Hanc sententiam sustinet Suarez Tom. 5. in 3. p. disput. 22. Sect. 6. num. 11. & seq. Barbosa item loc. cit. nu. 37. qui, cum antea Constitutiones Greg. XIII. & Sixti V. reuolueret, quibus reuocantur, & abolerentur omnes licentiæ ingrediendi Monasteria Monialium, atq; etiam virorum, etiam Comitissis, Marchionissis, & Ducissis concessæ, probabilius ducit, virtute Extrauag. & Constit. prædictarum non comprehendi, nec excommunicari nisi intantes ex præsumptione, & qui prætextu dictarum licentiarum ab Episcopis, vel Superioribus concessarum, sine sufficienti ratione, & causa, vel à Summis Pontificibus iam reuocatarum intrare præsumperint. Cui Doctori magna est adhibenda fides, cum modo Romæ ipse degat, & scribat, & eius doctissimæ lucubrationes ex Typographia Reuerendæ Cameræ Apostolicæ prodeant. Concludit tamen cū Zerola intrantes sine tali facultate censuram cōminatam à Concil. Trid. incurrere. Campan. quoque in suo *Diuers. Iuris Canonici Rubr.* 12. cap. 16. late supradictam sententiam tuetur, & recenset de Archiepiscopo Salernitano, qui sibi reseruauerat casum corruptorum Monialium. Et licet Congr. Card. Concil. Trid. interpretum non approbarit huiusmodi reservationem, cum in supradicto Motu Greg. XIII. contineretur. Tamen postea eadem

Congregatio annuit rationibus, & sententiæ ipsius Archiepiscopi, cum vidissent eam auctoritate, & iudicio multorum prudentissimorum virorum confirmaram.

Novissime *Diana in Miscellan. Tract. 2. Resolut. 32.* hanc probabiliorē esse iudicat. Ratio est, quia cum excommunicatio sit penalis, non est amplianda, sed potius restringenda, nec extendenda ad alium casum, etiam si ei sit similis, aut etiam maior ratio. Et cum hæc *Bulla* sit valde rigida, & contineat gravissimas pœnas, non est extendenda ad casum in illa minime comprehensum. Et respondet ad argumentum contrariæ sententiæ, de illis Pontificijs Responsionibus non constare authenticæ.

Ganantius item tenet absolutionem supradictam reservatam non esse Papæ in *Conc. Trid.* neq; in *Bulla Greg. XIII.* assentiendo his Doctoribus qui negant, eum reservasse simplicem ingressum sine licentia Summo Pontifici.

Asserit insuper *Sanchez loc. cit. num. 80.* nec incurtere has pœnas *Motus proprij Gregoriani* ingredientiētes, qui licet re vera habeant prædictas facultates, non tamen illis innitentes ingrediuntur, sed quasi illis prorsus carentes, nec qui sic ingredientiētes admittunt; quia hæ personæ non vere dicuntur ingredi virtute aliquius facultates. An vero admittentes ingressum in Monialium Cœnobia, non virtute prædictarum facultatum evadāt etiam excommunicationem latam in *Trid. sess. 25. de regular. c. 5.* ipse *Sanchez num. 81.* affirmat, quia in eo cap. soli ingredientiētes excommunicantur, admittentibus vero nulla pœna est statuta. Nec dicendum est, hos incurtere in excommunicationem, eo quod participant in crimine criminoso; quia ad hanc excommunicationem incurrendam oportet excommunicatos, cum quibus in crimine criminoso participant, esse publice de ea excommunicatione denunciatos, ut probat idem *Sanchez lib. 7. de matrimonio disp. 48. num. 3.* At hi ingredientiētes nondum denunciati sunt.

An vero Moniales admittentes aliquem intra septa Monasterij prætextu licentiarum, incurrant in excommunicationem d. *Bulla Gregorianæ*, *Diana* negat, & rationem affert; quia pœnæ appositæ in d. *Bulla* imponuntur Abbatissis, & Abbatibus, Conventibus,

ribus, & c. & ibi nulla de Monialibus efficitur mentio, & tamen in *d. Motu proprio* volens Sum. Pont. comprehendere sub penis quascumque Moniales admittentes illos, qui ingrediuntur Monasteria cum licentia Episcopi in casibus non necessarijs, totum hoc expressit dicens indefinite, *Moniales*. Ergo si idem voluisset supra, in alijs penis, hoc expressisset, sicut postea, ut diximus, expressit. Idem *Diana Resolut. seq.* probat etiam, Monialem admittentem aliquem intra septa Monasterij, etiam ad malum finem, nec excommunicationem latam in *Conc. Trid. loc. cit.* incurrere.

In alio *Motu Gregorij XIII. qui incipit Dubijs, qua emergunt*, statuitur in personas Pontificali dignitate præditas, quibus regimen Monasterij Monialium quouis modo incumbit, si in illa præterquam in casibus necessarijs ingrediantur, ut prima vice sint Ecclesiæ ingressu interdicti; secunda vice, ut sint à munere Pontificali, & à diuinis suspensi, atq; deinceps sint ipso facto excommunicati. Si autem sint regulares Prælati, quibus regimen Monasteriorum Monialium quouis modo incumbit, si in ea præterquam in casibus necessarijs ingrediantur, subiaceant similiter excommunicationi, ac sint priuati omni officio, ac ministerio.

Notandum denique est, alias esse excommunicationes antiquiores contra ingredientiæ peculiariora Monialium Monasteria, quas referant *Collector Privilegiarum Mendicantium Verbo Ingressus Monast. Mon. & Rodericus quest. Regular. Tom. 1. quest. 47. art. 1. & 2.* Nam *Greg. IX. & Eugenius IV.* Excommunicationem ipso facto incurrendam promulgarunt aduersus præsumentes ingredi Monasteria S. Claræ. & *Bonifacius IX.* aduersus præsumentes ingredi Monasteria ordinis Prædicatorum; & *Iulius 2.* aduersus ingredientiæ Monasteria Conceptionis.

Quis vero possit postea absolvere ab excommunicatione particulariter lata in *d. Motu proprio Greg. XIII.* manifestum est, à solo Pontifice eius absolutionem concedi posse, quia Pontifex cæ sibi reservat. Quod si occultæ esset excommunicato, posset utique Episcopus ab ea absolute virtute *Trid. sess. 24. de Reform. cap. 6.* ubi omnes casus occulti sibi conceduntur. Sic *Diana loc. cit. Resolut. 35.* Ratio est, quia cum in reservatione huius excommunicationis

cationis non efficiatur mentio de *Conc. Trid.* non censetur illi derogatum ex communi *Dofl.* sententia; quia decreta alicuius *Conc. Generalis* ita matura deliberatione sancita sunt, ut videatur continere vim clausulæ derogatoriæ ad alia decreta posteriora contraria, nisi de illis specificam faciant mentionem, ut docet *Hernandez*, & alij ab ipso *Diana* ibi citati.

Barbosa tamen in *Addis. ad Allegat. 39.* aduertit, quod à censuris incurtis, propter ingressum ad Monasteria Monialium, non potest Episcopus absolvere, etiam si delictum sit occultum, quia ita declarauit *Sacra Congreg.* teste *Ricc. in praxi Fori Eccles. Decis. 648 in 1. edit. & resolut. 544. num. 5. in 2. edit. Nicol. Garc. p. 11. cap. 10. num. 122. Armendar. lib. 7. de irregular. num. 23.*

Bonacina loc. cit. pun. 5. num. 1. scribit, posse Episcopum ab huiusmodi excommunicatione absolvere, dummodo non sit publica; quia ab excommunicationibus occultis potest Episcopus, uti diximus, vel habens ab ipso facultatem absolvere virtute *Concil. Trid. loc. cit.* etiam si præfata excommunicatio lata sit post ipsum *Trid.* decretum. Qui etiam asserit, Religiosos habentes priuilegium absoluenti à censuris Summo Pontifici reſeruatis, posse à prædicta excommunicatione absolvere, dummodo ingressus non fuerit ad malum finem; nam Decretum *Clem. VIII.* obſtat, per quod d. rogat omnibus priuilegijs, prohibetque quibuscumque confessarijs sæcularibus, & singularibus, ne vigore ipsorum priuilegiorum præsumant absolvere à prædicta excommunicatione, & ab alijs casibus in ipso Decreto contentis. Sed de hoc particulari inferius.

Addit insuper *Bonac. num. 3.* tales religiosos posse absolvere à censuris Papæ reſeruatis, etiam si ipsæ censuræ ad forum contentiosum deductæ sint; quia id non obest, ut ipse ait *num. 4.* potestati ordinariorum iudicum; quia cum religiosi non possint absolvere, nisi in foro conscientiæ, iudices integrum ius retinent in suo foro, perinde ac si delinquens absolutionem in foro conscientiæ non obſtinuiſſet.

Obijcere quis potest, Episcopus non potest in casibus Summo Pontifici reſeruatis absolvere, vel diſpenſare, dum crimen est publicum,

blicum, vel deductum in iudicium ex *Trid.* vti vidimus; igitur multo minus poterunt religiosi, quibus ex officio non competit cura animarum. Respondet *Bonac.* negando consequentiam, priuilegium enim pendet à voluntate concedentis, qui potest vni priuilegium amplum, & alteri restrictum, & limitatum concedere. In prefato autem Concilij Decreto, licet restrictior facultas in hac parte Episcopis concessa sit, simpliciter tamen maius priuilegium illis datum esse videtur; quia datum est illis priuilegium per modum Statuti, complectens non solum absolutionem censurarum fere omnium, verum etiam dispensationem irregularitatis.

Potest etiam Episcopus in pœnis priuationis officiorum, & inhabilitans ad illa dispensare, si delictum est occultum, quod non possunt facere ipsi religiosi; licet eadem facultas competat Superioribus ordinis S. Dominici, & consequenter Superioribus ordinum Mendicantium, & gaudentium ipsorum priuilegijs. Sic *Pium V.* concessisse prædictis Superioribus, videlicet Generalibus, Prouincialibus, alijsque Superioribus localibus, vt per se ipsos, non tamen per alios, gaudeant eodem priuilegio erga suos subditos in foro conscientiae, quo gaudent Episcopi erga suos virtute *Concilij Trident.* dict. sess. 24. cap. 6. Sic *Bonac.* è *Rodriguez numer. 5.*

- 8 *Episcopus in Monasterijs sibi subditis potest auctoritate ordinaria facultatem ingrediendi concedere, auctoritate vero delegata in Monasterijs Summo Pontifici subiectis.*

ILLUSTRATIONES.

NAm facultatem ingrediendi Monasteria Monialium potest dare Superior, qui Monasterio præest, & cuius est clausuræ Monialium indicere. Et in *Cont. Trid. d. sess. 25. de Regular* sic habetur, *dare autem tantum Episcopus, vel Superior licentiam debet in casibus necessarijs.* Idem dic de Vicario Generali Episcopi, dummodo habeat ad hoc speciale mandatum, vt declarauit Congregatio

gatio Card. Comprehenditur etiam nomine Episcopi Capitulū Sede vacante, quia succedit in ordinaria iurisdictione Episcopali, & respectu talium Monasteriorum subiectorum posset etiam comprehendere nomine Superioris. Idemque à fortiori est de Episcopo electo, & confirmato, nondum vero consecrato; quia hic actus iurisdictionis Episcopalis est, quam ille iam potest exercere, *cap. transmissam, de elect.* Denique utroque nomine comprehenduntur sæculares Abbates, vel similes inferiores Prælati habentes iurisdictionem Episcopalem, si habent aliqua Monasteria Monialium sibi immediate subiecta, ut per se satis patet, *Suarez Tom. 4. de Relig. lib. 1. cap. 10. num. 11.*

Qui *num. seq.* addit, verum esse, Prælatum regularem posse hanc facultatē dare in Monasterijs sibi immediate subiectis. Nā differētia est inter facultatē ingrediendi, & egrediendi; nam ad egressum causa semper est ab Episcopo approbanda, etiam in Monasterijs exemptis, & supposita facultate Prælati, ut probatū est; ad ingressum autem nulla est necessaria approbatio Episcopi, quia *Concilium* illam nō postulavit, nec *Pius V. nec Greg. XIII.* aut alius Pontifex, nec in *responsis Congregationis Cardinalium* vlla est de hoc mentio. Grauior igitur facultas egrediendi, quam ingrediendi reputata est, & ideo differentia illa constituta videtur. Moniales in ciuitate situatæ, sed alieno Episcopo subiectæ, visitantur ab Episcopo Diocesis, sicut aliæ Moniales subiectæ Regularibus, sic refert decisum *Galet. verbo Monialis 4.* Sed practicitur diuersimode in Patriarchali nostra Diocesi. Ad decisionem autem respondendum est, de ea authentice non constare, ac ideo non obligare.

Apponam hic Decretum *S. D. N. Urbani VIII.* quod tangit, immo resoluit quidquid spectat ad Decisiones, & Declarationes huiusmodi.

Cum Sacra Congregatio Cardinalium Concilij Tridentini Interpretum sapius, & nouissime sub *die 29. Aprilis 1621.* Inhærendo Constitutionis Felic. record. *Pj IV.* quæ incipit, *Benedictus Deus &c.* decreuerit Indici librorum prohibitorum addendas esse omnes, & quascumque Declarationes, Inter-

pretationes, seu Decisiones sub nomine eiusdem *Congregationis Concilij* absq; illius auctoritate impressas, & imprimendas; cumque ad illius notitiam peruenerit, quāplures ex declarationibus, interpretationibus, seu decisionibus iuxta contingentiam casuū, illorumq; qualitates, & circumstantias à se diuersis temporibus, factis secundum ea, quæ proponebantur, fuisse alteratas, immutatas, diminutas, ac forsan alias mentito Sacræ Congregationis nomine confictas, nulloq; propterea authentico sigillo munitas, istasq; per Tribunalia tam in vrbe, quam per orbem circumferri, & imprimi, consideransque quantum detrimentū recipi possit, si aliqua fides illis adhiberetur. Ex speciali Sanctissimi *Domini Nostri Urbani Diuina Pronidentia Papa Octani*, iussu mandat, & præcipit huiusmodi declarationibus, tam impressis, & imprimendis, quam manuscriptis nullam fidem esse in iudicio, vel extra à quouam adhibendam, sed tantum illis, quæ in authentica forma solito sigillo, & subscriptione Eminentissimi Cardinalis Præfetti, ac Secretarij eiusdem Congregationis pro tempore existentium munitæ fuerint. In quorum fidem hæc propria manu subscripsimus, & sigilli nostri impressione communiri, ac typis mādari iussimus. *Datum Romæ die 2 Augusti 1631. R. Card. Vbaldinus.*

Abbatissa autem non potest facultatem ingrediendi Monasterium concedere. Hoc tamen intelligendum est, ut ait *Bonac. num. 5.* nisi Episcopus, aliusue legitimus Superior hanc facultatem ipsi Abbatissæ delegauerit; cum enim Moniales aliorū opera sapissime indigeant, nec facilis ad Episcopum aditus pateat, iure merito Episcopus, aliusue legitimus Monialium Superior potest hanc facultatem Abbatissæ, vel Confessario delegare in casibus sæpe contingentibus, si ita expedire iudicauerit. *Sic Bonac. num. 5. contra Sanchez.*

Qui etiam *nu. seq.* ait, præfatam conclusionem esse limitandam primo in ingressu Monasteriorum S. Claræ, & Conceptionis. Ratio est, quia ad ingressum in istarum Monasteria non sufficit licentia Episcopi, vel Superioris, sed requiritur licentia Papæ, præter casus in regula istarum Monialium exceptos. Deinde in Fratribus minoribus, Ratio est, quia huiusmodi Fratribus interdictū est

est Monasteria quarumcumque Monialium ingredi absq; speciali Summi Pontificis licentia, vt patet ex Regulis ipsorum fratrum.

Ab hac tamen secunda limitatione excipiuntur, sequitur *Bonac. num. 7.* Fratres minores rogati à Prælatiſ curam Monialium habentibus, vt sibi opem in eo ministerio ferant, vt patet ex priuilegijs Leonis X. Nec est reuocatũ hoc priuilegium per *Gregorium XIII.* quia in sua Constitutione reuocat priuilegia personalia, non realia. Priuilegium autem Leonis concessum Religioni Fratrum minorum nõ est personale, sed reale; Quia priuilegium, quod cõceditur personę fictæ, seu mysticę, vt est Ciuitas, Religio, Collegium, Monasteriorum, Cõuentus, & similia, est priuilegium reale, quia perpetuum est.

9 Superior, qui facultatem ingrediendi Monasteria potest alijs concedere, potest etiam ipse absque alterius licentia ingredi.

ILLUSTRATIONES.

Modo id faciat in casibus necessarijs, & non ingrediatur, nisi paucis, ijsque senioribus, ac religiosis personis committatur. Ratio, quia sic expresse decernitur in quodam *Motu Greg. XIII. qui incipit, In dubijs, quæ emergunt;* Vbi dicitur, hanc facultatem ipsi ex officio attributum esse. Id etiam licet illi, qui delegatam huius licentię potestatem habet, non limitatam tamen ad certas personas, seu ad certum personarum genus, intra quas ipse comprehendere nequeat; vt si facultas ei data sit, ad dandam licentiam rusticis hominibus, vinum vel triticum deferentibus, aut confessarijs ordinarijs, ipse autem non sit confessarius, aut triticum non deferat, causa enim limitata limitatum producit effectum, & facultas suos terminos non excedit.

10 Licentia ingrediendi claustra Monialium debet esse specialis, & in scriptis.

ILLUSTRATIONES.

Quod debeat esse specialis, constat *ex c. in princip. de Statu regular. in 6. ibi. nisi specialis licentia. Sanchez lib. 6. cap. 16. num. 2.* qui vna cum Archidiacono, & alijs bene explicat, id est specialiter obtenta; nec enim necessarium est in licentia specialem alicuius personæ mentionem fieri, sed satis est generalis licentia à superiore concessa, vt Medici, aut fabri, & similes ingrediantur; quippe hæc specialis dicitur, quia specialiter ad ingressum conceditur, & si non specialis quoad personam singularem in ea nominatam.

Quod autem debeat esse in scriptis, patet ex *Trid. sess. 25. cap. 5. ibi, sine Episcopi, aut superioris licentia in scriptis obtenta, nisi periculum sit in mora.* Sic *Bonac. punct. 2. num. 2.* Qui etiam hoc verum esse arbitratur, non solum in casibus extraordinarijs, verum etiam in ordinarijs, qualis est ingressus medicorum, chirurgorum, & similibus.

Llamas tamen in *Append sui Methodi §. 6.* asserit, non exigi licentiam specialem, nec in scriptis, quando causa est clara. Idem sentit *Portel loc. cit. V. Clausura Monialium num. 3.* inquit, pro talibus, id est pro personis supradictis, non requiri licentiam scriptam, sed standum esse consuetudini regulatæ. *Miranda*, quoque eandem sententiam tuetur, & pro hac citat etiam *Nauar.* qui inquit, quod in casibus extraordinarijs non requiritur superiorum licentia, nec scripta, nec non scripta, vt in simili tenet *D. Th.* communiter receptus 2. 2. *quest. 147. art. 5.* dicēs, non requiri dispensationem superioris, cum causa non ieiunandi est manifesta, & non potest facile adiri superior, præsertim si consuetudo illud habet. Quod huic nostro casui aptari posse inquit *Miranda*, nisi forsan dicatur, quod in eiusmodi casibus Superiores Abbatissis, vel ipsarum confessarijs debet dare eiusmodi facultates generales scriptas, vt illis occurrentibus, ipsæ etiam ingrediendi licentiam possint dare.

Sanchez tamen *loc. cit. num. 38.* credit, licentiam datam, non ad ingres-

ingressum, sed ad concedendam ingrediendi facultatem, non debere necessario esse in scriptis, quia non est vere licentia ingrediendi, quam solam in scriptis petit *Tridentinum*. At hoc sic limitat ipse *Sanchez*, quando sc. ea facultas esset in scriptis concedenda; vt si Prælati diceret sic, Concedo ingrediendi licentiam his personis, quas Abbatisa, aut quidam tertius arbitratus fuerit esse necessarias ad tale ministerium; quia ea est vera ingressus licentia. Id tamen arbitrium nullo iure scripturam peteret, quippe quod non est ingressus licentia. Est tamen verum, licentiam, quam ipsa Abbatisa concedit, indigere scriptura, quia hæc est licentia ingrediendi. *Bona. num. 4.*

Qui approbandam censet praxim, & vsum alicubi receptum, vt in hac nostra Diœcesi Veneta, quo Episcopus, vel eius Vicarius facultatem quamdam generalem, quoad personas, sed specialem, quoad ingressum in scriptis concedit quibusdam operarijs, quorum opera indigere solent Moniales circa Monasterij vsum, vt cementarijs, fabris, lignarijs, & similibus, seu Petro cementario cum sua societate, seu illis, quos elegerit Abbatisa, seu Medicis, Chirurgis, & c. hoc enim non est priuilegium concedendæ licentiæ, sed est concessio licentiæ, seu licentia ipsa ingrediendi, quam in scriptis concedendam esse requirit *Tridentinum*.

Homobonus de casibus reservatis p. 2. cap. 5. sect. 1. postquam probauit, licentiam pro illis, qui Monasteria Monialium adeunt, in foro animæ sufficere, vt verbotenus concessa sit, licet quoad fori externum, vt deprehensus in collocutorio temporalem poenam euitet, vt scripto tradita sit requiri; subiungit, idem dicendum esse de facultate data ad ingrediendum septa Monasterij, vt scilicet, & si per *Decretum Concil. Trid.* in scriptis obtenta requiratur, illud quoad forum exterius intelligatur; nam in interiori animi foro, in quo sola veritas attenditur, sufficit, vt consensus iure naturali requisitus interueniat per celebre *Innoc. in c. quod sicut num. 8. de elect.* & singulare esse dicit *Abb. in c. quia plerique in fine quest. 9. ext. de immunit. Eccles. & Felyus in cap. 1. num. 39. ext. de Constit.*

Idem eruditissimus vir nouissime à me consultus super supradictam

dictam difficultatem, mihi per litteras respondit, doctrinam suā, quod scilicet in foro conscientię sufficiat, licentiam ingrediendi Monasteria Monialium verbotenus dari, & quod ad theoreticam, & quod ad praxim ubique teneri, dicens insuper quod Reuerendissimus Dominus Suffraganeus Bononicnsis, in Ecclesiastico regimine versatissimus, vnā cum multis alijs doctissimis viris, maxime demirantur inueniri, qui contrariam tueantur sententiam.

Portet item loc. cit. verbo Clausura Monialium num. 13. licentiam in scriptis, vt quis licite ingrediatur clausuram Monialium, tunc requiri, quando quis debet in casu particulari ingredi non vero vi ordinarijs, qualis sunt circa Medicum, Chirurgum, portantes ligna, onera, cementarios. Et similiter operarios; pro his enim non requiritur licentia scripta, sed standum est consuetudini regulatę, vt i supra dictum est.

II *Facultas ingrediendi Monasteria Monialium concedi non debet, nisi ob causam necessitatis Monasterijs, seu Monialium manifestam, cui aliter commode occurrere non possit.*

ILLUSTRATIONES.

Ratio desumitur tum ex *Motu Greg. XIII.* tum ex *Trid.* tum ex *cap. periculoso*; Tum quia frustra clausurę obligatio inducta fuisset, si quauis de causa facultas ingrediendi concedi posset. Sic *Bonacina punct. 4. num. 1.* Qui etiam ex hoc infert, causam, quę rationabilis censetur in præfato cap. periculoso, ad casum necessitatis reuocari in *Trid.* & in *Constit. Gregoryj*. Quamobrem non quęcumq; causa, quę rationabilis Superiori alias forte visa fuisset, hoc tempore sufficit, sed opus est, vt necessitas subsit, cui Moniales per se ipsas sine extraneorum ingressu commode occurrere nequeant.

Causa autem dandi huiusmodi licentiam debet esse moraliter necessaria; non vero requiritur necessitas Logica, vel Metaphysica; & minor necessitas requiritur, vt intrent mulieres, quam vt intrent viri. Et proinde hæc necessitas regulanda est arbitrio prudentis.

dentis, & timorati Prælati. Debet etiam hæc causa esse manifesta, quæ talis dicitur, non solum dum à toto populo scitur, verum etiam dum soli Prælato licentiam concessuro nota est.

- 12 *Habet 1. iustam causam ingressus confessarius, quando locus, ubi infirma iacet, non est prope fenestellam, per quam absque ingressu confessio commode excipi potest.*

ILLUSTRATIONES.

Ita Sanchez *loc. cit. num. 44.* Dicitur commode, quia quandoque Monialis ita surda est, aut gravitate morbi pressa, ut oporteat proprius, quam per fenestellam confessarium accedere. Eandemque iustam causam habent ministraturi Sacramenta Eucharistiæ, & extremæ unctionis infirmis, sacerdosque celebraturus.

Quoties vero confessarius, aut ministraturus Eucharistiam ingredi possit, respondet idem Sanchez *num. seq.* non solum id fas esse, quando morbi periculum ad confessionem obligat, sed etiã ipso morbi initio. Immo id licitum est, quoties ex Regulæ suæ præcepto, aut ex laudabili Monasterij usu solent Moniales confiteri, Eucharistiam quæ recipere; ac tandem, quoties infirma dixerit, se Sacramento Pœnitentiæ indigere. Nec stricte hæc indigentia sumenda est; sed quando ad veram, & propriam consolationem confiteri desiderat, quia iustum est tristitiam infirmæ tam salutari medicina leuare.

Quæri potest, num sacerdos in præfatis casibus possit cum socio ingredi, quoties ad hæc facienda ministerij socij indiget, affirmat cum Sanchez Bonac. *loc. cit. num. 4.* maxime si confessarius, aut alius sacerdos celebraturus est in sacello valetudinarij, ut Moniales, quæ pristinam sanitatem nondum acquisierunt, & valetudinario sine incommodo egredi non possunt, Missæ sacrum audiant. Idem asserit Barbosa *loc. cit. num. 49.* attestans ex Rodriguez, & Mirands, nullibi reperiri prohibitum, ne celebretur, aut sacrum fiat in infirmaria, in oratorio, siue altari, ut moris est, approbato, & ad hoc debite disposito, & præordinato.

Sanchez

Sanchez insuper *loc.cit.num.46.* addit, sacerdotem religiosum semper posse, dum Monasterium ingreditur, cum vno socio ingredi; quia consuetudo, & decencia postulat, vt religiosi numquā soli incedant. Idem innuit *Miranda quæst.2.de Monialibus art.17. & alij.* Sed hoc *Bonacina* non probatur, quia nulla necessitas cogit socium ingredi, vt supponitur; nec dedit confessorium claustra Monasterij ingredi, socio ad ianuam remanente; sicut non dedit religiosum in vno cubiculo negotium cum Principe agere, socio illum ad Palatij ianuam expectante, nisi aliud circumstantiæ aliquæ suadeant.

Approbat tamen ipsi *Bonacina* quod idem *Sanchez numer.47.* subdit, nempe in his casibus, in quibus sacerdos cum socio, cuius opera indiget, ingredi potest, necessariam non esse peculiarem pro socio licentiam, sed sufficere licentiam ipsi sacerdoti explicitè concessam, quia hæc etiam ad socium extenditur. Ratio est, tum quia socius in huiusmodi casu in priuilegio comprehenditur ob actionis connexionem; alioquin priuilegium inutile redderetur. Tum quia sic colligitur ex cap. licet de priuileg. in 6. vbi decernitur, priuilegium alicui concessum ad audienda diuina tempore interdicti extendi etiam ad familiam, quæ priuilegiarium comitatur.

- 13 *Habent 2. iustam causam ingressus Medicus, Chirurgus, alijque ad medendum morbo necessarij. Et similiter fabri, & ministri necessarij alicui edificio Monasterij, & alij huiusmodi.*

ILLUSTRATIONES.

ADde cum *Bonacina num.5.* idem probabiliter dici posse; dum Monialis de sua dubitans valetudine, medicum ad lectum accersiri iubet, vt ictum pulsus experiat; licet ipsa sine magno salutis detrimento ad ianuam accedere potuisset, sed medicum ad ianuam vocare noluit ob magnam erubescenciam.

Baiuli iustam ingressus causam habent, dum aliquod onus in Monasteria transferendum est, quod à Monialibus commode portari

tari nequit. Sed hoc limitandum videtur, modo ipsi sint vere baiuli, & aliquid portent in vtilitatem Monasterij; ingressus enim in Monasterium permissus tantummodo videtur ob vtilitatem Monasterij, seu necessitatem, nisi ius naturæ, vel diuinum aliud suadeat. *Bonacina num. 8.*

Vnde infert ipse, non videri licitum baiulo Monasterium ingredi, vt alicuius pecuniam arca impositam, aut alias res magni pōderis in Monasterio deponat; hic enim de Monasterij vtilitate non agitur, vt supponitur; nisi forte res illæ sint alicuius de Monasterio optime meriti, cui hoc absque graui Monasterij incommodo denegari non possit; aut nisi charitas obliget ad huiusmodi depositum causa securitatis recipiendum; qua in re prudentis, superioris iudicio standum est.

Libet hic recēdere aliqua ad clausuram spectantia ex *Barco in suo Speculo religioso pro Monialibus cap. 18.* Et primo, habens licentiam pro vno seruitio ingrediendi, si ingrediatur pro alio præstando, incidit in excommunicationem. 2. quando in licentia cōceditur facultas ingrediendi, e.g. fabro lignario, operarius non potest ingredi sine ipso fabro lignario, aliter excommunicatione innodatur. 3. si baiuli loco famulus, aut alius, qui non sit baiulus, portat aliquid in Monasterium, ingrediēdo remanet excommunicatus. 4. famulus Monasterij ordinarius, aut hortulanus ingrediens sine causa indifferenter in Monasterium in excommunicationem incidit. Tandem hoc sit pro vnica regulā, quod vt ingressus sit licitus hæ tres requiruntur conditiones, nempe, vt nec per Moniales; nec absque ingressu conuolue ministeria, pro quibus ingressus conceditur, exerceri valeant, sintque insuper ipsa necessaria.

Qui licentiam ingrediendi Monialium cænobia obtinuit, ex causa, quæ suberat tempore cōcessionis licentiæ, sed tempore ingressus cessauit, non est tutus in conscientia, sicut etiam qui licentiam obtinuit, ex causa, quam falso narrauit Superiori, non potest licite ingredi, licet tēpore ingressus iusta causa superueniat. *Bonacina num 19. 20.* qui etiam negat, licitum esse ingressum, si Superior conscius erat nullitatis causæ, & nihilominus licentiam

concedere voluit. Limitat tamen, dummodo huiusmodi licentia non fuerit obtenta bona fide, quia Superioris est causam concedendæ licentiæ examinare, & approbare.

Ingressus cum iusta causa Monialium Monasterium, si finito ministerio, cuius causa ingressus est, statim non egreditur, nihilominus non peccat. Ratio, quia cum hoc sit præceptum morale, consequenter morali modo, & non metaphysico explicandū est. Quamquam fieri potest, ut grauius peccet, ut animaduertit *Bonacina num. 22.* ratione alterius circumstantiæ, ut si breuem aliquam moram ibi trahat animo percutiendi Monialem, aut furandi, aut turpe aliquid faciendi.

Immo probabilissimum tenet idem *Bonacina*, affici excommunicatione Papæ reservata, si ad malum finem in Monasterio Monialium immoretur. Ratio est, quia hic dicitur violare clausuram ad malum finem, ut supponitur; violans autem clausuram ad malum finem, afficitur excommunicatione Papæ reservata, à qua neque Religiosi, aut alij habentes facultatem absoluedi à censuris Summo Pontifici reservatis, absolvere possunt ex *Decreto Sacre Congreg. iussu Clem. VIII. edito anno 1602. 26. Novembris.*

- 14 *Superiori ex causa licitus est, cum decenti comitatu in Monasterium Monialium ingressus.*

ILLUSTRATIONES.

Multæ sunt causæ, quæ reddunt huiusmodi ingressum superioribus licitum. Causa visitandi officinas conuentus, ædificium construendum, aut minans ruinas. Causa tractandi occultas res Cōuentus in Capitulo conuētuāli; quia in huiusmodi rebus tractandis nullus est capitulo conuētuāli aptior locus. Causa electionis Abbatissæ, sed tantum quoties magna subordinationis suspicio est; seu quoties electio canonice fieri non potest, nisi ipse in Monasterium ingrediatur. Ita communiter *Doctores.*

15 *Ingressus tantum, non autem accessus ad Monasteria Monialium prohibitus est.*

ILLUSTRATIONES.

ET hæc conclusio difficultatem non habet, spectato solo Concilio, ut ait *Suarez Tom. 4. de Relig. lib. 1. cap. 10. num. 24.* nam in eo nulla fit mentio accessus, sed solum ingressus. Et ita certum censendum est, omnia, quæ disponit, ad solum ingressum pertinere, nec per alium actum violaris prohibitionem eius, aut incurri censuram.

Sed dubium oriri potest ex *Decreto Bonifacij VIII.* quia hæc duo distinguit, dicens, Nullique in honestæ personæ, nec etiam honestæ ingressus, vel accessus pateat ad easdem. Et eodem modo loquuntur nonnulla antiqua decreta, sed ipse *Suarez* tenet, legem illam *Bonifacij*, sicut non fuit recepta, quo ad ingressum, ita etiam neque quo ad accessum, & ideo non obligare ad mortale.

Ex circumstantijs vero varijs poterit esse mortale, ex prava scilicet intentione, ex materia locutionis, ex scandalo, vel respectu monialis, si ei occasio peccandi detur; vel respectu sui ipsius, si quis sciat se inde constitui in periculo peccandi; vel respectu aliorum, si inde rumor, vel mala suspicio oriatur.

Denique, ut ait *Suarez num. 27.* dicendum est, omnem accessum furtivum ad Moniales esse peccaminosum. Vocat autem furtivum omnem illum, qui fit sine licentia Abbatisæ, vel eius, ad quem pertinet illam dare; & regulariter censet esse peccatum mortale, etiam si ad mortalem finem non ordinetur, quia est contra ius Monasterij, & Abbatisæ, & contra bonum nomen eius; nam inter sæculares furtive accedere ad colloquendum cum Virgine existente sub cura parentum, ex suo genere est gravis iniuria; multo ergo magis in Virgine Sacra. Erit autem gravior hæc culpa, si accessus sit ad loquendum per loca inusitata, quia tanto est maior iniuria, & periculum scandali. Sed de accessu hoc, & præcipue Regularium late in Collectaneis egimus.

Addam nonnulla ex *Gauanto in suo Manuali Episcoporum* nempe, Ediētum Episcopi contra colloquentes cum Monialibus sub pœna excommunicationis comprehendere etiam eos, qui adēūt Monasteria Monialium, non subiecta Episcopo, existentia in sua Diœcesi, si fiat mentio etiam de exemptis. Non permitti accessum ad Moniales sub prætextu docendi sonum cymbalorum, aut alterius instrumenti, aut musicam, cantumvè, ad crates. *Congreg. Epif. 13. Septemb. 1583.* Præfectam a seruare debere omnes licentias, quas quisque feret alloquendi Moniales; Episcopoque clausuram visitanti, & quoties voluerit, eas exhibere.

Portæ duæ tantum concedantur, & vnaquæque duabus clauibus claudatur, altera apud Præfectum, altera apud antiquiorem professione. In collocutorio nullo modo sit porta, per quam aditus sit in Monasterium. *Congreg. 12. Octobr. 1592.* Ne detur ostium, per quod ex Monasterio sit aditus ad exteriorem Ecclesiam. *Greg. XIII. 1573.*

Confessarius ingredi non potest clausuram, prætextu sepeliendæ Monialis, aut officium funerale peragendi. *Congreg. Epif. 4. Septemb. 1595.*

Ad ministrata extrema vnctione, relinquantur alia Monialibus ad bene moriēdum, & exeat confessarius. *Congreg. Ep. 13. Septemb. 1583.* Sed hæc duō non sunt in vsu in nostra Diœcesi Veneta, nam semper licuit confessariis clausuram ingredi ad spirituales opem Monialibus agonizantibus præstandam, nec non claudam defunctis Ecclesiasticam sepulturam.

De Electione Abbatissæ. Cap. VII.

- 1 Electio Abbatissarum, vel Priorissarum Monialium claustralium debet fieri per vota secreta.

ILLUSTRATIONES.

Concil. Trid. sess. 23. cap. 6. de Regularibus. Per vota secreta, ita vt singularum eligentium nomina numquam publicentur.
Electio-

Electiōnem item factum per vota nō secreta per ignorantia *Decreti Conc. Trid. d. c. 6.* non valere, nec Episcopum posse dispensare, vt valeat, refert *ex Riccio, & Sigismundo à Bonon. Barbosa in Addit. ad Alleg. 100.* Et aduertendum est cum eodem Sigismundo, Decretum de non manifestandis suffragijs ligare etiam ignorantes quo ad nullitatem actus, non autem quo ad alias pœnas.

Hinc *Sacra Congregatio* sic censuit, Electio Abbatisse facta per vota non secreta per ignorantiam huius Decreti non valet regulariter, ac de more. *S. D. N.* tamen dispensat consideratis circumstantijs, quia ex quo electio est nulla à principio, illa non potest conualidari per superuenientem dispensationem Episcopi.

Eligi igitur debet Abbatisa per vota secreta, ita vt singulorum eligentium nomina numquam publicentur. *Ita Trid.* Et postea addit verba irritantia electiōnem aliter factam. Quod adeo verum est, vt *Congregatio Cardinalium* declarauerit, vt testatur *Suarez 4. Tom. de Relig. lib. 2. cap. 5. num. 11.* Quod si per electiōnem factam in Bullis Confirmationis, seu patentibus exprimerentur nomina eligentium, electio sit nulla; quia adhuc videtur electio non esse plene consummata, & ideo totum illud secretum censetur esse de substantia electiōnis.

Quoad futurum postea spectat, vt nomina se. eligentium numquam cum effectu publicentur, seu manifestentur, cū hoc sit quid contingens, & pendens ex facto, & arbitrio hominum, non potest pertinere in se ad substantiam electiōnis, sed ad summū in obligatione; alias penderet electio ex futuro euentu, quod esse non potest. Sic *Suarez loc. cit.* Concludens respectu futuri sufficere actus obligationem, quam rigorosam esse existimat, & sub graui culpa, quia materia magni momenti est.

Vt numquam possit nomina publicari, optime fiet, si suffragiū non voce proferatur, sed scriptura aliquantulum immutata, vt non agnoscatur, & ita à nemine sciatur, atque adeo à nemine publicari possit. Et ita iuxta hanc intelligentiam plane excluditur per illa verba modus proferendi suffragium per vocem. Esse tamen nimis rigorosam, & coactam expositionem contra proprietatem verbi, præsertim in morali vsu, asserit ipse *Suarez.*

Qui

• Qui num. seq. dicit, se existimare non tantum cadere in scrutatores, qui vota recipiunt, sed etiam in ipsosmet ferentes suffragiū ipsius suffragij decretum, quia Concilium districte precipit, omnes supradictas eligi debere per vota secreta, ita vt singulorum eligentium nomina nunquam publicētur; hoc igitur districtum præceptum non limitatur ad has, vel illas personas, sed indefinite ponitur; ergo comprehendit omnes, per quos possit talis publicatio fieri, ergo comprehendit ipsos eligentes, & quemlibet eorum. Vt enim hoc præceptum grauiter frangatur, non est necesse, vt multa suffragia, aut multis personis reuelentur, sed fatis est, vt quilibet eligētium cuiusque personæ manifestetur, quia iam rumpitur secretum. Quod adeo verum est, vt sufficiat talis manifestatio vnus suffragij facta vni persone extra formam præscripti, ad annullandam electionem, si in ipsamet electione fiat, vt à *Congreg. Card.* declaratum est.

Barbosa tamen *loc. cit.* asserit, puram, & simplicem ostensionem schedulæ secreto factam ab aliquo ex electoribus ad effectum, vt videat quem ipse eligat, non tollere quin electio subsequens immediate sit secreta. Sic ex *Nauar. Emaan. & Castellin.* ipse *Barbosa*, obseruans cum iisdem, eo casu electionem esse irritam, & nullam, quando electorum vota culpa, & dolo totius, vel maioris partis Monasterij, seu Capituli publicarentur; vel quando manifestatio vnus, vel plurium votorum est realis causa, vel præsumptiua rationabiliter, quod electio sequatur in hanc, vel illam personam particularem ex vi illius ostensionis.

Garzia par. 5. de beneficijs cap. 4. num. 195. Post nonnullas adductas declarationes *Conc. Trid.* inquit, Vnde si quis de facto attentaret dare votum publice, seu palam, non debet permitti à Capitulo, sed quod secreto præstet suum votum, alias electio esset nulla; immo tamquam indignus posset talis excludi, ne votum in electione emittat, & hoc auctoritate Ordinarij, pro illa vice tantū.

Castellinus loc. cit. cap. 5. num. 27. Scribit, quod Superiores non debent tolerare, vt vocales omnes, vel maior pars illorum, ante electionem, suam declarent mentem, maxime in scriptis, significando palam litteris aliquando directis etiam Superioribus, quem

quem velint eligere ; vti aliquando accidit, quando ad alicuius suggestionem id scribunt superioribus, siue alijs, resolute dicendo velle se eligere hunc, vel illum nominatim.

Idem *Cassellinus cap. 4. nu. 62.* affirmat, electionem factam per scrutinium, in qua non comburuntur schedulæ omnes post numerationem votorum coram Capitulo, esse irritam *ex Declaratione vine vocis oraculi facti à Pio V. Cardinali Gribello.* Idem etiam *num. 61.* asserit, electionem, in qua vnus eligentium data opera signauit aliquo patèti signo suam schedulam, vt innotescat scrutatoribus, vel vni ex illis, quod talis elector elegit illum nominatum in schedula, facere non secretam contra dictam formam *Tridentini.*

Zerola in Praxi episc. p. 1. Verbo Abbatis §. 6. refert casum, quod sc. decusum fuit Romæ in electione Prouincialis Carmelitanorū Prouinciæ Terræ Caboris Regni Neapolis, qui fuit electus vnanimi consensu vnica voce, omnibus fratribus acclamantibus, eligimus talem ; tamen quia non fuit electus per vota secreta, fuit declarata irrita electio, & loco illius fuit alter electus. Ratio est, quia forma est essentialis, data à Sacro Concilio, quam non licet alterare.

Barbosa loc. cit. aduertit, quod licet omnes electiones regulariū debeant fieri per vota secreta, non tamen cēsetur sublata forma *c. quia propter de elect.* sed adhuc in suo robore perseuerat, citat *Decis. Rota, & multos Doct. contra Mirandam.*

Si numerus eligentium est adeo paruus, vt ex necessitate detegantur eligentes, si hæc permittunt Statuta religionis, Concilium etiam tolerat. *Messanen.*

Si in fundatione Monasterij fundator mādēt, vt Abbatisa pro tempore eligatur de sua familia, talis ordinatio est seruanda, si ex genere ipsius reperiatur Monialis idonea cum omnibus qualitatibus requisitis, & necessarijs. *Pacen.*

Si in electione Abbatissarum assumantur ultra ordinarium superiorem duo, vel tres, qui vota Monialium recipiant ore tenus, secreto tamē expressa, electio censetur secreta, dummodo hoc sit iuxta formam Statutorum suæ religionis. Sed si assumantur aliqui,

qui publicent electionem, antequam sit completa, tunc censetur contra formam Concilij Tridentini. *Lauorius Variarum lucubrationum Tom. 1. Tit. 4. cap. 24. numer. 41. Ex Declaratione Sacrae Congreg.* Sic decernentis, In electione Abbatissarum vota ore tenus accipi possunt à suis Superioribus, licet quattuor, vel quinque id sciant; si hoc est iuxta formam statutorum Religionis; quæ intelligenda sunt, dummodo non publicentur vota eligentium.

Hinc videtur posse colligi, hodie collationem zeli ad zelum eligentium sublatam esse per *Concilium Trid. sess. 25. cap. 6. de Regular.* Quoad electionem non solum Abbatissarum, sed etiam Prælatorum Regularium, dum præcipit, quod per vota secreta fiat, & eligentium nomina numquam publicentur; vnde videri non potest, ut ait *Lauorius cap. 19. num. 89.* Quis maiorem relum habuerit, cum is, qui votum tulerit nesciatur; quare in hoc seruari non potest *decretum d. cap. quia propter*; quod attendatur maior, & sanior pars, sed solum fit collatio numeri ad numerum; ad dignoscendum, in quem maior pars consenserit, ut infra dicemus.

2. *Triplex est forma canonica electionis, scrutinij scilicet; compromissi, & quasi inspirationis.*

ILLUSTRATIONES.

In hoc. in d. c. quia propter de elect. Primus modus est per scrutinium, siue collectionem suffragiorum. In quo notandum, quod si in scrutinio maior eligentium pars non consenserit, irrita est electio ipso iure communi; ideoque conualescere non potest accessione consensus aliorum; sed nouo scrutinio opus est, sicut habetur in *cap. auditis, de elect.* ubi *Abb. num. 5. & in cap. Ecclesia; 2. num. 10. eod. tit.* Aliter se habet in electione Summi Pontificis; hæc enim conualescere potest per accessum aliorum; si efficiat duas partes eligentium; *c. licet de vitanda, ubi Abb. num. 8. eod. tit.*

Alter modus eligendi est per compromissum; si omnes à Cæpitulo præsentis, potestate eligendi committant uni, vel pluribus viris.

viris bonis, ac Deum timentibus, *c. causam qua, c. in causis de elect.* Quod duobus modis fieri potest. Primo limitate, vt compromissarij secreto, & sigillatim voluntatibus singulorum exquisitis, eū, in quem maior, & sanior pars capituli consenserit, eligere teneatur, *c. cum expediat, de elect. in 6.* Quæ forma eligendi quasi composita ex scrutinio, & compromisso, cæteris melior, & expeditior est, secundum *glos. ibid. ver. inquisitis.* Secundo, simpliciter, & absolute commissa potestate compromissarijs, vt eligant quem velint, dummodo idoneum; nam alioquin compromittentes recipere non coguntur, *c. causamque, de elect.*

Tertius demum modus eligendi est, quasi per inspirationem diuinam, dum omnes electores, tamquam vno corde in vnā, & eādem personā absq; vitio, cōsentiunt, *Cit. c. quia propter.* Dixit text. quasi per inspirationem, & non per inspirationem, quia longe distant inter se electio per inspirationem, & per quasi inspirationē. Illa non subiacet legi, neque regulæ, aut formæ, quæ requiritur in electione, cum à Spiritu sancto proficiscatur; & sit nullo ordine seruato inter eligentes, vt quando quasi inebriati omnes eligūt. Exempla sunt de *DD. Ambrosio, Martino, Nicolao, & huiusmodi, de quibus habetur in c. Ratimus §. in omnibus dist. 61.*

Notandum est, eum, qui non potest eligi, postulari tamen posse, siue omnino inhabilis sit ad exercendam Prælaturam, seu facile dispensabilem defectum habeat, sicuti docet *Abb. cap. ult. de postul. Prælat. num. 10.* Puta in ætate legitima *c. cum nobis de elect.* vel in ordine sacro ad Prælaturam requisito, *cap. dudum 1. de elect. in c. à multis de ætate, & qualis.* Vel in natalibus, *cap. innotuit, de elect. in quo habetur, illegitimum, si ad Episcopatum idoneus sit,* postulari posse, licet eligi non possit Huiusmodi postulatio si censor, vel saltem à duabus partibus capituli, per ecclesiæ necessitatem, vel vtilitatem fiat, tunc quodammodo debita Ecclesiæ est eius concessio; qua de re *Glos. in cap. incipientes prepe sinem ver. gratia, de elect. in 6. Hostiensis, seu Ioan. Andreas in c. cum Monasterium, extra eod. Abb. in c. postulationem eod. tit. num. 2. & 5. Syl. q. 7.*

Libet hic apponere Declarationem Sacre Congregationis Concilij super Constitutione San. me. Gregorij XV. de exemptorum priuilegijs.

An liceat Episcopo in vim Constitutionis *San. mem. Greg. XV. de exemptorum privilegij*s, punire regulares, qui ad Abbatissæ electionem procedunt ante tempus ipsi Episcopo significatum, aut die electionis eidem nullatenus prænuntiata. *Sacra Congregatio Cardinalium Concil. Trid. Interpretum* respondit, Regulares ex eadem Constitutione ita demum teneri Episcopo significare diem electionis Abbatissæ, eumque usque ad præfinitum tempus expectare, si antea ipse expressè declarauerit, se uti velle facultate sibi hac in parte attributa, Abbatissarumq; electionibus per se, vel per alium interesse, ac præsidere. Post eam vero declarationem licere Episcopo animaduertere in Regulares, qui ante tempus significatum, aut die electionis eidem non prænuntiata, ad Abbatissæ electionem procedunt.

- 3 *Tutior modus procedendi in electionibus Canonicis censetur ille per scrutinium, & præsertim per schedulas.*

ILLUSTRATIONES.

C *Astellinus loc. cit. cap. 7. num. 2.* Ratio, quia totum sic fit cum maiori rectitudine, ac libertate, omniq; remota fraude; nam ad tollendas fraudes maxime prouidere intèdunt, & ad hoc suam dirigunt intentionem Sacri Canones; Ideo forma supradicti modi frequenter præcipitur, ut obseruetur. Ita sentit *Rodericus Tom. 2. quaest. Reg. q. 52. art. 8.* per totum, ubi inter quam plura adducit *Constitutionem quamdam Sixti V.* ab eo editam pro Fratribus Minoribus de obseruantia, *die 29. Iunij 1587.* in qua præcipit, ut eorum electiones fiant in posterum per schedulas, assumpta forma per scrutinium, ita ut nomina elegantium remaneant semper occulta, etiam confirmatori.

In electione per scrutinium non valet suffragium dubium, ut si dicatur in schedula, eligo Petrum, & Iacobum; neque si dicat, eligo quem Petrus elegerit. Neque debet dari sub conditione, ut si dicat, eligo Petrum, si tale, vel tale fecerit, vel contigerit. Sic *Portel è Rodriguez V. eligere num. 1.* ubi etiam ait, videri non valere

lere suffragium sic datum. Eligo quem elegerit maior pars Conuentus, vel quem elegerit Prælatus præsidens. Est enim in certa electio, & similis præcedentibus.

Notandum cum *Sigismundo à Bononin. loc. cit. 1. p. cap. 4. dub. 29. num. 2.* vota inutilia haberi ac si de capitulo non essent; vt si quis in electione Prælati, vel alterius officialis regularis, suffragetur Summo Pontifici, siue Episcopo, vel Hispaniarum Regi & c. dicamus nos, si aliqua Monialis in electione Abbatissæ suffragaretur alicui sorori non professæ, aut professæ, quæ non haberet ætatem, &c.

Huiusmodi ergo vota pro non adiectis habentur, nec computari debent in numero vocalium; ac si neminem nominassent; sed electio consurget ex maiori parte eorum, qui pure consenserunt; vt si v. g. colligium constet ex decem suffragatoribus, quorum quattuor in aliquem consenserunt, tres in alium suffragium tulerint, & reliqui tres inutiliter suffragati sint; tunc quattuor gaudent censetur electus à maiori parte, cum tres inutiliter suffragantes non sint computandi in numero eligentium *c. in electionibus de elect. in 6.* Et probatur etiam argumento eius, qui in scrutinio per schedulam celebrato immisit schedulam albam in urnam; ite eorum, qui exeunt è loco capituli iam ad electionem congregati *c. cur nobis; Vbi Panorm. nu. 1 v. de elect.* & bene, & latè tradit; item argumento eius, qui voto suo renunciauit, *glos. in Clem. quod circa de elect.* quia de his omnibus idem iuris est, quod de præfatis inutiliter suffragantibus conclusum est in præsentia. Sic *Sigismundus num. 2 & 3.*

Qui numeris *seq. & dubijs* probat, suffragantes inutiliter fieri inhabiles actiue, & passiuè; licet isti possint variare ante publicationem scrutinij, si cassato primo scrutinio, celebreretur secundum. Ignorantiam, & simplicitatem excusare inutiliter suffragantes; electores non posse variare post, sed solum ante publicationem iudicij.

Potest quis renunciare suffragio, quod habet in electionibus; hoc tamen limitandum est, dummodo illa renunciatio suffragij non præiudicet bono communi; quando sc. eo quod ille, vel illi

non dent suffragium eligeretur indignus; tunc enim talis renunciās peccabit mortaliter, & compelli debet vt suffragetur. Sic *ex Sylu. Portel lcc. cit. v. electio num. 5.*

Ad suffragia ægrotarum recipienda in hac electione non licet ingredi monasterium. *Congr. Episc. 21. Iunij 1595.*

Si secuta electione Moniales asserant elegisse in Abbatissam vnam, Superior vero, qui præfuit, dicat aliam, videtur quod nemini standum sit, sed iterum audiendæ sunt Moniales omnes per personam non suspectam, vt observatum fuisse per *S. Congregationem* annis elapsis in electione cuiusdam Abbatissæ in ciuitate Lycij testatur *Lanorius loc. cit. Tit. 4. cap. 24. num. 56.*

Qui etiam *num. seq. ait*, si Moniales non sunt concordēs in faciendā electione Abbatissæ, assignari ei debere terminum competentem ad concordandum; & si nihilominus in discordia perseuerauerint, Superiorem vnā ex ijs, quæ sibi apta, & idonea videbitur, quæque requisita à *Concil. Trid.* & à iure statuta habeat, deputare posse. *Ex Congr. Episc. & Regular. 12. Octob. 1592. Vicario Cremonensi.*

Hic etiam *num. 46. ex Nauar.* ponit casum, quod ex sexdecim Monialibus vocem habentibus nouæ sunt suffragatæ vni, septem alteri; Superior volebat, vt duæ partes cōuenirent in vnam, & fecit octies facere electionem, sperans, quod aliqua ex suffragantijs vni alteri accederet, quæ duas partes haberet; & cum noluisset illæ sua suffragia mutare, minatus est eis, quod nisi duæ partes consentirent in vnam, ille esset vocaturus aliam Monialem alterius Monasterij; quo metu compulsæ omnes conuenerunt in vnam tertiam, quæ nullum antea suffragium habuerat; quæ confirmata à Superiore rexit per biennium; quærit ipse *Nauar.* an electæ primo à nouem, quæ maiorem partem faciebāt, sit aliquo ius reperendi Abbatissatum; & respondit, quod Superior peccauit, & electio secunda est nulla, quia facta metu; nec obstat, quod prima electa cesserit iuri suo, quia etiam metu dicitur cessasse, vt aduertit *Rodrig. Tom. 2. q. 54. art. 4.* Videndus *Nauar. Frideric. Abb.* Citati ab ipso *Lanorio.* Et *Sacra Congregatio* rescripsit *Episcopo Assisien.* 20. *Novemb.* 1585. Quod Abbatissa eligatur votis duarum

rum ex tribus partibus, factum esse stante sic immemorabili cōsuetudine. Sufficit enim maior pars in electione Abbatisſæ, vt probat ex *Miranda Lauorius loc. cit.* Licet *Salodius in ſua Praxi de Viſitatione par. 4. cap. 5.* pro electione Abbatisſæ duas partes ſuffragiorum requiri, & pro aliarum electione maiorem partem ſufficere aſſerat.

In caſu contradictionis Monialium, quæ de iure elegerunt Abbatisſam, ſeu Prioriſſam, tertiæ partis appellatio cōfirmationem rite electæ à duabus partibus non impedit, *c. idemnitatibus, in 6. §. ſanè.* Poſſunt etiam publicato ſcrutinio, Moniales minoris partis accedere ad electionem maioris partis, quarum vota per talem accessum ad maiorem partem ita cōnumerantur, ac ſi omnes ab initio in eandem conſenſiſſent.

Electio facta per ſchedulas cōmuniter ferre nequit de nocte. Bene tamen poterit ſi fiat cum ſufficienti numero candelarum; & urgente aliqua graui neceſſitate, vt ſi iam incepta ſit electio, & periculum ſit in delatione. *Portel ex Rodriquez, & Nauarro V. electo num. 5.*

In ordine Prædicatorum in omni electione Prioriſſæ, tenentur vocales, præmiſſa Sacramentali Confeſſione, diuiniſſimum Euchariſtiæ Sacramentum ante huiusmodi electionis celebrationē ſumere, ſub pænâ priuationis vocis. Ex *Capitulo Generali Romano 1580. Confirmat. 14. Rodericus, & alij citati à Caſtellino loc. cit. num. 23.* exiſtimant hoc neceſſarium eſſe in omni electione.

Salodius loc. cit. teſtatur, obſeruari in Monasterijs Mediolanēſis Diœceſis, quod antequam dies electionis veniat, quotidie pro felici electione per menſem officium de Spiritu ſancto in choro dicatur; & ſingulis feſtis, & ferijs ſextis fiat oratio publica.

Biax in ſuo direct. de elect. par. 1. c. 24. & p. 3. c. 13. quem ſequitur *Rodrig. Tom. 2. q. 52. art. 1.* tenet Miſſæ auditionem, & Sacramunionem neceſſario præcedere electionem, & allegat *Cœ. Baſil.* de quo dicit haberi in *pragmat. tit. de elect. in §. & cum humana.* At quidquid ſit de his iuribus, quæ ſunt ſpecialia, licet id nō aduerterit *Rodrig.* certum eſt, iure communi, ait *Sigiſmundus loc. cit. p. 1. cap. 19. nu. 5. ex multis Doct.* prædicta non eſſe de ſubſtantia

stantia electionis, nec ex eorum omissione eam vitari. Bene verum est, si omittantur, electores culpa nō vacare grauiori, vel leuiori pro qualitate scandali inde insurgentis.

Ait etiam idem *Sigismundus*, honestum, ac vtile fore, vt Præsides Capituli legitimito Capitulo, ac alijs de more solito habens præmittat absolutionem generalem ad abundantem cautellam.

Notandum cum *Castellino loc. cit. cap. 17 num. 21*. In electionibus Priorissarum, siue Abbatissarum Monialium, præsupposito etiam casu veræ, & realis dissensionis interelectrices, prohibitum esse per subsequens *Decretum Sacrae Congregationis Eminentissimorum, & Reuerendissimorum Dominorum Cardinalium Conc. Trid. interpretum*, Superioribus, Confessoribus, atque scrutatoribus quarumcumque Monialium, etiam Regularibus subiectarum, ne votum emittant in eorundem Priorissarum, & Abbatissarum electionibus ..

Die 5. Maij 1619. ab iisdem Eminentissimis, & Reuerendissimis Dominis Cardinalibus Sacrae Congregationis super negocijs Episcoporum, & Regularium deputatis, fuit resolutū idem quoad substantiam, in calu particulari electionis cuiusdam Priorissæ sequuta ex vi voti vnius scrutatorum in Monasterio S. Mariæ de Visitatione; vulgariter dicto delle Creti; ciuitatis Viciensis in Apulia. Idem pariter fuit resolutum per eandem Sacram Congregationem; die, & occasione, quibus infra immediate..

Die 23. Maij 1621..

Ai gl'Illustrissimi, e Reuerendissimi Signori Cardinali della Sagra Congregatione del Concilio, per l'electione delle Priore, & Badesse de' Monasterij..

Illustrissimi, & Reuerendissimi Signori..

Si desidera sapere dalla Signorie Vostrre Illustrissime, e Reuerendissime, se nell'electione delle Priore, & Badesse de Monasterij di Monache, massime in caso di diuisione, tra le Monache, alle quasoma-
pete:

pete l'eleggere la Priora, ò Badessa, possano i Superiori di quelle, e gli Scrutatori dare il voto loro in simile elezione, pro bono pacis del Monasterio: Et in caso passi in elezione alcuna di quelle Madri, in virtù delli voti dati dal Superiore, ò Scrutatori; se l'elezione siabuona, e legittima, sì ò nò. Che il tutto si riceuerà per gratia particolare dalle Signorie Vostre Illustrissime. Quas Deus.

Sacra Congregatio Cardinalium Concilij Tridentini interpretum censuit; Nequaquam licere Monialium Superioribus, aut Scrutatoribus dare votum in electione Abbatissæ; atque electionem in vim huiusmodi voti celebratam vires aliquas non obtinere.

R. Cardinalis Vbaldinus.

Portel tamen *loc. cit.* vult in electione Abbatissæ suffragium dare posse Prælatum Ordinarium præsidem electionis, vt Prouincialis, & similes Superiores; sunt enim caput illius communitatis, & Prælati cum Monialibus faciunt vnum corpus morale ad eligendum.

Probat ex praxi multorum Episcoporum suffragantium in electionibus suarum Abbatissarum, & affirmat se pro certo scire ab Episcopis in Regno Portugalliæ id praticari.

Aduertit tamen ipse *Portel*, quod si Præses electionis est delegatus, vel commissarius, tale suffragium non habet, quia in rigore non est Prælatus ordinarius.

Barbosa item in *Addit. ad Allegat. 100. ex Pisseg. & ex Zipæo* asserit, decisum, quod, si Moniales essent discordes, posset Episcopus nominare vnā, quam magis idoneam iudicauerit.

Moniales possunt compromittere electionem Abbatissæ, seu Priorissæ etiam in masculum, *capit. causam de elect. vbi Panorm. num. 3.* Quæ potestas compromitti etiam potest in confirmatorē, vt ex Abbate asserit *Lauorins loc. cit. tit. 4. cap. 24. nu. 19.* Qui etiā scribit, quod si Episcopo data sit potestas a Monialibus eligendi Abbatissam, iuxta dictum *cap. causam*, non poterit Episcopus si elegerit malam, aliam eligere, quia functus est officio suo, siue male, siue bene, *cap. in causis, cap. innotuit, de elect. glos. in d. c. causam,*

sam, verb. recipi. Notandum tamen est, compromissum semper fieri debere nemine dissentiente.

Tandem notandum est, posse Episcopum vna cum Superioribus Regularibus quarumcumque Abbatissarum, Priorissarum, Præfectorum, vel Præpositarum eorundem Monasteriorum quocumque nomine appellentur, electionibus per se, vel per alium interese, ac præsidere, absque vlla tamen ipsorum Monasteriorum impensa, vt videre est in *Constit. Greg. XV. de exemptorum privilegijs, incip. Inscrutabili, sub dat. nonis Februarij 1622.* super qua postea Sacra Congregatio Eminentissimorum Cardinalium *Conc. Trid. interpretum* censuit ius confirmandi Abbatissas minime fuisse Episcopis per eiusmodi Constitutionem attributum.

Notandum hic est, vocatos ad dirigendas Moniales in suis electionibus excommunicari, si nõ abstinent ab ijs, per quæ inter illas potest oriri discordia, vel ab ijs, per quæ iam orta discordia nutritur, *cap. idemnitatibus, de elect. in 6.* Nota verbo *vocatos*, vnde non vocati ad hoc, etiamsi oppositum facerent, quidquid sit de peccato, non incurrunt hanc censuram.

4. *Non minor quadraginta annis, & quæ annis octo post expressam professionem laudabiliter vixerit, Abbatissa, seu Priorissa eligenda est.*

ILLUSTRATIONES.

Sic de iure nouissimo *Conc. Trid. sess. 23. cap. 7. de Regular.* Et si cum his qualitatibus non reperiatur in Monasterio, ex alio eiusdem ordinis eligi posse statuit. Et si hoc incommodum Superiori videbitur, ex ijs, quæ in eodem Monasterio annum trigessimum exceaserint, & quinque saltem annis, post professionem laudabiliter vixerint, Episcopo, vel alio Superiore consentiente, eligi posse præscribit, *idem Concilium loc. cit.* Ex quo colligitur Concilium non necessitare, vt assumatur potius extra Monasterium, quam alia de Monasterio cum minoribus qualitatibus, cū vtatur verbo possit, non debeat; & tanto magis, quod ignota persona

sona eligi non debet. *Ioan. Andr. in c. bona num. 11. de postul. Vi-*
dendum est Conc. Carthaginen. 111. Concil. Agathen. c. 19. & c. San-
ctimoniales. 20. q. 1.

Oritur dubium, scilicet si duæ aptæ ad dictum officium concurrant, altera quadragenaria, tamen habens quinque annos professionis; altera vero habens illos completos, vel etiam octo, nondum vero attingens quadragesimum annum ætatis, licet excedat trigesium, quænam earum sit præferenda; & videtur posterior, quia habet aliquo modo completam vtramq; conditionem à Concilio postulatam, priori vero vna cōditio omnino deest. In contrarium autem est, quia Concilium per se primo requirit ætatem quadraginta annorum, quæ cōditio cōpletur in priori, & nō in posteriori, & aliunde cōditio ætatis magis desideratur; ergo videtur præferenda prior. Sic *Suarez 4. de Relig. lib. 2. c. 6. nu.*
10. Cui tandem videtur negotium arbitrarium, quia reuera se habent tanquam excedens, & excessum, & ideo censet præferendam esse illam, quæ ob alias condiciones dignior reputata fuerit.

Quod si in aliquo Monasterio plures sint Moniales, quæ habent ætatem requisitam, & octo annos professionis, & vna, quæ non habeat dicta requisita, sed aliquem mēsem minus circa ætatem, & professionem, sed Monialibus videatur magis habilis, & idonea pro gubernio Monasterij ceteris habentibus quadraginta annos, & octo professionis, non propterea primis omissis possunt hanc eligere; alias electio esset nulla, & eligentes essent priuatæ iure eligendi, & requireretur dispensatio Romani Pontificis ad hoc, vt iterum eligentes eligere possent, & sic electa possit admitti ad nouam electionem, dum caret ætate, prout declarauit *Sacra Congregatio Episcoporum, & Regularium in casu contingenti in vna Viterbien. S. Rose sub die 25. Martij 1625 & S. Congreg. Conc. sub die 16. Majj eiusdem anni.* Sic *Lauortus loc. cit. num. 6.*

In ordine Prædicatorum Abbatissæ elegendæ debent habere duodecim annos à professione, secundum statuta dicti ordinis. In ordine minorum per statuta generalia ad hoc quattuor anni requiruntur. *Eugenius IV.* decreuit tres annos requiri. Idem statuit *Nicolaus V.* In hoc non dispensat, nisi ille, cui specialiter con-

cessum fuerit posse dispensare in Bullis Pontificis. Sic *Portel V. Abbatisa in Addit. nu. 1.* Quomodo vero hi anni intelligendi sint, seu computandi, an sc. requirantur completi, vel sufficiant inchoati, idem *Portel verbo annus nu. 5.* probat, sufficere inchoatos.

Lauorius itē *nu. seq.* proponit casum talem, scilicet si in Monasterio non adsit nisi vna Monialis, quæ habeat prædicta requisita Concilij, cum Moniales non possint aliam eligere, quam istā, dicetur ne electio restricta, seu per vim, dum non adest plena libertas requisita in electionibus; & respondet, hanc dici restrictionem, seu prouisionem iuris, non hominis, restrictionem ad qualitates requisitas tamquam substantiales ipsius actus electionis, nō autem ad personam; ac ideo non dici coarctatam.

Aduertit insuper, professionem requisitam debere esse expressam, nec sufficere tacitam ad hoc vt possit eligi; secus vero ad hoc vt possit eligere, vti supra etiam nos notauimus. In ordine Prædicatorum Abbatisæ eligendæ debent habere duodecim annos à professione, secundum statuta dicti ordinis. In eodem ordine non habent vocem actiuam Moniales in electione Priorissæ, nisi post annos duodecim à professione, *Rome 1601. & Parisiis 1611.* Sic *Castellinus loc. cit. cap. 17. num. 15.* Qui etiam *num. 8.* affirmat, In eadem Religione Dominicana, duas Moniales sorores secundum carnem, non posse sibi inuicem succedere in Prioratu, vel Superioratu immediate, *Rome 1580. ordinat. 30.* Quamuis de iure communi id non inueniatur prohibitum, vt nouissime respondit *Sacra Congregatio Episcoporum, & Regularium, die 3. Aprilis 1619 Episcopo Vlyssipponen.* Inuenitur prohibitum tamen, tres sorores secundum carnem non posse habere vocem actiuam in eodem Monasterio, vt videre est in facultatibus concessis à Sede Apostolica, vt possit acceptari tertia soror in Monialem.

Quæri hic potest, an votum electi computetur ad constituendam maiorem partem; ad quam quæstionem alij negatiue, alij affirmatiue respōdent, vt videre est apud *Lauorium de elect. canon. tit. 4. cap. 6. num. 14. & seq.* Alij denique distinguunt, aut scilicet proceditur per viam scrutinij occulti, & tunc non computatur vox electi; aut proceditur per viam scrutinij aperti, & accessus, & tunc

& tunc computatur. Ita ex multis Doëtoribus Lauorius. Sed hoc non sequitur in electione Summi Pontificis; iam enim decusum est per *Gregorium XV. in Bulla Aeterni*, suffragium electi non numerari, siue per scrutiniũ, siue per accessum, siue per scrutiniũ, & accessum simul fiat electio, nec posse quemquam eligere se ipsum etiam per viam compromissi.

5 *Nulla mulier corrupta potest eligi in Abbatissam, seu Priorissam, nisi concurrat dispensatio Sedis Apostolica.*

I L L U S T R A T I O N E S.

ID prohibetur iure communi, *cap. si quis omnem, §. nouimus, 1. q. 7. c. inuenculas, 20. q. 1. c. quomodo virginibus, ubi gl. verbo eligatur, 31. q. 1.* Nec Episcopus potest cum huiusmodi corrupta dispensare, quidquid dicat *Anchar. in c. idemnitatibus*; & declarauit *Sacra Congreg. Reg. 29. Ianuarij 1585. Adest Decis. Capella Tholos. 296.* Qua deciditur, non posse corruptã esse Abbatissam, *ex 10. Andr. in Clem. attendentes, verb. rationabilis, de stat. regul. Portet vero verb. Abbatissa contrarium probare nisi sit multis rationibus allatis pro sua sententia.*

Sanchez Tom. 2 in praecep. Decal. lib. 5. cap. 5. num. 22. Existimat, ad Abbatissæ munus nõ desiderari virginitatem, nisi ubi mos esset impertiendi Abbatissis benedictionem specialem virginum propriam, seu consecrationem. Bigamam Monialem etiam eligi non posse in Abbatissam afferunt, Doëti. Vide *Sanchez nu. seq.* qui obseruat, dici etiam bigamam quoad hunc effectum, quæ post castitatis votum, sed solemne, præuicata est. Sicut nec infamis nequit esse Abbatissa, siue infamia sit iuris, siue facti.

Quod si corruptio superueniat, postquam Abbatissa est electa, si probetur debet deponi, vt fuit decusum in *decis. 9. corã Crescentio, ad not. per Abb. & Felyn. in cap. as si clerici, de ind. c.* quia si debet talis corrupta in ergastulo includi, & à ceteris Monasteriorum, & Ecclesiarum conuentibus eliminari, *ex cap. impudicas, & c. peruenit, 27. q. 1.* quomodo posset alijs preesse, & administrare.

¶ *Illegitime nata non potest eligi in Abbatisam, seu Priorisam.*

ILLUSTRATIONES.

Sic *Castellinus loc. cit. cap. 17. num. 6.* Qui etiam affirmat esse communem Doctorum opinionem, posse talem dispensari per Episcopum, siue alios Superiores, quorum regimini sub sunt Monasteria. Idem ex *Miranda, & Rodriguez* sustinet *Portel verbo Abbatisa num. 6.* Alij vero asserunt, vitium ex natalium defectu consurgens purgari in Monialibus per professionem, vt videre licet apud *Sanchez in precept. Decalogi Tom. 2. lib. 5. cap. 5. num. 18. qui num. seq.* dicit, se non audere discedere à frequentissima omniū sententia, qui dicunt illegitimam non posse absque dispensatione esse Abbatisam, seu Priorisam. Eandem sententiam videtur approbare *Suarez 5. Tom. in 3. p. disput. 50. sect. 5. num. 15.* vbi dicens per professionem non auferri vitium hoc illegitimitatis, vt quis possit esse Prælati, ait Doctores hoc extendere ad feminas; & id non improbat. Et *Lauorius loc. cit. num. 38.* Ex declaratione Congregationis, Moniales ex illegitimo thoro procreatas Constitutione *Fel. rec. Sixti V. contra Regulares illegitimos* edita nō comprehendi asserit, quominus ad officium, vcl dignitatem Abbatisæ, seu Priorisæ aliæ Monastica munera eligi possint, vt in *una Corduben. anno 1592.* Licet addat, ob stare ius Canonicum in c. 1. de fil. presbyt.

Ad dispensandum cum illegitima, requiritur quod ipsa explicet qualiter illegitimitatis, si videlicet sit spuria, si naturalis, si sacrilega, si incestuosa, si adulterina &c. possunt enim hæ qualitates cum aliquibus circumstantijs maxime duplicatis mouere, aut detertere ad dispensandum, sic *Portel. ex Miranda verbo Illegitimus num. 11.*

Monialis, quæ postquam Religionē est professæ legitimata est per subsequens matrimonium, non indiget dispensatione ad hoc, vt possit in Abbatisam eligi; dummodo parentes tempore conceptionis, seu saltem tempore natiuitatis inter se matrimonium

contrahere possent. *Sigismundus loc. cit. par. 2. dub. 73. & 74. Congreg. Ep. 1592.* statuit, illegitimo thoro n. atam non excludi, quominus Abbatissa possit eligi.

Ambitio tamquam pestis electionum, fuit ita Sacris Canonibusexosa, vt per *c. cum post petitionem de elect. cassanda*, etiam annullada sit electio illius, qui etiam requisitus, antequam esset electus consentit electioni de se faciende, ita notauit *Miranda in Man. Pral. par. 2. q. 23. ar. 30. concl. 1. & Petr. de Greg. tr. de elect. cap. 9. num. 6.*

Subornatio igitur vitiat electionem, quæ aliquando fit verbis, aliquando vero fit muneribus, id est, quando dantur munera electoribus, vt eorum beneuolentia, & gratia aucupetur ad effectum consequendi ipsorum suffragia. Non tamen prohibetur tractatus in electione, quia, vt scribit *Sigismundus loc. cit. dub. 55. num. 6.* Tractatus ipse est vnum de substantialibus electionis. Quod sic probat, nam certum est, teneri eligentes eligere digniorem, & semper dimittere indignum de iure diuino, naturali, & positiuo; & per consequens sub pæna lethalis culpæ deuinciuntur ad notitiam morum, & virtutum eligendorum. Sed hoc vix atque adeo impossibile est fieri posse, moraliter loquendo absque eo, quod electores colloquantur, vel tractent inter se aliquando qui nam sint digni munere, de quo agitur, vel quis dignior alio, cum multos suffragatores sæpe sæpius lateant vitia, vel virtutes eligendorum. Ergo demandata electione dignioris, & exclusionem indigni, demandatur etiam tractatus, per quem deuenitur ad hunc finem. Ergo tractatus est vnum de substantialibus electionis. Sic argumentatur *Sigismundus par. 2. dub. 55. num. 6.* Ideo *Greg. XV. in sua Constitutione de electione Rom. Pont.* postquam fere omnes casus enumerauit, ac eos districte inlubuit, subdit, *Tractatus tamen pro electione habendos vetare non intelligimus.* Sed notandum est, quod licet tractatus de eligenda persona sit semper concessus, attamen conuentio de tali eligendo est illicita. *Imol. in cap. bone 2. num. 5. ubi quoque Card. quæst. 6. de elect.* Et firmavit *Rota decis. 516. coram Card. Seraph.*

In Capitulo Valentino 1596. Ordinatione 12. ita disponitur in ordine

ordine Prædicatorum; *Ordinamus, & sub pœna gravioris culpæ mandamus, tam fratribus, quam sororibus in aliqua electione vocem habentibus, ne de illa ante diem unam naturalem loqui, siue tractare possint.* Reliquis vero in ipsa vocem non habentibus, siue conuersi, aut conuersæ, siue clerici, aut velatæ sint, respectiue, ne verbo, aut scripto, per se, vel per alios, quoquomodo se intromittere audeant. Prælati autem in virtute Spiritus sancti, & sanctæ obedientiæ, & sub pœna absolutionis à suis officijs iungimus, vt prætaxatam penam contra facientibus insigere debeant. Licet igitur per modum consultationis tractatum habere de aliquo eligendo, & id etiam viuente Prælato, cum electoribus, & cum alijs etiam, vt sciri possit, an talis sit dignus, dummodo hoc non efficiatur ex consensu, seu opera ipsius eligendi, sed sponte ab electoribus propter illius merita; nam si talis tractatus efficeretur per seipsum, vel per alios, esset tractatus ambitiosus, & ideo prohibitus, vt pactionalis, cõventionalis, cõditionalis, &c. Sic è *Molfesio Diana loc. cit. lib. 2. Miscell. Resol. 37.* Subiungens, hoc esse valde notandum contra eos, qui etiam procurare solent, vt eligantur ab alijs, nam nullæ sunt postea electiones.

Perpetua prohibitione damnantur insuper electiones omnes per sortes habitæ, vt plurimis relatis, probat ipse *Sigismundus loc. cit. par. 1. dub. 27. nu. 1.* Neque obstat communis obiectio S. Matthiæ Apostoli, nam respondetur; illud fuisse priuilegium, atque inspirationem Dei peculiarem; vel dicendum, sine vilo priuilegio Apostolos in ea electione vti voluisse sortibus, quod Mathias, & Barsabas adeo essent pares sanctitate, & doctrina, vt humano iudicio discerni non posset vter præponendus esset. In huiusmodi namque casibus licitus est vsus sortium, seclusa prohibitione positua, vt docet *D. August. lib. 1. de Doctr. Christ. cap. 28. & in Epist. 180. ad Honoratum.*

Sortes vero non prohibentur, etiam in electionibus Ecclesiasticis, si priuilegium cõcurrat Apostolicum, vt legitur de electione Discretorum¹, seu sociorum Prælati apud *Congregationem S. Bernardi in Italia, Monachorum Ordinis Cisterciensis, Canonorum Regularium S. Saluatoris, & aliorum, de quibus Sigism. & Mirand.*
citati

titati à Lanorio loc. cit. Tit. 4. cap. 20. nu. 39. qui num. seq. quærens, an si electiones per sortes fiant, an sint ipso iure nullæ, vel veniant annullandæ, concludit, esse ipso iure nullas, siue seruanda esset forma *c. quia propter*, siue non.

Tandem notandum est, electorem, qui præsens est in ciuitate, vel oppido, aut canobio, in quo celebratur electio, sed ægrotat, & decumbit in lecto; pro præsentem haberi debere, & ad eum accedere teneri scrutatores pro suscipiendo eius suffragio; qui poterit, sicut & alij, si vult, libere renunciare; & facta per ipsum renunciatione spontanea; nõ potest impugnare, quod fuit legitime expletum per alios vocales. Si tamen accidat casus, quod inter sit electionis iam inceptæ, sed non completæ totaliter, admittendus est, etiam post renunciationem, ad ea, quæ remanent faciendæ circa eandem electionem, vt probat *Castellinus loc. cit. cap. 8. num. 9.*

Absens potest constituere procuratorem, vel cum generali mandato de eligendo, vel cum speciali de eligenda certa persona; & tunc potest vnum suo nomine, alium nomine mandantis eligere. Sed *Sacra Congregatio Card. S. Conc. Trid. interpretum super cap. 6. sess. 25. de Regular.* censuit, non posse constitui procuratorem cum tali speciali mandato, prout refert *Garf. tract. de Benefic. p. 5. c. 4. nu. 200.* his verbis. Procuratores legitime constituti cum generali mandato ad eligendum ab ijs, qui legitime impediti sunt non excluduntur, dummodo non habeant speciale mandatum de eligenda certa persona, quia tunc votum non posset esse secretum, prout in hoc decreto.

Si vero procurator est institutus cum mandato generali, & libero, non potest in ferendis suffragijs vnum nomine suo, & alterum nomine mandantis eligere, & ratio est, quia eadem conscientia debet eligere nomine domini sui, qua elegit nomine proprio. *cap. si quis visio, §. porro, de elect. in 6. cap. constitutus, de appell. Lancell. §. & si tantum, tit. de elect. vbi glos. ver. nihil agit, per cap. sicut non suo, 6. dist. Cossred. & Hostien. in c. quia propter de elect. Attamen si merita duorum, vel trium ita essent æqualia, vt ab electoribus discerni non possint, quis eorum melior, & magis idoneus ceteris*

ceteris esset, aliqui putant posse procuratorem vnum nomine suo, & alium nomine mandantis ex illis eligere, vt notat *Molin. de primogen. lib. 2. cap. 5. num. 52. & seq. Gutier. c. 11. num. 9. quæst. canonic. Fr. Sigismundus dub. 14. num. 8.*

Procuratoris potestas, siue sit constitutus ad certam, siue ad incertam personam eligendam, expirat mortuo mandante ciuilitè, vel naturaliter tempore electionis faciendæ, *Clem. fin. de procurat. Rot. decis. 376. fuit dubitatum, in nouis.* Sed si procurator constitutus ad eligendum eligat tempore, quo iam erat mortuus dominus constituens, sed mors illius in Capitulo ignoratur, valet electio. *Ioan. Andr. & Innoc. in cap. quia propter, de elect. Franc. in cap. si quis in isto, eod. in 6.*

Demum supradicta omnia tam de vocandis absentibus, quàm de constituendo procuratore intelligenda sunt, nisi adsit statutum, consuetudo, vel priuilegium in contrarium; sicut re vera in ordine Prædicatorum non admitti, testantur *Tabien. & Syluest. vers. electio, & Castell. loc. cit. cap. 5. nu. 96.* & in ordine Capuccinorum *Fr. Sigism. dub. 14. nu. 11.* In hac re extat *Magistralis Decisio Rote coram Vbaldo in Calagurritana de Morillo 13 Nouemb. 1620.*

Naldus in suis Annot. præf. p. 35. & seq. docet, quomodo excipiendum sit votum electoris tempore electionis in lecto decumbentis, sc. permissionem scrutatorum, qui schedulas eligentium complicatas, atque inuolutas ad Præsidentem Capituli deferat. Nec obstat, eligentium nomina debere semper esse secreta ex *Concil. Trid. loc. cit.* quia respondetur, in hoc casu numquam eligentium nomina publicari; cum scrutatores ea recipiant in vnam iniecta per ipsos eligentes obsignata; & inuoluta. Sic Monialis in lecto decumbens tempore electionis eligit, vt scribit idem *Naldus in Indice.*

- 7 *Officium Priorisse non potest pro trahi ultra triennium, sed illico censetur absoluta ab officio, elapso triennio.*

ILLUSTRATIONES.

G *Reg. XIII. in Bulla, quæ incipit, Exposcit debitum, data die 1. Ianuarij 1583.* Neque ad idem officium potest eligi nisi post

post triennium, & hoc est commune ad omnes, & quascumque personas, seu Moniales quorumcumq; Ordinum intra Italiam.

Supradicta *Bulla* comprehendit Monasteria Italiæ tantum. Et *Quaranta* ver. *Abbatissa*, animaduertit, quod hæc *Bulla* ex declaratione *Nauar.* non includit eas Moniales, quæ vere non sunt professæ regulam à Sancta Sede Apostolica approbatam.

Idem statuit *Sixtus V.* 1587. de triennio *Abbatissarum*, & *Priorissarum* Sanctæ Claræ, cuius *Bullæ* mentionem facit *Portel in suis dubijs Regularibus tit. Abbatissa, & Priorissa num. 4.* addens, quod in Portugallia *Abbatissæ* Ordinis S. Claræ, præsertim in Prouincia Algarbiorum, debent vacare per sex annos in eodem Monasterio, ex speciali *Bulla Pauli V.* Quam asserit se vidisse, ac legisse; non tamen dicit annum, quo concessa fuit, neque refert exordium.

In ordine Prædicatorum ex dispositione *Bullæ Innj 11.* nequeunt *Priorissæ* perseuerare in suo officio ultra biennium. Debent quoque vacare ad minus per quattuor annos, antequam re eligi possint in eodem Monasterio, nisi esset Monasterium nouū, vel nouiter reformatum, quo casu possunt iterum eligi. *Castellinus loc. cit. cap. 17. num. 10. & seq.* Huic statuto standum est, nam *Bulla* supradicta *Gregorij* non aufert dispositionem strictionis, sed laxioris statuti.

In eodem ordine Prædicatorum duæ Moniales sorores secundum carnem, non possunt sibi inuicem succedere in Prioratu, vel Supprioratu immediate, *Roma 1580. ordinat. 30.* Quamuis de iure cōmuni id non inueniatur prohibitum, vt nouissime respondit *Sacra Congregatio Episcoporum, & Regularium, die 3. Aprilis 1619. Episcopo Vlyssiponen. Castellinus num. 8.*

In multis ordinibus Monialium idem præscribitur, vt testatur *Salodius in sua Praxi de visitatione 4. cap. 5.* de duabus sororibus germanis, ne videlicet quando vna est *Abbatissa*, altera sit *Priorissa*, *Discreta*, vel *lanitrix*, vel *scriba*, vel *Celaria*.

AL CARDINAL VENDRAMINO.

Illustriss. & Reuerendiss. Sig. mio Osseruandiss.

E Decreto antico, e più volte rinouato da questa Sacra Congregatione, che in uno stesso Monasterio non possano essere ammesse più di due sorelle all'habito Monastico; e quando per gratia speciale della medesima Sacra Congregatione si concede tal hora di Monacare la terza, ciò si fa con espressa conditione, che resti priua di voto astiuo, & passiuo sino alla morte d'una delle due prime; di maniera che non siano più de due sorelle col voto. Ben è vero, che quando il Monasterio è numeroso, come sarebbe di 100. Monache in circa, hanno questi Illustrissimi miei Signori hauuto riguardo, che anco viuente le due prime sorelle, la terza similmente goda il suddetto voto astiuo, & passiuo; ma simil gratia non se l'è mai conceduta nel primo ingresso; aggiungendo, che quando la terza sorella si admite, paga la dote duplicata, s'è dentro, e la triplicata, s'è sopra il numero; Il che hanno voluto questi Illustrissimi miei Signori, ch'io significhi à V. S. Illustrissima, affinche si contenti di far osseruare il sodetto Decreto in questa sua Città, e Diocesi. E libacio humilmente le mani.

Di Roma li 15. Febraio 1619.

Di V. S. Illustrissima, & Reuerendissima.

Humilissimo Seruitor.

Il Cardinal Gallo.

AN vero magis conueniens esset, quod Abbatissę essent perpetuę, quam temporales, legatur *Rodericus Tom. 1. quæst. Reg. in quæst. 16. art. 1.* Qui cum *Navar.* tandem concludit, electiones perpetuas quieti Christianę commodiores esse. Quod autem Sedes Apostolica, vti vidimus, noluerit esse perpetuas, sed temporales, id factum est iustis de causis. Precibus enim ipsorum
Reli-

Religiosorum Sedes Apostolica inclinata, & videns Prelatos superiores esse dominantes in fratres, & eis imperare cum austeritate, & propter eorum magnam potentiam, & valorem minime posse per visitatores reformari, & in corda antiquorum Patrum conuerti, ordinauit, vt Generales, & Abbates, & Abbatissæ minime essent perpetui, sed temporales.

Idem *Roder. ar. 4.* ait, *Bullas Gregorij XIII. & Sixti V.* definiētes Abbatissas debere esse triennales, & non perpetuas, explicandas esse non de Abbatissis creatis per præsentationem, & institutionem.

De Confessarijs Monialium. Cap.

- 1 *Confessionem, tam ordinarij, quam extraordinarij ad confessionem Monialium, etiam Regularibus subiectarum audiendas nullatenus deputari valent, nisi prius ab Episcopo Diocesano idonei iudicentur, & approbationem obtineant.*

ILLUSTRATIONES.

Sic nouissime *Greg. XV. In sua Constitutione de exemptorum priuilegijs, qua incipit Inscrutabili, sub Dat. Non. Februar. 1622.* Vbi etiam habetur, quod liceat Episcopo ex rationabili causa Superiores regulares admonere, vt eiusmodi cōfessores amoueant, ijsque superioribus id facere detretantibus, aut negligentibus, habeat Episcopus facultatem prædictos confessores amouendi, quoties, & quando opus esse iudicauerit.

Postmodum *Sacra Congregatio Eminentissimorum Card. Concil. Trid. interpretum* super prædicta *Conf.* inter alia censuit, Confessores extraordinarios Monialium nullatenus posse post *d. Cōst.* illarum confessionem audire, nisi prius ab Episcopo Diocesano idonei iudicentur, & approbentur; ordinarios vero confessores ante Constitutionis publicationem deputatos posse durante triennio ab eorum deputatione inchoando pergere in confessionibus sanctimonialium audiendis absque alio examine, & approbatione Episcopi; quod si contingat, vt eorum facultas à Sede Aposto-

lica ultra triennium pronogetur, tunc debere eos ab Episcopo examinari, & approbari.

Censuit pariter *eadem Sacra Congreg.* Superiores Regulares electos, seu deputatos ante ipsius Const. publicationem, quibus alioquin facultas competeat audiendi confessiones Monialium sibi subiectarum, posse durante eorum officio pergere sine alia Episcopi approbatione in confessionibus audiendis illarum tantum, quæ sponte, ac proprio motu id ab eis petierint. At vero eos, qui post Constitutionem eligentur, aut quoquo modo deputabuntur, vel qui in eorum officijs, seu dignitatibus expleto iam tempore à Constitutionibus cuiusque ordinis, vel alius legitime prefinito, ad aliud tempus confirmabuntur, nequaquam posse sanctimonialium confessiones audire, nisi prius à Diocesano Episcopo idonei iudicati, atque approbati fuerint.

Regularem generaliter ab Episcopo approbatos ad confessiones personarum sæcularium audiendas, nequaquam censeri approbatos ad audiendas confessiones Monialium sibi subiectorum, sed egere quoad hoc speciali Episcopi approbatione.

Regulares ad audiendas confessiones Monialium vnius Monasterij ab Episcopo approbatum, minime posse audire confessiones Monialium alterius Monasterij.

Confessores extraordinarios semel deputatos, atque approbatos ab Episcopo ad Monialium confessiones pro vna vice audiendas, haud posse pluries in vim approbationis eiusmodi illarum confessiones audire, sed ab Episcopo toties esse approbandos, quoties casus deputationis contigerit.

Episcopum, cui licet ex rationabili causa iuxta dictam Constit. Superiores Regulares admonere, vt amoueant confessores Monialium, atq; administratores bonorum ad earumdem Monialium pertinentium, non teneri eiusmodi causam significare Superioribus Regularibus, sed hoc relinqui arbitrio, & prudentiæ Episcoporum, quorum conscientias *Sacra Congreg.* Serio oneravit. Sic *Barbosa in Addis. ad Alleg. 35.*

ALL' ILLVSRIOSSIMO ET REVERENDISSIMO
 Sig.mio Offeruandifs. Il Sig. Cardinal Vendramino,
 Patriarca di Venetia.

Illustrissimo, & Reuerendifs. Sig.mio Offeruandifs.

DA che per i decreti generali di questa Sacra Congregatione viene proibito à gli ordinarij il valersi dell'opera di Regolari per confessori de Monasterij de Monache, soggette alla cura, & giurisdictione de' medesimi ordinarij; e che nondimeno alcuni Frati di S. Dominico, e d'altre Religioni, come s'è inteso, sono stati deputati da V.S. Illustrissima, ò dal Vicario suo per confessori delle Monache sottoposte alla cura sua; mi hanno ordinato questi Illustrissimi miei Signori di scriverle, che sia contenta di lenare i sodetti Frati da simil carico, e di procedere alle medesime Monache d'altri confessori, quali siano Sacerdoti secolari di vita esemplare, & sopra anni 40. e d'astenersi per l'auuenire da seruirsi più dell'opera de' Regolari per simil carico senza special licenza di questa Sacra Congregatione. Et io in tanto le bacio humilmente le mani.

Di Roma adi 12. di Maggio 1617.

In V.S. Illustrissima, & Reuerendissima.

Humilissimo Seruitor.

Il Cardinal Gallo.

AL PATRIARCA DI VENETIA.

Molto Illustrè & Reuerendissimo Signor come fratello.
 Stante la penuria, ch'è incoteſta Città di Sacerdoti ſecolari
 ad eſſercitare il carico di confeſſori di Monache ſotto poſte all'acura, &
 gouerno di V.S. come per parte di lei è ſtato rapreſentato alla Sacra
 Congregatione, ſi contentano queſti Illuſtriſſimi miei Signori ch'eſſa
 poſſi valerſi à queſto effetto dell'opera de' Regolari; non oſtante li de-
 creti della medeſima Sacra Congregatione, che prohibiſcono a' Veſcoui
 il ſeruirſi di confeſſori regolari per le confeſſioni delle Monache ſog-
 gette all'ordinario; mentre però ella facci prouiſione di Padri quali-
 ficati, & eſemplari, di età ſopra 45. anni, & atti à dare ſodisfattione,
 e conſolare le Monache ne i loro biſogni ſpirituali, e pur cho i medeſimi
 regolari non continuino ſimil carico oltre il triennio, Dio la preſerui.
 Di Roma li 7. Giugno 1620.

Come Fratello Affettionatiſſimo.

Il Cardinal Sauli.

EXtant etiam Litteræ de hoc particulari eiuſdem Sacræ Con-
 greg. ad Eminentiſſimum & Reuerendiſſimum Deſ. Car-
 dinalem Cornelium Patriarcham.

Apponam hic, quæ de Plebanis proprias Eccleſias deſerenti-
 bus, & confeſſionem Monialium retinentibus decreuerit Sacra
 Congregatio.

AL PATRIARCA DI VENETIA.

Molto Illustre & Reuerendissimo si come fratello. Sono informati questi Signori miei Illustriissimi, che alcuni curati di questa Città lasciata la propria residenza, si trouano occupati, anco fuori della Diocesi, seruendo per confessori di Monache, non senza incomodo, & scandalo de i proprij Parochiani; & conuenendo che V.S. per debito dell'officio suo proueda efficacemente, che i detti habbino per ogni modo da ritornare alle Chiese loro; di ordine delle SS. loro Illustissime gli significo tutto ciò, affinchè si risolua di prouedere contra questi curati, riuocandoli qualsiuoglia licenza, che sopra ciò hauesero ottenuto, & con auertirla, che quanto più tarderà, tanto più verrà ad aggrauare la propria coscienza, ne occorrendo altro, prego il Signor che la prosperi.

Di Romali 17. Marzo 1592.

Di V.S. Molto Illustre, & Reuerendissima.

Come Fratello Affectionatissimo.

Il Cardinal de Senis.

AL PATRIARCA DI VENETIA.

Molto Illustre & Reuerendissimo Signor come fratello. Li Pioniani di questa Città hanno supplicato se li conceda di poter, come per il passato attendere alla cura de Monasterij di Monache, massime doue possono farlo senza pregiudicio dell'anime & delle loro Parochiali; confidando questi miei Signori Illustriissimi della prudenza, di Vostra Sign. non hanno voluto in ciò risolvere aliro, eccetto che io li faccia sapere, come si rimette il tutto al suo arbitrio, poichè non si può dare in questo regola generale, seruali per auiso, & il Signor Dio la prosperi.

Di Romali 22. di Febbraro 1593.

Sic

Sic statuit in prima Synodo Veneta Patriarca Priolus, Decernimus, ut in futurum aliquis Plebanus confessiones Monialium extra ciuitatem Venetiarum omnino retinere non possit, & qui eas in praesentiarum retinent, infra duos menses relinquere teneantur, nec postea pro dictis confessionibus audiendis ad dictarum Monialium Monasteria accedere possint sub pena suspensionis ipso facto incurreda, & sinctorum centum Seminario Patriarchali applicandorum. In ciuitate vero Venetiarum Plebani similiter confessiones Monialium in futurum obtinere non possint, & quas nunc habent ultra duos praedictos menses non retineant sub eiusdem penis. Quod si Monialium Monasterium sit ita contiguum Parochiae confessoris, vel numerus Monialium, & Parochianorum tam paruus, ut ipse arbitrio nostro utrique officio commode satisfacere valeat, tunc licentiam à nobis impetrare procuret. Quae omnia pro debita exequutione litterarum Illustris D. Cardinalis Senonen. nomine Sacrae Congregationis super consultationibus Episcoporum promulgamus, & publicamus.

Habentes curam animarum munere confessorij ordinarij modo omnino fungi non possunt, ut ex *Congreg. Episc. 10. April. 1615.* testatur *Gauantius loc. cit.* & sic nouissime decreuit Eminentissimus, & Reuerendissimus Cardinalis Patriarcha.

- 2 *Moniales non possunt confiteri cuius confessori, etiam Religioso, extra confessorem assignatum illis à Praelato, nec viriute Bullae Cruciatæ, vel cuiusvis alterius Bullae particularis concedentis, ut possit eligi confessor quicumque approbatus.*

ILLUSTRATIONES.

Sic expresse prohibuisse *Clementem VIII.* Motu proprio testatur ex *Rodrig. Portel. V. Monialis nu. 10.* Extenditurque ibi ad omnes Religiosos, & omnes Moniales; & idem antea fuerat declaratum à Cardin. missumque Archiepiscopo Valentiae, ut refert *Rodriguez* in explicatione Bullae Cruciatæ. Et confessio alias facta est nulla.

Idem continetur in *nostra Veneta Diocesana Synodo cap. 45. de Regu.*

Regularibus ibi, Declaramus præterea per quancumque Regularium, & facularium Sacerdotum approbationem pro audiendis confessionibus per nos factam, nullam alicui tribuere facultatem Monialium nobis subiectarum confessionem audiendi, nec vigore quorumcumque privilegiorum id munus, quo ad Moniales explere posse, nisi à nobis specialem licentiam, obtinueris; quod etiam tempore amplissimi Iubilei observandam est, prout à Sacra Cardinalium Congregatione super regularibus fuit demandatum, pena carceris, & alijs arbitrarijs propo-
sitis.

- 3 *Confessori Monialium non possunt durare in officio ultra triennium.*

ILLVSTRATIONES.

Sic Portel ubi supra num. 13. de confessoribus Monialium *S. Clara ex Iulio 11.* Idem statuit de omnibus Monialibus indifferenter, *Sacra Congregatio* ut est videre in *Decretis Synodi Diæcesana Florentina Tit. 14. cap. 6. S. 13. De confessorijs Monialium.* Vbi etiam dictis confessorijs prohibetur, ne vilo pacto post finitum triennium, onus procuratoris illius Monasterij, à quo discedunt, suscipiant. Quod ad ætatem postea spectat, ex *Sacra Congreg.* Constat, Monialiū confessarios debere 45. annos natos esse.

- 4 *Confessores extraordinarij bis, vel ter singulis annis Monialibus assignandi.*

ILLVSTRATIONES.

Conc. *Trid. sess. 25. cap. 10.* Sed notandum tamen, Monialem, quod noluerit illi extraordinario confiteri, posse confiteri cum suo antiquo ordinario, exhibitio enim illius extraordinarij est fauor, cui potest renuntiare. Et ipsum Concilium ait, quod offerat talem extraordinarium; non vero ait, quod cum mandato cogat. Et sic non faciet prudenter Prouinciales, qui præcepto

P cogat

cogat omnes Moniales confiteri illi extraordinario. Si vero cogat, dicens, quod proprio confessori tunc non confiteantur, tenebit mandatum, & non tenebit confessio nisi cum extraordinario.

Portet ubi supra num. 14.

Hi confessorij extraordinarij deputari debent in communi, nō in particulari pro hac, vel illa. *Congreg. Episc. 15. Febr. 1593.*

Libet hic apponere quæ circa id decernit d. Synodus Florentina, loc. cit. §. 7. in hunc modum. *Vt Tridentini Sanctissimi decreto satisfiat, & libertati confitendi admissa crimina saueamus, præcipimus omnibus Abbatissis, Priorissis, & alijs Monasteriorum Praefectis in Virtute Sanctæ obedientiæ, & sub pena excommunicationis lata sententia, ut ter in anno licet irrequisitis, vel etiam repugnantibus confessorijs ordinarijs, seu gubernatoribus, aut etiam omnibus, vel maiori parte Monialium, tempestive Illustriss. ac Reuerendiss. Praefulem moneant, seu generalem eius Vicarium de confessorio extraordinario mittendo, nec à captis desistant, donec voti compotes fiant: coram quo, omnes omnino, quæ in lecto causa vera infirmitatis minime detinentur comparere volumus, sub pænâ amissionis vocis ætæ, & passivæ per triennium ipso facto incurrendæ. Eo vero tempore, quo confessorius extraordinarius aderit, quam rarissime confessorij ordinarij accedant ad alloquendas Moniales, vel eorum confessiones audiendas: ij vero, qui ausu temerario impedire directe præsumpserint hanc confessorij extraordinarij petitionem, electionem, concessionem, vel accessum ad Monasteria, ad excipiendas confessiones, ipso facto excommunicati sint in super confessorij ordinarij Monasteriorum, ab eorum confessionibus audiendis se perpetuo suspendendos intelligant, si quocumque tempore, vel modo significauerint Monialibus, displicere sibi confessorij extraordinarij aduentum, vel non liberè, & integre, sed perfuntorie tantum, & per transfennam eidem esse confitendum in aures Monialium, vel aliorum insinurare tentauerint.*

Monialibus, etiam exemptis, dandus est per Episcopum loci confessorius extraordinarius Naldus *In suis quaest. præct. V. Monialis num. 2. ex Sacra Congregatione. Zypaus tamen in suo Iure Pontificio nouo lib. 3. num. 32. ex eadem Congregatione & ipse censet, si Monasterium sit exemptum à iurisdictione Ordinarij, & Regularibus*

ribus subiectum, extraordinarium huiusmodi confessorum esse offerendum ab iisdem Superioribus Regularibus; sic enim responsum fuit ab eadem Congregatione ad postulationem Episcopi Antuerp. anno 1609. Quamvis *Synodus Andorranens. ann. 1583. tit. 17 cap. 11.* videatur censisse id ad ordinarium spectare; sed magis placet sententia *Congreg.* quia *Concil.* non delegat discrete Episcopo in exemptas aliquam iurisdictionem. Ideo copula, & in *tot. d. cap. 10.* sumenda est respectiue quoad Episcoporum, & aliorum Superiorum subditas, alioquin deberent procedere simul, & coniunctim. Quod si Monialis non potest induci, ut suis Regularibus confiteatur, poterit Episcopus ei dare ex alia Religione, vel sæcularem, ut vult, etiam ordinarium. Sic *Zypaus* ex Congregatione Concilij. Sed supra vidimus quid circa confessores, Monialium tam ordinarios, quam extraordinarios nouissime decreuerit Sacra Congregatio.

Monialibus Sanctæ Claræ facta est concessio, ut quattuor diebus in anno absolui possint ab omnibus casibus, & peccatis plenarie, nullo casu excepto, sicut si ipse Papa audiret confessiones, Sicut *Portel loc. cit. V. confessor erga Fratres. num. 15. ex Rodriquez.* Sed circa id ponderanda est Declaratio *Decreti Clementis VIII.* quo prohibetur absolutio à casibus reservatis, &c. Potest confessor item eis benedictionem Papalem largiri ex *Leone X. Hieronymus Rodericus in Compendio quest. Regularium Emanuelis Roderici. V. Moniales num. 16.*

Qui *num. seq.* dicit etiam, Nouitias, & seruitrices Monialium posse absolui sicut absoluantur ipse Moniales, & Fratres. Aduertit tamen, quod seruitrices ut possint absolui à Prælati, & confessoribus ordinis, oportet, ut sint eiusdem Regulæ professæ intra clausuram in Monialium seruitio actualiter degentes, ut in simili diffinitur in *Trid. Concil.* de seruitoribus Regularium. Nisi sint de seruitricibus professis, vel non professis (quæ conuersæ, vel oblatæ vocantur) sub obedientia Superiorum ordinis degentibus extra clausuram in domibus contiguas Monasterij, quæ extra clausuram degere pro colligendis elemosynis permittit *Pius V.* apud *Bullarium*, ne passim septa Monasterij ingrediantur, &

egrediantur contra ipsius *Concilij decretum*, quapropter non sunt priuandæ exemptionibus, & immunitatibus concessis seruitricibus intra clausuram degentibus.

Idem *Hieronymus V. De absolutionem plenaria fratrum Resol. 3. num. 32.* Scribit dies, in quibus possunt absolui fratres Minores, & Moniales S. Claræ, esse Festa Domini Sabbaoth, & Domine nostræ; omniumque Sanctorum, ac Apostolorum Petri & Pauli; S. P. Francisci, S. Claræ, S. Catherinæ Martÿris, & per totam maiorem Hebdomadam. Sed aduertant communicantes in dictus priuilegijs Minorum, quod non sunt plenarie absoluen- di in diebus festis S. Francisci, & S. Claræ, sed loco eorum possunt absolui in festis suorum Patronorū, vt v.g. Prædicatores in festis S. Dominici, & S. Catherinæ Senensis, & Augustinienſes in festis S. Augustini, & S. Monicæ.

An vero Moniales, quæ non sunt sub cura Regularium, sed viuunt sub Episcoporum obedientia, gaudeant supradictis priuilegijs, puto eas dubio procul gaudere; non enim putandum est, Pontificem, qui eas à iurisdictione Regularium exemit, intēdisse istas gratijs concessis in gratiam Religionum spoliare. Hoc enim pacto istæ Moniales modo essent peioris conditionis, quam antea. Et patet, priuilegium de nouo concessum non tollere alia priuilegia antea concessa, nisi in concessione noui fieret veterum expressa abrogatio. Sunt tamen qui asserant, Moniales tantum gaudere priuilegijs Religionis, quam profitentur, cum commissæ sunt gubernationi ipsorum Regularium.

Naldus loc. cit. numero 9. asserit, Moniales, etiam ob enormem excessum, ab Episcopo absolui debere, quia extra claustrū exire non possunt. Et Episcopus etiam in exemptas Papæ auctoritate fungitur; & licet habeant Generalem, tamen ob reuerentiam ordinis Episcopalis, hoc Episcopis indultum est. *Ex Decis. Rota Rom. 25. de sentent. excomm in antiquis.*

Episcopi namque absolvere possint extra mortis articulum impeditos à quibuscumque casibus, & censuris Apostolicæ Sedi reseruatis; etiam à crimine hæresis, & à censura contracta ob tale crimen. Etenim ratio illa generalis, ne scilicet reseruatio,

quæ

quæ pro bono charitatis est adiuenta, contra charitatem vergat, & in periculum animarum, militat etiam in casu hæresis. Sic *Duardus in Bul. Cana Domini lib. 3. in §. 2. q. 8. conclus. 3. num. 45. Qui num. 40.* ampliat supradictam conclusionem, ut non solum Episcopi de iure antiquo, sed etiam de iure nouo, non obstante decreto Clem. VIII. possint absolvere impeditos, extra mortis articulum ab omnibus casibus, & censuris in Bulla, & in d. decreto, eius denique moderatione, & innouatione, & quocumque modo Apostolicæ Sedi reservatis. Eamdem facultatem Capitulo Sede vacante, Abbatibus, & alijs Prælatibus habentibus Diocesem, & iurisdictionem quasi Episcopalem concedit.

Si autem ab huiusmodi censuris non possent impediti absolui per alium, quam per Romanum Pontificem, profecto ad impossibile obligarentur contra *text. in Limpossibilem, ff. de regul. iur.* Nam quoniam pacto senio confecti, infirmi, & alij similes, qui ad labores itineris sunt penitus inutiles, & multo magis Moniales, quibus imperata est perpetua clausura, Romanam Sedem adire poterunt? Ne igitur pia Mater Ecclesia videatur fideles ad impossibile obligare, dicendum est, quod sicut cōcessit, ut in articulo mortis constituti per alium, quam per Romanum Pontificem possint absolui ab omnibus casibus, & censuris in *dicta Bulla* contentis; ita etiam id ipsum indulgisse censeri impeditis.

Et tales impediti adeo absolui possunt per aliū, quā per Romanū Pontificem à casibus, & censuris Apostolicæ Sedi reservatis, ut nō teneantur ad ipsum Pontificem Procuratorem mittere; vel nunciū, qui coram nomine vices gerat in petenda absolutione; quoniam à iure ad id non obligantur, ut ex *Nazar. Vgol. & Alter. ampliat idem Duardus ubi supra conclus. 1. nu. 21. Bonacina tamen Decensuris disput. 1. q. 3. pun. 2. num. 4.* negat taliter impeditos posse absolui &c. Quando legatum, vel alium habentem priuilegiū absoluendi adire possunt. Sed quod ad Moniales nostræ Diocesis spectat, quando ipsæ adeunt Patriarcham, Sedem Apostolicam adire dicendum est, cum circa Moniales ipse sit ipsius Sedis Apostolicæ Delegatus, etiam priuatiue quoad alios. Extant de hoc particulari *Brenia Leonis X.*

Homobonus item Parte 3. *Com. Resolut. cap. 7. & 8.* probat, Moniales ob quolibet excessum, etiam hæresis externo actu proditæ absolui posse ab Episcopo Diocesano, vel à confessario de ipsius Episcopi licentia; cum iustum impedimentum Summum Pontificem adeundi subsit, nec Romam mittere, vel scribere ipsæ Moniales teneantur.

Formula pro confessario ordinario, qua utimur in hac Ciuitate & Diocesi Veneta.

FEDERICO CARDINALIS ETC.

Tibi de cuius vita, ac peritia nobis satis constat, licentiam concedimus, ut Monialium Monasterij confessiones audire, & secularium etiam, si qua in eodem Monasterio erant, easque absolvere, prout æterquam à castibus, & censuris nobis reservatis, valeas. Ac insuper tibi facultatem impartimur, ut prædicti Monasterij septa ingredi possis superpelliceo tamen, & Holandus, & à duabus ex senioribus Monialibus, ad id deputatis, sociatus; ad administranda tantummodo Sacramenta Pœnitentiæ, Eucharistiæ, & extrema Vñctiois; ac spirituale opem agonizantibus præstandam; nec non dandam defunctis Ecclesiasticam sepulturam. Ceterum tibi præcipiendo, sub pœna perpetua suspensionis ab audiendis Monialium Confessionibus, ne Confessarij extraordinarij petitionem, aut concessionem directæ, vel indirecte impedias; aut quocumque modo, vel tempore Monialibus displicere tibi ipsius extraordinarij aduentum significes; neve alicuius Monialis confessionem, aut reconciliationem audias, dum extraordinaria confessio administratur. Presentibus ad beneplacitum nostrum, & donec revocentur duntaxat duraturis.

Dat. In Patriarchali Palatio Die Mensis Anno

Debet confessarius ordinarius animaduertere, si non licere ingredi clausuram Monialium pro tumultandis cadaceribus secularium, extat eni improhibitio *Sacra Congreg. 1593. Kal. Maij,*
de

de ore Greg. XIII. Fel. rec. in hæc verba, *Cadavera eorū, qui cupiunt in Monasterijs Monialium sepultura tradi, ponantur in exteriori Ecclesia; non etiam intra clausuram.*

Extant etiam ad Cardinalem Florentiæ de eadem res litteræ Sacræ Congregationis talis Tenoris.

Illustris. e Reuerendis. Sig. mio Offeruandis.

Conforme al desiderio di V. S. Illustrissima si è riferito à Nostro Signore quanto la mi scriue intorno à gli abusi, che sono in costessi Monasteri di Monache, nelle quali si seppelliscono anco molte persone Laiche: Per il che necessariamente si viola la clausura senza la necessità, che in ciò si ricerca. Sopra di ciò sua Batiudine hà commesso che io scriua à V. S. Illustrissima, che non comporti in modo alcuno quest' abuso, con prohibire con quelle pene graue, e censure, che farà bisogno, che nelli detti Monasterij non si seppelliscino altri, che le Monache istesse. E per fine bacio humilmente à V. S. Illustris. le mani, raccomandandomeli in gratia.

Di Roma il 1. di Marzo 1585.

Ita reperiri in Registro literarum, & Decretorum S. Congregationis Card. negotijs Regulariū præposita. Die 18. Ianuarij 1633. Roma ad Eminentissimum & Reuerendissimum Cardinalem Cornelium Patriarcham scriptum fuit.

Notandum est hic, In sepultura Monialium nullum ius competere Parocho, sed tantum confessario. Congr. Ep. 17. Jan. 1603.

A Torniellus Prosecretarius.

Confessarius item non potest ingredi claustrā ad aspergendā domū in Sabbato sancto; neque alio die Congr. Episc. 4. Sept. 1596. Merito igitur Eminentiss. & Reuerendiss. D. D. Cardinalis Cornelius Patriarca prohibuit huiusmodi aspersionem in Epiphania in nonnullis Monasterijs, vbi vigeat hic abusus. Nō potest item ingredi ad celebrandam Missam in Infirmaria Monialium Congr. Episc. 22. Augusti 1605.

Pro confessorio extraordinario.

FEDERICVS CARDINALIS ETC.

Tibi *de cuius vita, ac*
peritia nobis satis constat, licentiam impartimur, ut Monia-
lium Monasterij *Confessiones extraor-*
dinarie audire, & secularium etiam, si qua in eodem Monasterio erūt,
easque absolvere, etiam à casibus, & censuris nobis reservatis, possis,
& valeas; cum facultate insuper prædicti Monasterij septa ingredien-
di, in casibus confessorio ordinario permissis, seruatis tamen omnibus,
qua ipsi præscripta sunt. Declaramus autem, in arbitrio eiuscum-
que Monialis esse, si extraordinarie voluerit confiteri; dummodo om-
nes, & singula coram se humiliter se sistant. Quod nos strictè ipsis
mandamus in virtute sanctæ obedientiæ, & sub alijs pœnis arbitra-
rijs, assentis circumstantijs contumacia. Præsentibus
duraturis.

Dat. In Patriarchali Palatio Die Mensis Anno

FEDERICO CARDINALI ETC.

Alla Veneranda Madre

Per soddisfare al Santissimo Decreto del Sacro Concilio di Tren-
 to, e per fanorir la libertà circa il confessare i suoi peccati, hab-
 biamo destinato per Confessore straordinario del vostro Monasterio
 Però vi diciamo,
 ch'è nostra volontà, che tutte le Monache gli comparischino dinanzi,
 e si fermino per tutto quello spazio di tempo, che parerà à detto Padre
 Confessore, se bene non si volessero confessare, stando ciò in arbitrio
 d'esse Monache. E tutto questo comandiamo sotto preceſso di santa ob-
 bedienza, e sotto altre pene giusta la contumacia; con l'obligare insie-
 me voi Madre Superiora à farci intendere, se per sorte vi fosse alcu-
 na, che ricusasse d'obedire; ouero procurasse con fatti, ò con parole, che
 alcuna Monaca non si confessasse dallo straordinario, che gli mandia-
 mo. E perche procedi il tutto senza confusione, si presenti al detto
 Padre

Padre Confessore la Tavoletta, doue per ordine Hanno registrati i nomi di tutte le Monache: & niuna Monaca, se non in caso di qualche urgente necessit , si confessi dal Confessore ordinario, se prima non hauer  finito lo Straordinario. E vi benediciamo insieme con tutte l'altre Madri.

Data nel Patriarcato il giorno del Mese 163

Instructiones pro Confessarijs Sanctimonialium.

Libet hic pro coronide ponere aliquas pro confessarijs Monialium Institutiones ex *Barchio, & alijs*. Primum enim omnium, quicumque   Superioribus ad audiendas sanctimonialium confessiones est delectus, omni prouisione animi cauere debet, ne id muneris suo potius ipsius studio, autore, aut inani quadam sui existimatione, & nimia  stimatione, quam obedienti  ijs, quibus debet, pr stand , & in sua vocatione ambulandi, voluntate suscepisse videatur, ad quam omnes ipsius cogitationes, affectus, dicta, & acta cum sint referenda, atque dirigenda, in eo plurimum statuere debebit, vt ab omnibus intelligatur, se ad negotium tanti ponderis, quantum est operam nauare Monialibus, ad virtutum perfectionem, & absolutionem per rectas confessiones, & spirituales admonitiones atque pr ceptiones, quoad eis fieri possint, perducendis, vocatum partes suas diligenter obire.

2 Si adhuc intra iuuentutis annos sua versabitur  tas, vsuque rerum propterea, & experientia vacabit, se consilio, ope, & ductu seniorum, qui in audiendis Monialium confessionibus maxime sint versati, indigere intelligat, & ea de re illos pers pe in consilium adhibebit; Ac quemadmodum medici studium in experimento, & praxi duos saltem annos, antequam ad exercendam ipsam artem aggrediantur, ponere solent, ita, atque adeo multo magis iuuenes, qui sunt   confessionibus, cum senibus agere, & ab ijs alienas conscientias moderandi, & controuersias, qu  suboriri possunt, explicandi, doctrinam percipere oportet. Diuus

Q Augu-

Augustinus *Epist. 75. ad Auxilium episc.* se quatuor Episcopum veterarium, & etate etiam prouectum, à iunior tamen, & à quouis collega suo, vel vnus anni Tyrone, & nouitio, ad disciplinam omnium rerum, quæ ab eo tradi possent, suscipiendam, paratum esse sæpe numero dicebat.

3 Cum multæ in huiusmodi officium periculi circumstantiæ occurrant; ne quid offendatur, prouidentia in his, quæ pertinent ad spiritum, non parua postulatur; Cum enim de optimo Monialium spirituali Patre sermo est, non bonus quidam duntaxat vir, & tantummodo doctus intelligitur, sed cordatus, & prudens, quique in hoc officij genere Lynceus videatur;

4 Oportebit igitur frequenter in diuinis se præcationes effundere, vt Dominus ei suum spiritum immittat, qui illum moueat, & præcipuo quodam munere, & singulari gratia illi præmonstret, quæ ratione eas animas recte dirigat, atque gubernet.

5 Tentationes in se ipso, vt superet, curabit, quo Sacræ Virgines à se capiant exemplum; quomodo illas certare, certantesque in semetipsis palmæ, & victoriæ compotes fieri oporteat. Præstabit, vt exempla submissionis, humilitatis, patientiæ, mansuetudinis, & erga maiores, atque superiores obsequij, & obedienciæ in se ipso compareant, & præfulgeant.

6 Ad subsellium, vnde audiuntur confessiones, plurimus non accedet, ac quamdiu ibi erit, cum Sacris Virginibus perinde aget, ac si tunc primum ad eas venisset, & numquam alias cum illis sermonem habuisset; sic enim fiet, vt vnus eiusdemque Monialis Sacram confessionem omni pietate, & perpetuo religionis exemplo ad multos annos possit audire.

7 Curabit omnino, vt Moniales in suum, tamquam in Dei conspectum prodire assuefaciat; non quidem vt nugas dicant, se ipsos laudent, probent, aut alienos defectus enuncient, & palam faciant, aut alia id genus absurda, inepta, & importuna agant; sed vt pure integreque sibi admissa peccata confiteantur.

8 In Confessionibus tempus, quam æquissime poterit, omnibus distribuet, quod si aliqua maiori auxilio indigebit, quam alia, ei ita prudenter, & circumspecte opitulabitur, vt aīarū rationibus,

& vti-

& vtilitati non obstat, & ne minimam quidem occasionem mali rumoris asferre possit; cum id intueri, & spectare debeat, vt non solum omnibus idem sit, nullo habito discrimine, sed etiam vt omnes compertissimum habeant, ipsum ab hoc alienissimū esse.

9 Magnopere declinabit, euitabit, atque prorsus abhorrebit, ne vlla eius peculiari amore illaqueetur, & teneatur; Quod si id illi, aut ex verbis, aut genere sermones, aut alio argumento coniectura assequi, & prælagire fuerit, protinus huic morbo, adhibita libertate orationis, & pondere, medicina faciēda est; sic plane, vt sanctimonialis ad sanitatē redeat, & se totam ad Deum conuertat.

10 Iudicium, & prudentiam huc intendat suam, ne vllius sacrarum virginum præcipuo, & singulari studio, atque amore afficiatur, vt potē commendatione sanctitatis, religionis, aut egregiæ indolis, aut probi exempli; Assueuat enim *D. Thomas opusc. 64.* amorem spiritualem, & sanctum, nisi summa animi vigilantia, & cordis custodia fuerit adhibita, in corporeum, & carcum mutari; Adde, quod ceteris id sororibus est offensionis.

11 Monialibus sacras conciones ipse non habeat, nisi sit summa inopia eorum, qui verbum Deum illis enuncient; Tunc de virtutibus tantum, non de virijs verba faciet; votorum vim, & obligationem in vniuersum exponere poterit, aut generatim peccatum exagitarē, & vituperare, aut aliquod Domini nostri passionis mysterium sumere, aut vitæ sanctissimæ Deiparæ Virginis, aut bonum exemplum sanctorum virorum, aut cetera id genus, nihil singulariter tangens, quod ad Monasterium pertineat, siue malū, siue bonum id fuerit, & numquam se ab ipsis vlla in re offensum iudicans.

Curabit tamen ipse confessarius, doctos, prudentes, ac pios concionatores pro suis Monialibus habere; qui bis saltem in singulos menses Dei verbum prædicent ipsis, easque erudiant in omnibus, quæ ad Dei cultum, & sempiternam salutē consequendam pertinent. Sic Cardinalis noster Eminētissimus Prædicatori in Ecclesia Monialium prædicandi licentiam concecit.

FEDERICVS ETC.

Tibi *cuius morum*
honestas, ac sacrarum litterarum peritia nobis nota sunt, facultatem concedimus, ut in Ecclesia exteriori Monasterij Monialium

Monialibus ipsis, in communi, & in interiori Ecclesia congregatis, Verbum Dei à suggestu, vel ex Altari, & non aliter, predicare libere, & licite possis; dummodo, peracta concione, à quocumque singulari colloquio, spiritali etiam, cum aliqua ex Monialibus habendo abstineas; ne pœnas contra Regulares alloquentes Moniales sine licentia inflictas incurras, & leibali crimine una cum ipsa te obstringas. Præsentibus duraturis.

12 **Q**uando confessarius extraordinarius ad eius Monasteriũ missus fuerit, longe ipse abcedet, nec in conspicuum prodibit, donec ille discesserit.

13 Extraordinarius confessarius diuinæ gloriæ, & animarum salutis zelo, & amore ardens, antequam ad Monasterium sibi assignatum accedat, cum Monialium Vicario agat, ut obstacula, & impedimenta, quæ ibi sunt, ab eo cognoscat; quæ in causa sunt, quominus illius Monasterij Moniales ad perfectionem religionis tendant, quemadmodum illarum officium postulat, atque adeo efflagitat; atque ut ea pariter moneatur, quæ sibi adiumenti esse poterunt, ut prauos habitus euellat, & veram religionis obseruantiam inserat.

14 Antequam Monialibus aures præbeat, Præfectam alloquetur, ut quæ capita regulæ seruentur, quæ negligantur ab ea cognoscat, & leges à Superioribus sancitas, & omnia, quæ ad religionem necessaria Monasterium requirit.

15 Non se confessario ordinario, & multo minus sanctimonialiũ Vicario intimum, & familiarem indicabit.

16 Tuebetur omni studio, & quoad eius facere poterit, ordinarij confessarij fidem, & auctoritatem, eamdemque augebit. Qua de renullum eius dictum, aut factum vmquam carpet, ex agirabitque; quod si aliter facere non poterit, non omittet saltem illum purgare, ac defendere, & subleuare, cum dicet, non satis dilucide eius verba intellecta fuisse; aut alia id genus in medium proferet.

17 Excusabit prudenter, non solum confessarios ordinarios, vt diximus, sed etiam alios, tum internos, tum externos superiores, & à calumnijs à perturbatis animis persæpe prodeuntibus vindicabit, sciens nihil esse facilius, ac frequentius in Monasterijs, quam subditas contra Superiores niti; ac de ijsdem conquiri. Denique ita se gerat, vt veræ charitatis nexibus cum seco coniunctas suis Superioribus, & confessarijs ex animo obsequentis, nec non concordēs Virgines Deo Sacras in pace relinquat.

Tandem dicamus cum *D. Anton. 3. p. sit. 20. c. 2. §. 3.* Quod confessor Monialibus tribuendus est, qui non solum sit honestus, sed etiam sciat, quæ spectat ad vitam religiosam, vt valeat eis facere conscientiam de transgressionibus suis, prout decet. De qua quidem materia ab Episcopis, & eorum examinadoribus interrogandi, ac examinandi sunt. Quod si præ idoneorum penuria adhuc rudis, ac iuuenis Sacrarum Virginum confessionibus audiendis præficiendus sit, ipse consilio, ope, & seniorum ductu se muniat, & illorum prudentiæ innitatur, qui in huiusmodi munere, tam theorica, quam practica scientia sunt versati; si quidem ex Menandri sententia, sapiens eris, sapientibus sæpe assidens.

Duo alia monita ipsis Monialium Confessarijs dari possunt.

1. Quod ad sacramentorum frequentiam ipsas Moniales efficaciter adhortari tenentur, dummodo in hoc non sint nimij, maxime in concedenda quotidiana communione, quam concedere nullo pacto debent alicui ex Monialibus in consulto Episcopo.

2. Quod cauere fummo opere debent, ne verbis, aut fignis, vel quouis alio modo peccata in confeffione audita prodant. Nec audiendi funt, qui afferere non dubitant, Monialium Confeffarios poffe, immo & debere ipfarum Monialium peccata Superioribus in communi pro palare, ad eos in regimine externo adiuuandos. Debet igitur dicti Confeffarij ita prorsus in omnibus cafibus fe gerere, ac fi in confeffione nihil audiuiſſent, fibique perſuadere, vt humanarum rerum regimen ab hoc Sacramento longiffime diſtat, ita debere nullatenus ab eo pendere; & hanc fuiſſe mentem *Clementis VIII.* conſtat: ex *Decreto* illius de caſibus reſeruatis facto pro Regularibus *ann.* 1594. *die* 20. *Menſis* *Majj.* ubi, Tam Superiores, pro tempore exiſtentes, quam Confeſſarij, qui poſtea ad ſuperioratus gradum fuerint promoti, caueant diligentiffime, ne ea notitia, quam de aliorum peccatis in confeſſione habuerunt, ad exteriorem gubernationem vtantur.

Cauent igitur Monialium Superiores, ne Monialium confeſſarios de ſtatu animarum ſibi commiſſarum, & Monafterij interrogent; quia ſic laeditur honor ſacramenti; quia non ita fidei ter, ac frequenter ad illud homines accedent, ſi ſciant, aut vereantur inde ſibi malū aliquod euenire poſſe, laeditur quoque fama penitentis, quia ſi in generali de ſectus alieni in cōſiſſione auditi pro palari poſſint, peticulum eſt, vt cognoſcantur penitentes auctores crimine. Quæ omnia in omnibus penitentibus accidere poſſe timendum eſt, ſed maxime in Monialibus, quæ ob ſexus fragilitatem timent etiam ubi non eſt timor, nec minus umbra timoris.

Poſſet tamen Monialium Confeſſarius abſque reuelatione ſigilli reuelare Superioribus peccata ipſarum Monialium, quæ in confeſſione audiuit, ſi aliunde extra cōſiſſionem illa ſciant, dummodo nihil certius affirmet, quam ex alia notitia agnoſcat, quia alias ſigilli violator eſſet. An vero etiam debeat id agere, affirmatiue reſpondendum, ſi peccata ſcilicet ſurgant in perniciem, & dedecus Monafterij, & non ſint emendata. Ego tamen conſulerem hunc confeſſarium, non per ſe, ſed per aliam perſonam piā, & religioſam hoc officiū præſtare, ad vitanda ſcandala, quæ hinc oriri poſſent, ſi Moniales in cognitionem deuenirent, quod

(quod facile potest accidere) confessorium eorum peccata Superiori propalasse, nullus enim ipsis unquam persuadere posset, confessorium illa extra confessionem audiuisse; sed firmiter crederent, confessorium violasse sigillum, & ideo confessionis sacramentum apud ipsas tam odiosum fieret, ut aliquæ pbtius eligerent damnari, quam illic confessorio denuo confiteri. Talia sunt ut plurimum mulierum inclusarum ingenia.

Apponamus etiam hic ex *Gauanto*, & alijs nonnulla obseruanda in Visitatione Monialium.

1. Statuta. Obedientiâ. Paupertas. Castitas. Clausura. Circuitus murorum intra septa. Sacramentorum frequentia. Chori disciplina. Silentium in choro, Dormitorio, & Refectorio. Oratio mentalis. Ieiunia. Flagella. Officia, & labores communes. Lectio ad mensam. Comites in loquutorio. Laici sine licentia. Crates apertæ in Quadragesima, & Aduentu. Electio officialium. Largitio munerum. Victus communis. Epistolæ. Redditi. Onera. Satisfactio. Capitulum culpæ. Negotiorum. Rationes dati, & accepti. Hæc in communi.

2. Examinatur vnaquæque de Nomine. Cognomine. Patria. Professione. Aetate in Monasterio. Dote allata. Renuntiatione. Choralis, an conuersa sit. Officium diuinum, vel quid eius loco. Munus, & officium. Cella separata. Exercitia Monasterij communia. Anuli. Comæ. Chirothecæ. Canes. Aues. Speculum. Instrumenta musica.

3. De Prælata. Officialium moribus. Magistra Nouitiarum. Vicaria. Discretis. Sacristæ. Prædictæ. Ianitrice. Oeconomica. Auditricibus. Rotarijs. Officialibus minoribus. Et præsertim super prædictis *nu. 1.* Item de confessorio ordinario, & extraordinarijs.

4. Antequam visitator visitationem aggrediatur, præteritorum visitationum decreta, indices, & alia, quæ à Præfecta præparata erunt, diligenter videat, atque consideret. Interroget in præsentia aliquorum, qui sint maturi, & modesti, & qui defectus occultos, quos audiunt, alijs non reuelent, vel in præsentia Notarij, quia visitan-

visitanti soli non creditur; sed vel Notarius, vel alij si fieri potest; ita intersint, ut eos Moniales adesse non cognoscant.

5. Tandem animaduertendum est, visitationem localem vtilius regulariter fieri paulo antequam auricularis, siue personalis absoluator. Et si aliquis ipsam impedire præsumperit, nisi monitus resipiscat, excommunicationem ipso facto incurrere. *Clem. fin. de stat. Monac. & ibi Card.* Et monitio vnica sufficit; sed debet fieri per visitatorem, & non per alium post impedimentum, & sufficit vna talis monitio.

Quomodo se gerere debeat Superior in Inquisitione delictorum Monialium, dum ipsas, earumque Monasteria visitat.

1. Tribus modis potest Superior inquirere de delictis Monialium. Primo in generali tam ex parte delictorum, quam Monialium, ut quando ipse visitans interrogat, an in communitate sint aliqua crimina, vel an leges, & statuta seruentur, vel an sciatur aliquam ex Monialibus commisisse aliquod crimen, &c. Et hic modus inquisitionis est per se iustus, nullamque aliam circumstantiam præ requirit præter ius, & actum visitandi; quia per illum modum interrogandi nulli fit iniuria, & est moraliter necessarius ad inchoandam visitationem; nam illa interrogatio non est proprie actus iudicialis, sed generalis gubernationis, & quasi præambulum quoddam ad iudicium, si necessarium fuerit.

2. Fit secundo inquisitio per interrogationem specialem ex parte delicti, generalem vero ex parte personarum; ut si superior interroget, an sciatur, aliquam, Monialem in hoc Monasterio habere proprium, vel aliquid contra honestatem perpetrasse, vel similia. Et hæc inquisitio conuenit cum præcedenti, quod sine vlla præcedente infamia personæ alicuius fieri potest; quia cum de nulla persona in particulari fiat interrogatio, nulli fit iniuria, etiamsi infamia non præcesserit. Et ita quotidie fit ab Episcopis, & alijs visitatoribus.

3. Nihilominus tamen circa hunc secundum modum aduertunt auctores, non debere usurpari, præsertim in Monialibus, nisi speciale

ciāle delictum, de quo interrogatur, præcesserit, vel de illo sit communis rumor, & suspicio; quamvis de auctrice nec infamia, nec notitia sit; quia ubi nullus rumor de delicto etiam præcessit, nonnulla iniuria videtur fieri communitati eo modo interrogando; quia eo ipso videtur generari suspicio aliquid huiusmodi in tali communitate factum esse.

4. Tertio potest inquisitio fieri in particulari de tali Moniali, quæ etiam potest fieri in particulari de tali delicto, vt an soror Lucia clausuram violauerit, vel in generali, an commiseret aliquod delictum graue. Et vterque modus comprehendit solet sub inquisitione particulari, de qua communis regula est, non licere huiusmodi particularem inquisitionem, nisi de tali Moniali præcedat infamia proportionata delicto.

5. Hinc sequitur, in huiusmodi visitationibus non teneri Monialem interrogatam etiam sub iuramento ad manifestandam leuam, quam deliquissenouit, quando a deo occulta ipsa est, vt nulla infamia laboret. Et ratio est, quia Iudex non potest de tali Moniali iuridice interrogare, neque alia tenetur respondere, Monialem illam manifestando. Vnde licet Prælatus absolute interroget, semper subintelligitur, an Monialis sciant delictum de aliqua Moniali, quæ de tali delicto infamata sit.

6. Sed notandum est, quod si Prælatus de posito Visitatoris iudicialis munere (vt sic dicam) postulet, vel præcipiat sibi, vt patri, & in ordine tantum ad emendationem secretam denunciari ea, quæ ad bonum communitatis opportuna fuerint, possunt, & debent Moniales, supposita morali fide directa intentione Prælari, illi obedire.

7. Potest tamen in duobus casibus delictum sororis denunciare, licet non præcesserit infamia. Primus est, quando delictum vergit in damnum communitatis, & facile potest alios inficere. Alter casus est, quando Monialis secreto mouit deliquentem sororem, & non potuit illam emendare.

8. In quibusdam Religionibus, ubi studium est perfecti. nis, moris est ante priuatam monitionem, denunciare fratres: Ratio

R est,

est; quia in Religionibus, ubi ista consuetudo est, censentur Regulares renuntiasse iuri suo quoad lésionem famæ, quæ contingit prætermisso ordine fraternæ correptionis, eo ipso quo tale institutum suscipiunt. Nec id est contra præceptum Domini de correptione, ut latè probat *Greg. de Val. 3. par. disputat. 3. quæst. 10. punct. 5.* & fauet etiam *Bannes* citatus ab ipso.

9. Ad nullius etiam Senioris, & discretæ Monialis delationem iudicium firmare debet Superior, nam & falli Monialis cetera probatissima, & in errorem ab alia adduci potest; cum optima quæque Religionis suæ zelo per facile in errorem inducatur. Facit hoc amor, dum enim damna metuit, imminencia credit.

10. Nusquam è nudis delationibus ad aliquid opere explendum procedat ipse Superior. Quid enim si post hæc innocentem ream deprehendat? Quanta conscientie inquietudo insurgit? cum non raro innocens damnata, metore contrahescat.

11. Numquam inaudito rea, quantumvis noxia, certo aliquid apud animum statuatur Superior. Nihil commoto recentè à delationibus animo peragere debet, cum fere in animo commotione prudentiæ locus non sit.

12. In omni delatione persuadet Superior sibi, posse delatricem falli, seu visa, seu narrata deferat. Delatione facta tacitus seculum consideret Superior, num quæ inter deferentem Monialem, aut ream æmulationis causa intercurrat.

13. Vocet deinde ad se ream, cui frigide potius, quam calide delata proponat, minuatur etiam verbis delictum, humanamque conditionem ad lapsum procliuem adferat, proutque in ipsam animum ostendat, verbisque è paterno pectore de promptis beneuolentiam iuuet.

14. Si audita delatrix referat, det operam Superior, ut ad primam narrati delicti auctricem deueniat, antequam cū rea agat. Videat deinde quibus narrationis illius auctrix nitatur, suspitionibusve, & coniecturis nudis, an alijs certioribus: Mores etiam huius consideret, an ad delationem prona, ad censurarum seuëritatem, ad res supra veritatem augendas, aut ad alium minus

ordi-

ordinatum affectum; intercedat ne aliquid alienæ mentis, offensa à rea sit.

15. Si delatrix visa à se referat, reaque neget, nec minus hæc foris in negatione, quam illa in accusatione sit; post tentatos varie utriusque animos, si parem in utrisque verborum constantiam repererit, nec in vlla circumstantia à semel affirmatis, aut negatis deflecentes, poterit canonicam utrique purgationem imponere.

16. Quod si complicem complex accuset, ingens fidem adhibendi occasio est; ac nisi clare se qui accusatur, purget, vix denegari accusatrici fides potest, cum facta ipsa sit accusatrix sui, quod gratuito nemo prudens facit.

17. Si ipsius Monasterij Prælata sit, quæ accusatur, maiore opus discussione, accurationeque inuestigatione, cum multa ratione muneris in illa sint, quæ æmulationes alienationesque animorum nata sunt producere.

18. Cum mulieres laicæ, etiam de iure canonico admittantur interstes, quando aliter veritas haberi non potest, multo magis admittendæ sunt Moniales contra alias Moniales, cum earum delicta non nisi per ipsas probari valeant. Et licet ex dicto duarum feminarum non possit quis condemnari, ut aliqui sentiunt, hoc tamen non videtur admittendum in Monialibus, quæ sunt religiosæ timentes Deum, & ita duæ sufficienter probant, si alias omni exceptione maiores sint. Sed in hoc sint circumspècti, & prudenter interrogent iudices.

19. Sed notandum est, alios esse contestes alios testes singulares. Contestes sunt illi, qui concordant in facto, loco, & tempore. Ut si duo testes iurent se vidisse sororẽ Lugretiam alloquentem Antonium talibus verbis, prima die Martij, hora sexta, in loquutorio. Hi sunt contestes, quia in omnibus contestantur, id est concordant. Testes singulares sunt, qui discordant in aliquo, vel in aliquibus illorum. Ut si vna ex Monialibus dicat se vidisse dictam sororem Lugretiam illa die, sed in alio loco, vel alia die; vel dicat, vidisse quidem illud, sed variat, & in die, & in loco, vel

in hora; vel si vna testificetur, alloquutam ipsam fuisse Antoniũ, & alia Petrum; licet alias concordent in loco, & in tempore. Et est communis Doctorum.

20. Si testes concordent in substantia, seu facto principali: per eadem verba formalia, vel æquivalentia, & in loco, & in tempore; licet alias discordent in aliquibus verbis, vel circumstantiis, non desinunt esse testes, immo illa discordia accidentalis aliquando magis firmat testimonium, testificant enim modo humano.

21. Stando in communi iure, Episcopus, siue Prælatus Ecclesiasticus super Moniales iurisdictionem habens, indicare potest purgationem canonicam Moniali sibi subditæ, infamatae de non seruanda castitate, si delictum non possit plene probari, & constare de veritate. Hæc conclusio habetur expressa in *cap. Moniales de purgatione canonica*. Non tamen passim huiusmodi purgatio indicenda est.

22. Monialis, cui iudicatur purgatio canonica, iurare debet coram Prælo, se non commississe delictum illud, de quo est infamata, inquisita, denunciata, vel accusata.

23. Ad faciendam purgationem prædictam, debent etiam concurrere aliqui testes compurgatores, qui & iurare debent (non quod rea non commiserit illud delictum) sed quod ipsi credunt ipsam verum iurasse.

24. Monialis, si in indicta sibi purgatione defecerit, si fueras accusata, punitur tamquam conuicta; si vero inquisita, aut denunciata, erit punienda pœna arbitraria.

25. Aduertendum est, nullum in visitatione exigi posse iuramentum ab interrogandis, extat text. expressus in Capitulo Romano cit. de cens. in 6. §. sanè. Modus autem interrogandi in visitatione est, an sciant, aut credant, aut fama sit.

26. Visitans Episcopus Monasterium Monialium, potest quidem Moniales monere, vt reuelent ea, quæ correctione, & emendatione indigerent, sed hoc præstabit sine excommunicatione, nam ita censuit *Sacra Congregatio*.

27. Tandem sciant Episcopi, quod satius est, ipsos in uisitatio-
nibus Monialium procedere erga ipsas, tamquam Patres, quam
tamquam Iudices, dummodo causæ sint leues, aut etiam gra-
ues, non autem scandalosæ. Curare igitur quam maxime de-
bent, ut omnia paterna charitate fiant, & benigne, & charitative
eas corrigant, iuxta sua regularia statuta; simpliciter, & de
plano absque omni prorsus ordine iudiciorum; omnino nihil de
pœna, aut supplicij cogitando (si fieri possit) sed sollicitè cu-
rando ipsarum mederi vulneribus, & ut conuenienti modo in
officio ipsæ contineantur, & vitia omnia ab illis radicitus euel-
lantur.


28. Pro quo facit illud, quod habetur *in capit. licet plerumque
dist. 5.* quod est *Diui Gregorij in Epist. ad Episcopos per Gal-
liam, & Germaniam Constitutos*; & est quidem ad hoc propo-
situm valde notandum, cuius sunt quæ sequuntur verba. Licet
plerumque accidant in sacerdotibus (dicamus nos in Moniali-
bus) quæ sunt reprehendenda, plus tamen erga corrigendos agat
beneuolentia, quam seueritas, plus cohortatio, quam commi-
natio, plus charitas, quam potestas, cum nemo nostrum sine
peccato uiuat.

29. Quæ supradicta verba ad litteram extracta sunt à *Sacri Con-
cilij Trident. Patribus, & allata sess. 13. cap. 1. In Decreto de Re-
form.* agendo de Prælatorum officio, & suorum subditorum cor-
rectione, ubi etiam post alia sequentia habentur verba. In pri-
mis Prælatos omnes Concilium admonendum censet, ut memi-
nerint se esse Pastores, atque ita oportere præesse sibi subditis, ut
non in eis dominantur, sed illos tamquam filios, & fratres dili-
gant; elaborentque ut hortando, & mouendo ab illicitis deter-
reant, ne ubi deliquerint eos debetis pœnis coercere cogantur.
Quos tamen si per humanam fragilitatem peccare contigerit,
illa Apostoli præceptio ab eis seruanda est, ut illos arguant, ob-
secrent, increpent in omni bonitate, & patientia; cum sæpe plus
erga corrigendos agat beneuolentia, quam austeritas, plus
exhortatio, quam comminatio, plus charitas, quam potestas.

Post

Post quæ addita ibidem. Si autem ob delicti gravitatem virga quandoque opus fuerit, tunc cum mansuetudine rigor, cum misericordia iudicium, cum lenitate severitas adhibenda est, ut sine asperitate disciplina salutaris, ac populis necessaria conservetur.

F I N I S.



Laus Iesu, Mariae, Hieronymo.